

WANTOK

NIUSPEPA BILONG YUMI OL PAPUA NIUGINI STRET! 30 YIA NAU

32 pes

Namba 1,367

Wik i stat long Fonde Septemba 7, 2000

70t

Kaikai sot long Saut Bogenvil

pes 2

Wenge strong long kotim VAT Lo

pes 3

Sengero bai wetim NEC

pes 9



SO IN THE WORLD

SAPLIMEN

SVD

amamasim 100 yla

pes 11-14

WENCESLAUS MAGUN i raitim

TINGTING bilong Nesenel Gavman long salim olgeta gavman aset olsem Papua Niugini Benking Koporesen, Telekom, Air Niugini, Elkom, Harbours Bod na ol arapela bisnis han bilong gavman, i no inap bekim olgeta dinau bilong Papua Niugini, Jenerel Seketeri bilong Tred Yunien Kongres, John Paska i tok.

Tingting bilong salim ol gavman aset

Mista Paska i tokaut long dispela insait long wanpela kibung bilong kisim ol tingting bilong ol grasrut na ol arapela pipel bilong PNG long tingting bilong Nesenel Gavman long salim olgeta gavman aset o pravitaisesen, aste long Mosbi.

Em i tok hevi bilong ol bisnis han bilong gavman i no mekim win mani, em i no bikos ol

dispela gavman bisnis i no inap mekim win mani. Nogat. Mista Paska i tok pasin politik we i save lukim ol politisen i makim ol bos bilong ol dispela gavman bisnis na pasin bilong baim ol dispela bos long bikpela mani tru i as tru we i lukim ol gavman bisnis i no mekim win mani.

Mista Paska i tok wanem samting Nesenel

Gavman i mas mekim long stretim dispela hevi em long kamapim ol gutpela polisi we i noken larim pasin politik i bagarapim ron bilong ol gavman bisnis na long wankain taim lukim olsem dispela ol sevis i helpim ol pipel long kantri.

Em i tok tu olsem, dispela ol polisi i mas larim ol gavman bisnis i mekim wok olsem ol pravit bisnis bai ol i ken mekim gut wok.

I go moa long pes 2

Mi asua pinis, Kas i tok

RAYMOND PALANGAT i raitim

GAVANA bilong Madang Jim Kas i tokaut long Lidasip Traibunel aste olsem em i tru olsem em i mekim rong.

Gavana Kas husat i bin bekim ol sas ol lain bilong Pablik Prosekjuta i bin sasim long wanpela rong em i bin mekim long 1998.

Siaman bilong dispela lidasip traibunel Jastis Mark Sevua husat i wok long mekim wok painim aut sapos Mista Kas i bin mekim rong, bai givim disisen bilong em long Septemba 14.

Mista Kas i stap long kot haus aste wantaim sampela sapota bilong em taim Pablik Prosekjuta Panuel Mogish i tokaut long ol dispela rong em i bin mekim long Madang ples balus long Februari 21, 1998.

Kot i bin harim olsem long dispela de Mista Kas i bin sapos long kisim wanpela Air Link balus i go long Mt Hagen long 7:30 long moning tasol em i bin leit.

Mista Mogish i tokim kot olsem taim Mista Kas i lukim olsem balus i laik tekop em wantaim tripela plisman i ronim ka siksti stret i go long ranwe bilong balus na i stop klostu long balus na i bin traim long go insait long balus. Tasol pailot bilong balus i rausim na i tekov lusim em.

Mr Mogish i tok olsem Mista Kas i bin brukim lo bilong Civil Aviation

bikos em i no bin kisim tok olrait long go insait long ran we bilong ples balus. Dispela tok olrait ol i mas kisim long opis bilong Civil Aviation yet.

Kot i bin harim tu olsem taim balus i tekop lusim Kas, em wantaim ol tripela plis man i ronim ka bilong ol i go long teminol we em i no bin mekim gutpela pasin na i bagarapim ol wokman bilong Air Link. Bihain long dispela Mista Kas i go long opis bilong Civil Aviation we em i bin tokim ol long painim wanpela balus long kisim em i go long Mt Hagen.

Mista Mogish i tokim kot olsem Gavana Kas i bin spak taim em i bin mekim dispela pasin nogut.

Em i tok olsem taim Mista Kas i tokim ol plisman long ronim ka i go long ran-we bilong ples balus long Madang em i bin brukim seksen 97 (1)(a) bilong konstitusen na Seksen 5 long Plis Ekt we i tokaut long ol wok bilong ol plisman meri long PNG.

Mista Mogish i tok olsem dispela pasim Gavana Kas i bin mekim i bagarapim opis bilong em na wok bilong em olsem Gavana bilong Madang provins, olsem memba bilong palamen long Madang Provinsel Sit na olsem wanpela memba bilong Madang Provinsel Asembli.

Mista Mogish is tok olsem Mista Kas i bagarapim nem bilong em na nem bilong Gavman bilong Papua Niugini



• Yangpela susa ya wantaim bikman ya i bilas gut tru long amamasim nupela ambüens na helt sevis long Ungai Bena distrik, Isten Hailans provins.

Nestlé MILO IKEN WOKIM GUTPELA SAMTING LONG YU

PLIS RIPOT

Simbu:

Plis long Kerowagi i bin holim pasim na sasim tripela man long wokim stipasim long amari o ples bilong ol plis long putim ol gan na ol arapela samting olsem long en. Ol bin holim pasim na sasim tu wanpela sinia Koreksenel opisa long helpim ol stilman i go insait long Barawagi haus kalabus na stilim ol gan na katres samting, plis ripot i tok.

Plis i bin holim pasim na sasim dispela sajan husat i kam long Kerowagi distrik insait long Simbu provins. Tupela narapela em wanpela Gret 7 sumatin na narapela man husat i gat 20 krismas bilong ples Tamugi.

Ol bin sasim sumatin ya long stap wantaim ol stilman taim Tamugi i kisim sas long karim ol samting we i ken bagarapim man na holim ol samting ol i stilim na tu stap wantaim ol stilman. Provisnel Plis Komanda Simon Kauba i tok lida bilong stil grup i wanpela ronawe kalabus man na em tasol i bin brukim amari.

Bogenvil:

Fotifo (44) yangpela pipel we i gat long en siksipela yangpela meri i bin greduet olsem ol oksileri plis long Tonu insait long Siwai eria, sautwes Bogenvil long las wik. Ol bin sindaun insait long foapela wik trening bipo ol i greduet. Olplis ripot i tok Nu Silan na Australia i bin sponsorim dispela kos we i hap long wanpela projek we tupela grup i ranim long bikailan Bogenvil long dispela yia bilong strongim lo na oda insait long ol komyuniti na provins.

PNG Plis Konstabuleri i givim helpim tu long sait bilong givim trening. Plis ripot i tok dispela em namba tu greduesen bilong ol oksileri plis long dispela yia long Bogenvil. Namba wan i bin kamap long Bana we ol yangpela manmeri i bin greduet olsem ol oksileri plis bihain long ol i bin pinisim foapela wik kos. Ol nupela oksileri plis bai wok wantaim ol siefs na ol plis long lukautim lo na oda. Wankain kos bai kamap long Buin long neks mun.

Sepik:

Passam Nesenel hai skul long Is Sepik provins i stap gen long hevi. Bihainim dai bilong wanpela sumatin bilong Lae long las mun, hevi nau i kamap gen namel long ol Hailans na ol nambis sumatin.

Ol bin singautim ol plis long go long skul las wik bilong daunim hevi. Provisnel Plis Komanda bilong Is Sepik Leo Kabilo i tok hevi long Pasam i no samting bilong nau tasol em i save stap na kamap long olgeta yia.

Mista Kabilo i tok bikos hevi ya i save kamap long olgeta yia, em i moabeta long kisim tasol ol Momase rijen sumatin long dispela skul. Na ol sumatin bilong ol arapela hap i ken go long ol nesenel skul klostu long ol. Plis i holim pasim 11 pela sumatin husat i stap insait long trabel we sumatin bilong Morobe i bin dai long en.

Is Sepik:

Wanpela man i dai pinis na tripela yangpela i stap long lukaut bilong ol plis long Is Sepik bihain long wanpela Wol Wo 2 bom i pairap na kilim dai wanpela lapun man.

Ol plis ripot i tok tripela yangpela manki i bin wok long pilapilai wantaim wanpela Wol Wo 2 bom bilong ol Japan na wokim paia long en. Na taim lapun man ya i laik save wanem samting ol pikinini ya i wok bom i bin pairap na kilim dai em. Plis bai sasim tripela manki ya. Plis i ripot olsem wanpela gret 10 manki bilong kisim bom long hai skul na karim i go long ples. Na ol i wokim paia long en na em i pairap na kilim dai narapela ples man.

Ombudsmen salim Kens ripot long palamen

YAKAM KELO i raitim

OMBUDSMEN Komisin i redim pinis wanpela pepa ol i kolim status ripot we em bai givim long palamen i ken ritim na toktok long en. Dispela ripot i karamapim olgeta wok painimaut bilong em long hevi bilong Kens Konsevetri we ol i soim nem bilong ol bikman, ol edvaisa, ol wokman na husat ol lain i bin stap insait long mekim olgeta wok i orait long baim bikpela haus long Kens yusim mani bilong POSF.

Palamen bai glasim dispela ripot na traim skelim sapos i orait long Ombudsmen Komisin i ken kamapim sampela moa pawa bilong em insait long Ogenik Lo long kotim ol lain husat em Ombudsmen i gat evidens long kotim long ol asua o bagarap ol i mekim.

Ombudsmen Komisin i mekm dispela status ripot bikos bihain long ol i kamapim ripot long ol wok painimaut bilong ol insait long bikpela haus long Kens we POSF i baim, nogat wanpela eksen em inap mekim moa long kotim ol lain. Em i soim ripot tasol na opis bilong Atoni Jenerel i karimaut ol ripot bilong Ombudsmen na tokim husat i gat rekot long mekim ol asua long go long kot o pinis long wok o bekim mani na ol kain samting olsem.

Ombudsmen i bin mekim ol ripot bilong em long Kens Konsevetri tasol i nogat wanpela eksen i kamap long en taim em i salim ol dispela ripot i go long Atoni Jenerel.

Tasol Sief Ombudsmen Komisin Simon Pentanu i tokim Wantok olsem em i save olpela Atoni Jenerel Michael Gene i bin raitim ol pepa bilong givim i go long ol lain na husat husat i gat nem long dispela hevi bilong Kens Konsevetri long Australia. Mista Pentanu i tok em i no klia nau long wanem hap o mak dispela pepa i stap long en bikos Mista Gene i pinis long wok na Sao Gabi i kisim ples gen. Dispela pepa em bilong strongim na karimaut ol toktok bilong Ombudsmen Komisin ripot long hevi insait long Kens Konsevetri.

PNG gat sans long kamapim ol muvi ekta

WANPELA man bilong Amerika, George Lucas em i man bilong go pas long kamapim Star War muvi piksa we i save kamap long ol televisen long olgeta hap bilong wol.

Long 1989 dispela man i bin kisim moa long 22 manmeri bilong Trobrien Ailan long Milen Be provins i go long Phuket long Tailan long wok olsem ol muvi ekta long wanpela gutpela muvi piksa we Mista Lucas yet i laik kamapim.

Dispela muvi em "The Young Indiana Jones and the Treasure of The Peacock's Eye".

Bihain long dispela taim wanpela man namel long dispela grup husat i go kamap ekta long dispela muvi i kamapim nau wanpela wok painimaut long ol gutpela manmeri husat i ken wok olsem ekta wantaim kampani bilong Goerge Lucas long Lucas Productions kampani.

Banian Masiboda, husat i gat kampani bilong em yet, Artbase Advertising, i gat wanpela kontrak nau long

Lucas Productions bilong Hollywood long painimaut husat manmeri i gat talent o i ken ekt long go wok olsem ekta, wankain olsem biknem PNG ekta William Takakus.

Mista Masiboda i tok olsem taim ol i go long Phuket long Tailan long 1989, ol wanwan man long grup i kisim mani olsem K300 long wanwan de long wok bilong ol olsem ekta.

Dispela em inap tru long winim olsem K4200 long wanwan fotnait pe bilong yumi ol Papua Niugini.

Ol man o meri husat i gat laik long kamap ekta i mas painimaut moa long Mista Masiboda long wnem em i gat sampela moa muvi kampani i sambai long kisim ol man o meri long wok ekta long ol nupela piksa bilong Hollywood na Australia.

Mista Masiboda i tok em i gat olsem 4-pela moa kampani i wetim ol lain husat i bilip olsem ol i ken ekt insait long wanwan kantri long kamap ol muvi ekta.

Singaut long helpim saut Bogenvil pipel

VERONICA HATUTASI i raitim

WANPELA grup bilong Bogenvil long Mosbi i putim strongpela singaut long Gavana John Momis na Saut Bogenvil memba Michael Laimo long wokim samting kwiktaim bilong helpim ol pipel long ples husat i stap long taim bilong hangre.

Dairekta bilong Sautwes Distrik Risos Developmen Faundesen Timothy Uming na Seketeri na Tresera Peter Miliken long dispela wik i askim long Gavana Momis na Mista Laimo na tu ol arapela memba bilong Bogenvil wantaim tu provinsel na nesenel gavman bilong helpim ol pipel long saut Bogenvil husat i kisim taim long bikpela ren na kaikai i sot.

Mista Uming na Miliken i kam long nius bikos ol i kisim ol toktok long sampela lain i kam long saut Bogenvil yet na ol i ripot olsem hevi i nogut tru bikos ol gaden kaikai i sting bihain long ren i wok long pundaun longpela taim. Mekim na sampela pipel, moa yet ol lapun na ol pikinini i wok long dai.

"Mipela i askim strong ol politisen, moa yet Gavana Momis na Mista Laimo long helpim ol pipel nau. Noken westim taim bikos dispela em laip. Mipela i save olsem yupela i stap insait long ol bikpela bung tasol laip bilong ol pipel long nau i bikpela samting. Ol i stap long hevi na sampela i dai pinis. Dispela em naturel disasta o samting we yumi man i no inap long stapim. Olsem mipela i askim strong yupela ol lida long mekim samting nau long helpim ol pipel long Buin, Siwai, Bana na Torokina husat i stap long bikpela hevi," Mista Uming na Miliken i tok.

Marcia Dwonzynek, wanpela wokmeri wantaim Wol Visen Intenesenel we wantaim Australian Voluntias Intenesenel em ol Non Gavman Ogenaisesen husat i wok long wanpela join projek long Buin, saut Bogenvil i tok olsem dispela hevi i nogut tru. Na ol i laikim ol atoriti long provinsel na nesenel level long givim hariap helpim i go long ol pipel bikos hangre we bikpela ren i kamapim i bagarapim tru ol pipel.

"Mipela i kisim ol ripot olsem sampela pikinini i kisim ol kain sik olsem bikpela bel, bun nating, hangre bikos kaikai i sot. Ol mama i susuim ol bebi i no kisim kaikai na dispela i kamapim hevi long ol bebi husat i stap hangre.

"Wankain tu long ol skul pikinini. Long Siwai, ol i salim ol skul pikinini i go long ples long belo bikos ol i hangre na ol i no inap long holim ol bek long skul. Tu ol i mas go long ples na helpim papamama long planim kaikai.

"Bikpela ren i stap long saut Bogenvil long longpela taim nau na ol gaden kaikai i bagarap. Kaukau we i kaikai tru bilong ol pipel i sting bikos wara i karamapim. Sapos ol i planim tu nupela, em bai kisim foapela mun bipo kaikai i redi. Bikos ol pipel i wok long kamap orait isi long ol trabel long ailan, ol i sot long mani bilong baim ol stoa kaikai. Olsem na ol i laikim helpim wantaim kaikai long dispela taim."

"Ol lapun na sik lain i kisim taim tru. Mipela i wari tru na bai mipela i traim helpim ol atoriti long graun long kisim ripot long hamas pipel tru i stap insait

long dispela hevi long kaikai i sot, na gavman na ol arapela grup i ken helpim ol," Mis Dwonzynek i tok.

Ol wokman long Opis bilong Bogenvil Afeas na Bogenvil Edministresen i tok ol no save long dispela samting bikos ol no kisim wanpela ripot yet.

Nogat toktok i kam long opis bilong Gavana Momis bikos olgeta i stap long Bogenvil lidas bung long Rabaul.

"Ol lida i mas wokim samting long helpim ol pipel nau. Ol mas go pas. Trupela tes olsem ol i trupela lida husat i kisim namba long helpim ol pipel i save kamap long taim bilong dispela kain hevi," tupela Mista Uming na Miliken i tok.

Tupela i askim tu ol arapela provins we i stap klostu long Bogenvil olsem Is na Wes Nu Briten, Nu Ailan, Manus na Milen Be long traim givim helpim wantaim kaikai na wanem rot ol i ken.

Ol i tok long gutpela taim ol arapela provins i kisim hevi Bogenvil i save givim helpim tu. Na dispela em gutpela taim long helpim ol brata na susa bilong ol long saut Bogenvil husat i sot long kaikai.

Tingting bilong salim ol gavman aset

I kam long pes 1

Em i tok, tingting bilong Nesenel Gavman long kamapim lo bilong praivetaisesen em i no gutpela long dispela taim tu bikos, 90 pesen (%) bilong ol pipel bilong PNG i nogat mani bilong baim sia o baim ol dispela gavman bisnis we gavman i gat tingting long salim.

Moa yet, Mista Paska i tok, Nesenel Gavman i no luksave olsem planti ol ples insait long kantri i nogat ol gutpela rot, ples balus, skul, gutpela bris bilong sip, haus sik, na ol pipel i nogat gutpela rot bilong kisim mani.

Em i tok sapos lo bilong Praivetaisesen i kamap, nogat planti pipel bilong PNG bai kisim helpim.

Mista Paska i tok tu olsem taim ol praivet kampani i baim ol gavman bisnis olsem PNGBC, Telikom, Elkom, Air Niugini, Harbours Bod, gavman i no inap tokim ol long karim aut wanem polisi gavman i kamapim bilong helpim ol pipel bilong PNG.

Em i tok dispela ol praivet kampani bai

harim tok bilong papa bilong ol dispela kampani na i no Nesenel Gavman.

Antap long dispela Mista Paska i tok, ol praivet kampani bai tingting long mekim win mani long pinis bilong wan wan de. Na long mekim win mani, ol praivet kampani i no inap wari tumas long yusim mani long wanem ol ples we ol i no inap mekim win mani.

Em i tok dispela bai lukim kos bilong ol sevis i go antap na ol lain husat bai kisim bikpela pen tru em ol grasrut o liklik manmeri long ples na long ol taun na siti.

Mista Paska i pret dispela lo bilong praivetaisesen bai mekim ol lain i gat planti mani long kisim moa pawa na kisim moa mani na ol grasrut o liklik ol manmeri long PNG bai stap yet olsem ol pipel o i kamap olsem ol rabis manmeri olgeta.

Em i givim tu strongpela tok lukaut long Nesenel Gavman long noken harim tok bilong Wol Beng na Intanesenel Moniteri Fan husat i luk olsem i go pas long tokim Nesenel Gavman long salim ol gavman bisnis.

Wanpela maus meri bilong ol meri insait long Politik i sapotim toktok bilong Mista Paska insait long dispela kibung na i tok, ol meri long PNG i no wanbel long toktok bilong Siaman bilong Praivetaisesen Komisn, Ben Micah, husat i tok, ol meri bai kisim sampela helpim taim gavman i salim ol gavman bisnis.

Dispela meri i tok, nau yet nogat planti meri PNG i ronim ol bisnis long kantri o holim ol wok bilong kisim mani. Em i tok husat ol meri i gat tingting long statim bisnis long PNG tude i mas kisim tok orait long man bilong ol pastaim.

Dispela maus meri i tok dispela ol hevi i stap yet na em i no bilip praivetaisesen bai helpim ol meri bilong PNG.

Tasol Praitim Minista Sir Mekere Morauta i bin tok planti taim pinis olsem, gavman bilong em wantaim Mao Zeming, i gat bikpela laik long salim olgeta gavman bisnis.

Em i tok nogat wanpela samting bai stapim em long go het long salim ol gavman bisnis bikos em i bilip praivetaisesen em i gutpela bilong kantri.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

**Publishing Weekly, Thursday, for
Word Publishing Company Ltd.**

Printed and published by: Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

<p>General Manager and Group Editor in Chief: Anna Solomon.</p> <p>Acting Advertising Manager: Jocko Oberleuter</p> <p>Editor of Wantok: Yakam Kelo.</p>	<p>Papers distributed by air throughout PNG.</p> <p>Available by air mail subscription within Papua New Guinea and overseas</p> <p>Email address: word@global.net.pg</p>
--	---

Advertising deadlines: Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Momis tok ol sevis long Bogenvil bai pas bikos nogat mani

WALTER DARIUS i raitim

OL GAVMAN sevis long Bogenvil wantaim tu etministresen bai i stop long wok sapos provins i no kisim mani we nesene gavman i promis long givim aninit long nesene baset bilong dispela ya.


Gavana John Momis i bin wokim dispela toktok long Malaguna Teknikel Hai skul long Is Nu Briten we bin holim ol toktok long Bogenvil long dispela wik.

Mista Momis i tok gavman i bin katim moa long K4 milien i go long Bogenvil long kari-maut wok bilong etministresen

long baset bilong dispela ya tasol ol no kisim yet disepla mani.

"Mi no save watpo ol i wok long yusim mipela olsem ol lain i statim wok nau tasol. Mipela i no inap long kisim ol wokman o ranim wok etministresen mipela yet. Gavman i wok long tokim mipela long wanem samting long wokim taim mipela i ken wokim ol wok mipela yet.

"Bipo long hevi, Bogenvil i bin gat top edministresen long kantri na Pasifik na nau ol i mekim mipela olsem mipela i lainim wok nau tasol," Mista Momis i kros na tok.



• Gavana John Momis

Em i tok gavman bilong em i sanapim pinis wanpela grup long lukautim ol mani we nesene gavman na ol dona

ejensi i givim long karimaut ol wok long ailan. Em i gavman na ol pipel bilong em i les pinis long ol giaman promis long givim mani tasol nogat, em i wok long fandim Opis bilong Bogenvil Afeas.

Taim em no amamas long pasin we nesene gavman i no lukluk gut askim bilong ol long independens, Gavana Momis i bin tok moa hevi inap kamap long rijen bihainim dispela.

Tasol long ol ripot we Wantok i kisim, ol manmeri na pikinini long Bogenvil i no laikim pait i bruk gen bikos ol i bungim bikpela hevi pinis long en.

Wenge i no givap long kotim gavman long kamapim VAT takis lo

WENCESLAUS MAGUN i raitim

TINGTING bilong kotim Nesene Gavman long kamapim Velu Eded Takis (VAT) i no dai.

Nesene Gavman i bin pasim dispela lo long las ya na gavman i stat long kisim 10 pesen (%) VAT takis long mun Ogus las ya yet.

Tasol dispela i no stapim Morobe Gavana, Luther Wenge, long stapim VAT takis.

Em i tok loya bilong em, Pato Lawyers, i wet yet long kisim olgeta bekim bilong ol lain ol i bin askim ol long kisim tingting bilong ol. Mista Wenge i tok wanpela bilong ol dispela lain em ol lain bilong Nesene Rises Institut.

Em i tok taim olgeta dispela wok painim i pinis, Pato Lawyers bai salensim disisen bilong Nesene Gavman long pasim lo bilong VAT long Nesene Kot.

Mista Wenge i tok em i traim tupela rot bilong stapim VAT. Namba wan rot, em i bin mekim, em long mun Ogus las ya, we em i bin kamapim tupela bilong Palamen. Wanpela em long salensim VAT lo na narapela em long daunim VAT takis long 10 pesen (%) i go daun long faiv pesen (%).

Dispela tupela bil i stap yet long Palamen bilong glasim na paitim toktok long en.

Tasol Mista Wenge i tok sapos narapela rot em i kisim em long kotim Nesene Gavman long kamapim VAT lo i

win long kot, em bai i no inap toktok long dispela tupela bil em i bin kamapim long Palamen las ya.

Em i tok sapos em i lus long kot, em bai toktok yet long dispela tupela bil bilong VAT na traim long kisim sapot bilong ol arapela memba long Palamen long sapotim tingting bilong em.

Mista Wenge i tok, astingting bilong em long kotim Nesene Gavman long lo bilong VAT takis, em bikos em i ting VAT takis em i givim bikpela hevi long ol pipel long ples na tu ol lain i wok long taun, siti na ol sesen.

Em i tok planti bilong ol liklik o gras rut pipel husat i no save kisim bikpela pe o painim gutpela rot bilong kisim mani bilong lukautim ol yet i kisim bikpela taim tru long baim 10 pesen VAT takis long ol sevis na ol samting ol i save baim long ol stoa.

Em i tok long dispela as, planti ol pipel bilong PNG i no amamas long dispela lo na i autim bel hevi bilong ol.

Mista Wenge i tok tingting bilong em long kotim Nesene Gavman long lo bilong VAT em olsem wanpela rot bilong helpim ol liklik o gras rut pipel husat i no inap salensim gavman long strong bilong ol yet.

Long dispela as, em i tenkim olgeta pipel bilong Morobe provins husat i bin helpim em long mekim fan resing bilong painim mani long kotim Nesene Gavman.

Mista Wenge i no tokaut long wanem de na ples dispela kot bai kamap.

Sengero tok Songang i no bihainim rot stret

MOROBE Edministreta Ainea Sengero i tok em i no inap lusim opis bikos ol lain bilong Morobe Gavman i no bihainim stretpela rot long givim em pepa bilong rausim em (saspensen notis).

Mista Sengero i tokaut olsem i gat stretpela rot bilong publik sevis long bihainim na rausim em long opis bilong edministreta. Tasol ol i no bihainim dispela stretpela rot bilong publik sevis.

Em i tokaut olsem wanpela bikman we sia bilong em i antap long edministreta i mas karim dispela saspensen pepa i kam givim em. I mas gat ol risit pepa we man i givim notis pepa i mas sainim olsem em i witnes long givim dispela pepa. Na Mista Sengero bai kisim saspensen pepa pinis orait em tu bai sainim dispela risit pepa long soim olsem em i kisim dispela saspensen notis. I mas gat nem bilong husat bai eking o kisim ples taim edministreta i stap aninit long saspensen. Na insait long 7-pela de taim em i kisim dispela saspensen pepa, edministreta i mas traim long raitim ol toktok bilong em i go long PEC long bekim dispela saspensen bilong em. Orait bai ol dispela pepa bai i go long opis bilong Dipatmen ov Pesene Menesmen we ol i ken givim long Publik Sevis Minista long kisim i go long Nesene Eksekutiv Kaunsil (NEC) long mekim las toktok. Tasol ol i no mekim ol dispela samting, Mista Sengero i tok.

Em i tok dispela olgeta rot i no kamap olsem na em ino inap lusim sia bilong edministreta bikos em i no kisim wanpela saspensen notis yet.

Opis bilong Dipatmen ov Pesene Menesmen i salim pas i go long Mista Sengero olsem saspensen we Gavana na Morobe provinsal gavman i mekim i orait na olsem Mista Sengero i mas lusim sia bilong edministreta na stap ausait.

Tasol Mista Sengero i kisim kot pinis long salensim dispela pasin i bin kamap long em. Em i sanapim Gavana Luther Wenge na Seketeri bilong Pesene Menesmen Dipatmen, Soiat William long dispela kot.

As toktok bilong Mista Sengero long dispela kot em long rausim sia bilong eking edministreta Willie Kokoba na em i mas stap yet olsem edministreta bilong Morobe provins.

Mista Sengero i tok em i no lukim wanpela gutpela as tru long Morobe eksekutiv kaunsil i laik rausim em. Bikos ol dispela toktok bilong fri skul fi em ol i bin toktok long en pinis long eksekutiv bung (PEC). Tasol em i ting i gat ol arapela hait toktok na tingting i stap we i mekim Gavana i strongim toktok bilong rausim em long sia bilong edministreta.

Wantok i traim long toktok wantaim Gavana Luther Wenge long palamen opis tasol em i no inap kisim Gavana.



TOKSAVE

SENSES Direkta Mista John Kalamoroh aste i tok tenkyu tru i go long olgeta wokmanmeri husat i bin wok long 2000 Nesene Senses.

"Ol dispela lain i stap na mipela i mekim senses. Sapos nogat, mipela i no inap long mekim senses," Mista Kalamoroh i tok.

● 25,688 wokmanmeri i bin wok olsem intaviua o interviewer long Tok Inglis. Wok bilong ol em long kisim senses toktok bilong ol pipel na kauntim ol manmeri pikinini.

● 7,808 wokmanmeri i bin wok olsem ol supavaisa o supervisor long Tok Inglis. Wok bilong ol em long bosim wok bilong ol intaviua.

● 1,085 wokmanmeri i bin wok olsem kwaloti kontrola o quality controller long Tok Inglis. Wok bilong ol em long glasim gut senses wok na tokim ol intaviua na ol supavaisa long mekim wok gut sapos ol i asua o mekim misteik.

● 917 wokmanmeri i bin wok olsem lokol gavman senses kodineita o bos

● 98 wokmanmeri i bin wok olsem distrik senses kodineita o bos.

● 50 wokmanmeri i bin wok olsem supavaisa bilong ol taun.

● 50 wokmanmeri i bin wok olsem asistent taun supavaisa o namba 2 bilong ol taun supavaisa.

● 800 wokmanmeri i bin wok olsem ol sekiuriti bilong ol lokol gavman senses eria.

Mista Kalamoroh i tok tenkyu tu i go long ol polis, ol balus kampani, ol helikopta kampani, ol trenspot kampani, ol liklik kontrekta bilong ol spid bot na ol liklik kontrekta bilong ol kar, bas na trak long gutpela wok ol i bin mekim long helpim na sapotim senses.

Em i tok olsem YumiFM, NauFM, NBC Karai Nesene Redio, FM100, EMTV, Wantok niuspepa, Independent niuspepa, National niuspepa na Post-Courier niuspepa i bin mekim gutpela wok tru long sapotim senses na mekim ol toksave bilong senses.

Mista Kalamoroh i tok tenkyu tu i go long ol hotel, ol gest haus na Avis kampani bilong haiarim ol kar.

Em i tok ol i bin lukautim gut ol senses wokmanmeri.

Mista Kalamoroh i mekim bikpela tenkyu tru i go long Gavman bilong Australia long bikpela mani ol i bin givim long sapotim senses.

Em i tok bikpela tenkyu tu i go long olgeta manmeri pikinini insait long Papua Niugini long sapot ol i bin givim senses.

Mista Kalamoroh i tok olsem dispela Senses Toksave long Wantok niuspepa bai i pinis nau bikos senses wok bilong kauntim ol pipel i pinis.

Nau ol senses opisa long Pot Mosbi i wok long skelim olgeta senses toktok bilong ol wanwan provins na long Julai neks ya bai ol i tokaut long niupela populeisen bilong Papua Niugini.

● Gavman bilong Papua Niugini na Gavman bilong Australia i sapotim 2000 Nesene Senses.





NIUGINI AILAN NIUS



Talasea bungim bikpela hevi long lo na oda

HEVI long Talasea eria insait long Wes Nu Briten provins i go bikpela long dispela taim na wanpela man i dai pinis taim ol arapela i stap wantaim bagarap long Kimbe haus sik.

Na samting olsem 23 famili i nogat haus bikos insait long ol hevi, ol bin kukim ol haus bilong ol na tu bagarapim ol gaden kaikai samting.

Ol ripot i kam long Kimbe i tok mekim na Gavana Francis Auram i bin singautim ol lida na ol bin sainim wanpela agrimen long kamapim sispai a stop long pait na opim rot bilong ol ka na pipel i raun long Talasea eria.

Ol ripot i tok pait namel long Wulai na Kapelupo wanpinis i kamapim dai long wanpela man Wulai na faipela moa pipel i stap long Kimbe haus sik wantaim ol bagarap ol bin kisim long pait.

Ol ripot i tok ol wanpinis i bin yusim ol gan, supia na naip samting long pait wantaim.

Ol ripot i tok pait i bin stat bihainim yet ol hevi long graun we i stap longpela taim namel long ol. Ples we trabel i kamapim long en em Dami long Talasea eria.

Long narapela trabel, 23 famili i nogat haus, ol pik, kakaruk na gaden i bagarap bihainim hevi namel long Ganeboku na Narunegeru, Komarake na Dami pipel.

Hevi i kamap bihain long sam-pela lain i bagarapim wanpela yangpela diwai kokonas. Tripela man i bin kisim bikpela bagarap long pait we ol man i yusim ol sotgan, supia, na naip long pait wantaim.

Bihainim dispela, ol bin pasim ol sevis na rot long Kimbe taun long wanpela wik.

Sindaun long Talasea nau i no gutpela tumas na Gavana Auram i singaut long ol lain husat i stap long hevi bilong luk-save long lo na pasin kastam na stretim ol hevi we ol i stap long en.

Ektng Plis Komanda long provins Tom Uapipi i givim strongpela toktok i go long ol birua grup long bihainim ol samting i stap long pis agrimen bikos ol plis bai go insait na givim bikpela mekim save long husat lain i brukim ol agrimen we ol lida i kamap wantaim long traim kamapim bel isi pasin na gutpela sindaun.

Ol Bogenvil lida no amamas long gavman

VERONICA HATUTASI i raitim


OL BOGENVIL lida i no amamas long toktok bilong Praim Minista Sir Mekere Morauta we i sut long askim bilong ol. Dispela em long tokaut stret sapos em bai givim gavman wantaim moa pawa na luk-save olsem Bogenvil bai kisim independens.

Insait long wanpela bung we Gavana John Momis na Vais Presiden bilong Bogenvil Pipels Kongres James Tanis i bin holim bihain tasol long toktok bilong Praim Minista long las wik Fraide, tupela bikman i tok i luk olsem sanap bilong nesanel gavman moa yet long independens bai kamapim hevi long Bogenvil i kisim gavman wantaim moa pawa.

Ol i tok gavman i bin wok long yusim midia long givim rong sain olsem em bai givim independen long Bogenvil tasol samting tru em gavman wantaim moa pawa.

Ol bin tol ol no amamas long pasin we gavman i tanim baksait long ol Bogenvil lida husat nau i wok bung wantaim na redim ol samting bilong soim gavman olsem ol i redi long skruim gavman wantaim moa pawa na independen vot.

Ol bin tok ol grup long Bogenvil i mekim ol wok redi long lusim ol



• L-R: Bogenvil Gavana John Momis na vais presiden bilong Bogenvil Pipels Kongres James Tanis insait long wanpela bung wantaim ol niusman long Mosbi. Piksa IVAN BAYAGAU.

samting bilong pait tasol samting bai kamap tru taim gavman i luk-save long independen vot.

Ol lida i bin gat bilip olsem bung long Rabaul long dispela wik bai kamapim gutpela samting bikos Mista Momis i tok sapos gavman i sanap strong long posisen bilong em, pait long Bogenvil bai i kirap gen.

Long wankain taim, Wantok i kisim ripot long Bogenvil olsem samting olsem 200 manmeri na pikinini bilong Siwai i bin mas i go

long Sautwes Interim edministresen long Tonu long dispela wik bilong soim strongpela no laik bilong ol long pait i bruk bek gen long ailan.

Ripot i tok ol pipel i les pinis long pait na hevi we ol bin stap insait long en long laspela 12-pela yia na ol i askim strong ol lida long toktok gut na stretim ol samting.

Wantok i no bin kisim moa toktok long dispela bikos rot bilong kisim na salu toktok i go na i kam long Bogenvil i no gutpela.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

Gavman no tok orait long independens bilong Bogenvil

PRAIM Minista Sir Mekere Morauta i tok nesanel gayman i sanap strong olsem kantri i mas stap wantaim na nogat hap bai i bruk lus.

Olsem na em i no tok orait long askim bilong ol Bogenvil lida long gavman i givim tok promis olsem em bai tok yesa long askim bilong ol long givim independen long ailan.

Sir Mekere i bin tokaut long dispela samting insait long palamen las Fraide. Stat long las yia i kam inap

nau, ol Bogenvil lida i bung na wok wantaim long redim ol samting long sait bilong ol we i sut long wok bilong stretim ol hevi na bihain taim bilong ailan.

Presiden bilong Bogenvil Pipels Kongres we i makim ol BRA paitman grup na Gavana John Momis nau i sanap wantaim na ol i save makim provins long ol bikpela toktok wantaim nesanel gavman taim Maining na Bogenvil Afeas Minista Sir Michael Somare i

makim maus bilong nesanel gavman.

Sir Mekere i bin tokim palamen olsem em i tok orait long givim gavman wantaim moa pawa i go long Bogenvil tasol independen em i bikpela samting. Na mama lo bilong kantri i no tok orait long dispela samting tasol palamen bai lukluk long en. Olsem na em bin tok pablik dibeit long dispela samting bai stat bihain long silva jubili selebresen bilong PNG independens neks wik.

Em bin tromeim mosen i go long palamen long lukluk long dispela samting napalamen i ken skruim ol toktok long dispela taim em i sindaun gen.

Long givim gavman wantaim moa pawa long Bogenvil, Sir Mekere i bin tok ol bai noken givim dispela inap ol grup husat i bin stap insait long pait i lusim ol dispela samting.

Em bin tok gavman bai i lukluk long independens taim gavman wantaim moa pawa long Bogenvil i wok gut.

Nupela Bogenvil PEA eksekutiv bai lukluk long hatsip alawens

STRAKSA bilong Bogenvil etministresen na hatsip alawens em tupela bikpela samting we nupela eksekutiv komiti long han bilong Pablik Employis Asosiesen long Bogenvil i laik lukluk long en.

Nupela presiden Albert Joseph Noro i bin tokaut long dispela samting insait long namba wan bung bilong ol long Ogas 23.

Mista Noro i tok dispela em tupela long ol planti arapela samting we nupela eksekutiv i laik lukluk long ol na we olpela eksekutiv i no stretim ol yet taim nupela lain i tekova.

Em i tok tupela samting ya i bikpela na bikos ol i no stretim yet, ol atoriti na gavman long provinsel na nesanel level i mas lukluk na stretim ol.

Em bin tok eksekutiv i pilim olsem nesanel na Bogenvil interim gavman bai wokim gutpela samting long ol pablik sevan na ol pipel bilong Bogenvil sapos ol i strongim Bogenvil edministresen na tu long peim hatsip alawens. Hatsip alawens em em dispela mani we nesanel gavman i bin promis long peim ol pablik sevans husat i bin wok long skruim sevis long Bogenvil long taim bilong bikpela hevi tru. Em long ol yia namel

long 1930 na 1994.


Ol dispela pablik sevan olsem ol tisa, ol pes, ol arapela wok manmeri we masai bikpela hevi i stap i no bin wari taol ol bin putim ol yet na ol famili long hevi na skruim yet wok long bringim sevis i go long ol pipel.

Olpela PEA eksekutiv i bin wok long bihainim dispela samting wantaim ol nesanel dipatmen olsem Dipatmen bilong Fainens na Treseri na ol tok long wokim peiaut long pinis bilong 1998. Tasol dispela i no kamap yet. Manimak we ol i mas wokim peiaut long en i stap namel long K8 na K10 milien.


Long sait bilong etministretiv straksa o sevis insait long etministresen, Mista Noro i tok long Septemba 1998, Dipatmen bilong Pesenel Menes en i bin stretim ol samting wantaim ol lain long Bogenvil tasol ol bin putim oda 1/99 long noken go hetim.

Mista Noro i tok em i bilip olsem Bogenvil Interim Provinsel Gavman bai i wokim gutpela disisen long lukluk na stretim dispela samting na sapos i stretim, ol i ken go hetim nupela straksa long neks yia taim i gat ino mani long wokim dispela.





SEPIK NIUS



Ol papagraun i mas redi long helpim fri tred jon

FELIX RAMRAM i raitim

OL papagraun long Sandaun provins i kisim ol singaut olsem ol i mas redi long "givim sampela samting fri," bikpela tru long graun. Sapos ol i laik lukim planti senis i kamap insait long famili, asples, provins na kantri olgeta. Gavana bilong Sandaun, John Tekwie, i bin mekim dispela toktok insait long namba wan Fri Tred Jon awenes miting insait long Vanimo.

John Tekwie i tokaut tu olsem i gat 2-pela hap bilong graun ol i wok long lukluk long ol. We 2-pela hap graun wantaim i kam sindaunim ol wok kamap bilong Fri Tred Zon. Tupela hap graun ya em graun we Gavman i papa long en na narapela em ol lain bilong ples yet i papa long ol insait long Sandaun. Em i tokaut tu olsem ol papagraun bilong Aitape i mas redim tingting bilong ol. Bikos ol i tingting long mekim Aitape i kamap tu hap bilong dispela Fri Tred Jon

Program long bihain taim.

John Tekwie i singautim ol papagraun long ol ples stat long Wutung i go inap Leitire. Long go na toktok wantaim hetman bilong Fri Tred Jon Komiti, Edministreta Maran Nataleo. Na givim tingting bilong ol sapos ol i laik givim tum-buna graun bilong ol i go long mekim wok bilong Fri Tred Jon.

Gavana bilong Sandaun i tokaut tu olsem, graun bilong Gavman insait long Vanimo i stat long Wesdeco, karampim Vanimo taun

olgeta na stat long Dasih i go inap Pasih. Na i nogat wanpela samting bai i pasim ol wok kamap bilong FTZ Program long kamap antap long ol dispela hap graun.

Em i tok tu olsem wankain samting bai kamap long graun bilong Gavman long Aitape. Na ol papa graun insait long Aitape na Vanimo i mas redi long givim graun na noken askim long kisim kompensesen.

Gavana John Tekwie i tokaut long givim K250,000 long provin-

sal Sapot Grent (PSG) mani bilong em long 2001.

As tingting bilong givim dispela helpim mani em long sanapim na ronim wok bilong FTZ Program, mani bilong baim wanpela o tupela fultaim opisa na bilong trenspot.

Em tu i askim Edministreta long putim aut wanpela Nius Leta long wanwan mun. Olsem wanpela rot bilong givim aut ol toktok long ol wok kamap bilong Fri Tred Jon program insait long provins.

Bikpela ren bagarapim ol ples long Is Sepik

EDWARD MEATA i raitim

BIKPELA ren i bin bikpela tait long wara Nagum na Sirin we i kamapim bikpela bagarap long ol gaden kaikai na ol samting insait long Kusaun, Marimumbo na Japaraku 1 na 2 ples long Is Sepik provins las wik.

Ol wokman bilong gavman long opis bilong Infomesen na gavman liesen yunit long Is Sepik provinsel edministresen i bin go raun lukim dispela bagarap long 5-pela ples ya na lukim olsem planti samting tru bilong ol asples long gaden i bin bagarap.

Ol gaden kopi, kakao, kokonas, buai na tripela vanilla gaden i bin bagarap tru.

Kirap bilong dispela tait wara i tromoi planti pipia tru na brukim graun arere tu long wara. Ol asples i tokaut olsem ol i save kisim strong long gaden kaikai olsem taro na banana tasol nau wara i bagarapim tru ol gaden

kaikai bilong ol na ol i laikim helpim bilong gavman stret.

Kaunsila David Wagare bilong Kusaun eria dispela em namba wan taim bilong em tru long lukim kain bikpela tait wara olsem long hap bilong ol.

Bihainim wara i go daun bungim Sirin wara, wanpela famili i lusim haus bilong ol wantaim ol samting bilong ol long haus long dispela tait wara. Wara i rausim ol saksak diwae we i redi long kaikai wantaim ol kokonas bilong dispela famili. Dispela famili i tok wara i rausim olgeta samting ol i gat na inap sampela krismas bihain ol bai wok hat gen long kisim bek ol samting bilong ol we i lus.

Long Japaraka ples wanpela famili i lusim buai na ol kokonas diwai bilong ol long dispela tait.

Kaunsila Wagare i tok dispela tait wara i bagarapim planti samting tru bilong ol pipel na em i askim gavman long helpim ol pipel bilong em hariap.

Kaunsila Wagare i bin

go long Wewak Disasta Opis long askim long helpim tasol ol i salim em long kisim wari bilong em i go long Kanauki Distrik Edministresen long ol i mas skelim na glasim dispela bagarap pas-taim long wanem kain helpim i ken go long ol.

Mista Wagare i tok em i bin go lukim Kanauki Distrik opis tasol ol i tok Edministreta Godfied Rauserm igo long Mosbi na narapela opisa i sambai long go lukim na skelim dispela bagarap. Tasol nogat wanpela opisa long Kanauki i go lukim ol dispela bagarap yet.

Long dispela taim tu ol PMV i ron long rot i wok long pret long ron bilong ol long rot bikos bikpela ren i bin stap long Is Sepik provins inap 7-pela mun nau na ol rot long haiwe i no gutpela long ol ka i ron.

Hap bilong rot long Warabung, Maprik na Dreikir i bagarap long ren. Dispela i mekim na ol PMV i pret long ron i go long Wewak na go bek.

DIOCESE OF BEREINA

*A new Society was born
125 years ago*

An abundant harvest has grown ever since from this seed of the Divine Word

We are grateful to the Lord and rejoice with our SVD brother missionaries on this great occasion

+GERARD J. Deschamps, SMM
Bishop of Bereina



WIN! WIN! WIN!

TOYOTA
HILUX 4WD TO
BE WON!

AND 25 PEOPLE TO
WIN K1,000 EACH

DRAWN ON
15th SEPTEMBER
2000



Paradise



TOYOTA

SEND IN ANY 3 EMPTY WRAPPERS OF
HI-WAY HARDMAN OR HI-WAY BEEF IN AN
ENVELOPE WITH YOUR NAME AND ADDRESS
TO: EMTV P.O. BOX 443 BOROKO, NCD.



SAUTEN



RIJON



PNG kamapim sampela gutpela wok go het long helt

KANTRI i kamapim sampela gutpela samting long sait bilong helt we planti taim yumi no luksave long ol bikos ol ripot nogut i save kamap antap moa. Nesenel helt Seketeri Puka Temu i bin tok long opening bilong 2000 Helt Simposium long Mosbi long dispela wik.

Wanpela wik bung i bin stat long Mande Septemba 3 na bai pinis long Fraide namba 8 na i pulim moa long 500 pipel i kam long PNG, Saut Pasifik, Australia, Nu Silan, Ingran na ol arapela ovasis kantri moa.

Bikpela bung ya i sut long helt rises na skruim medikol edukesen we ol i bikpela samting long kisim save long ol na helt dipatmen i ken kamapim ol gutpela pablik helt polisi na gutpela rot long bringim sevis i go long pablik.


Dokta Temu i tok kantri i gat gutpela helt sistem long ol etpos, ol helt senta, ol rurel haus sik na ol pablik haus sik wantaim gutpela sapot i kam long ol sios.

Em i tokwantaim ol dispela samting i stap, yumi mas lukautim na yusim gut na wok hat long givim gutpela sevis i go long ol pipel.

Em i tok Wol Helt Ogenaisesen long Ripot 2000 i bin tok strong olsem PNG i mas apim mak long sait bilong helt long 50 pesen.

Dokta Temu i tok nupela 10-yia Nesenel Helt Plen gaid we ol bin lonsim long las mun bai staim kantri bilong bihainim dispela insait long neks 10 yia.

Em bin tok long skel we i makim Helt Stetus indiketa bilong kantri wantaim ol arapela kantri long rijen na wol, PNG i bin wokim gut taim insait long 30 krismas, em i daunim mak bilong ol pikinini we mama i save karim na i dai i go daun long 76 long olgeta 1,000 pikinini. Pastaim mak i bin stap olsem long 1,000



• Dokta Jerry Tanumei i ritim wanpela buk we Boucher Miur (PNG) Ltd, kampani we i save karim aut wok kontrak bilong helt dipatmen long saplainim dispela ol samting. Wok meri bilong kastoms Asi Baru i sekim sampela nupela samting we ol i baim i kam long ovasis. Foto: HELEN REI.

pikinini we ol mama i save karim, 134 i save dai.

Dokta Temu i tok tru yumi inap long wokim gut moa na mak i sapos long go daun long 40 tasol isi isi yumi wok long mekim gut.

Em bin tok narapela samting tu nau em insait long las 30 yias ol manmeri long PNG i stap laip long planti yai moa wantaim mak i go antap long 16.2 yias.

Em i min olsem pastaim mak long ol PNG manmeri i save kamap long en na dai em 40.6 krismas tasol nau i go antap long 56.8 yias.

Dokta Temu i bin tok ol arapela samting we helt dipatmen i nogat kontrol long ol olsem edukesen na literesi level bilong ol mama, ikononik na sosel sait bilong ol famili, fud sefti, wara na pasin bilong haijin i save pulim poin i kam daun.

Em bin tok sapos ol dispela dipatmen i mekim gut wok na

eria bilong ol i kamap, mak bilong PNG long sait bilong Helt Stetus Indiketa bai go antap na gutpela moa.

Em bin tok long sait bilong polisi developmen na kamapim ol lo, PNG i kamap olsem paionia o namba wan kantri long rijen. Sampela long ol eria em long Stendet Tritmen Rejimens we WHO na ol mamba kantri i bihainim, Bebi Fud Saplais Ekt bilong 1987, Nesenel AIDS Kaunsil Ekt bilong 1997 na Medisins na Kosmetik Ekt bilong 1999 em sampela long ol we ol arapela kantri i no developim o ol i stat tasol long developim.

Em bin tok long spesielias trening, PNG em wanpela lida long Saut Pasifik rijen long sait bilong kamapim ol pos greduet medikol edukesen program. Em bin tok ol i wok long helpim ol arapela yumivesiti long rijen bilong developim ol pos greduet trening bilong ol.

Gutpela haus, wara na banis sut kamapim gutpela senis long Ok Tedi main eria

VERONICA HATUTASI i raitim

WANPELA helt rises stadi ol i karimaut long Ok Tedi eria insait long Westen provins i soim olsem ol kain senis i kamap na laip bilong ol pipel i wok long kamap gutpela na ol i stap laip longpela taim nau.

Dokta Tukutau Taufa husat i wok wantaim Dipatmen bilong Komyuniti Marasin long Yunivesiti bilong PNG i bin karimaut 18 yia rises long wanpela ripot em bin givim long namba 36 2000 medikol bung long Mosbi long dispela wik i bin tok.

Dokta Taufa i bin karimaut stadi long Maun Fubilan eria long ol lenona komyuniti i stap klostu long Ok Tedi kopa main na tu long Maun Obree eria. Long 18 pela krismas stat long 1982 inap long 1993, em bin save go bek long eria we em i karimaut stadi bihain long olgeta sikspela mun.

Stadi rises bilong Dokta Taufa i soim olsem taim wok maining i kirap na ol pipel i wokim ol gutpela haus i gat bikpela spes long en, kisim gutpela wara, toilet, etpos, ol banis sut long ol pikinini na gutpela helt sevis, laip bilong ol i kamap gut.

Long pastaim, ol pipel i bin gat planti sik olsem bikpela kus, niumo-

nia na ol arapela sik moa olsem. Dispela em bikos ol haus bilong ol i no gutpela tumas na planti lain i stap na ples i pas pas. Nau ol pikinini i wok long kisim banis sut (imunaisesen) long ol kain sikna dispela i helpim ol pipel i gat gutpela na longpela laip.

Dokta Taufa i bin tok sik niunionia na ol sik long bros olsem strongpela kus i bin bikpela tasol nau wantaim ol banis sut, gutpela wara, gutpela haus na gutpela helt sevis long ol etpos mak bilong ol sik i go daun.

Dokta Taufa i tok ol sik we i bin save kilim dai ol man i no kisim tumas ol na pinait man meri nau i ken stap laip longpela taim.

Tasol em bin tok samting olsem 2,000 Maun Obree pipel we i no lukim tumas ol senis long laipstail bilong ol i stap wankain yet. Ol wankain sik olsem strongpela kus, niunionia samting i stap yet na planti pipel i wok long dai yet wantaim ol bikpela sik.

Planti dokta i bin givim ol rises pepa bilong ol long dispela bikpela bung na Wantok bai putim ol nius long en long ol isu i kam bihain.

Ol helt woka kisim luksave

PLANTI helt woka long kantri long dispela wik i bin kisim luksave long sevis ol i givim long komyuniti na kantri.

Na ol bin givim ol setifiket long luksave long gutpela wok we ol bin mekim long planti yia long sait bilong helt.

Sampela ol bin kisim luksave long kontribusen bilong ol insait long 40 krismas.

Dispela em ol pastaim lain dokta ol i kolim ol long paionia dokta husat i bin kisim skul long Fiji Medikol Skul, Papuan Medikol Kolis na ol arapela dokta husat i sevim gut kantri long gutpela hatwok bilong ol.

Insait long wanpela kaikai we ol lain i stap insait long bung i wokim long Tunde nait, ol bin askim ol patispens long stap isi long wanpela minit bilong tingim ol dokta, nes na ol helt woka husat i dai pinis tasol ol bin sevim gut kantri.

Sampela long ol dokta, nes, helt etministreta na etpos odeli husat i bin kisim luksave em long Nesenel Helt Seketeri Dokta Puka Temu long ol sevis em i givim long helt polisi na helt sevis etministresen. Dokata Michael Alpers long medikol rises, Pawa Warena long sios helt sevis, Dokta Isi Kevau na planti arapela moa.

BOROKO FOODWORLD

Butcher Shop

Saveloys per kg K3.95 kg

Ilimo Kwikkai 900gr K4.50 kg

Grocery Specials

Roots Rice 1 kg K1.37

Cold Power 200gr K1.33

Paradise Hiway Hardman 1250gr K0.39t

Globe Corned Beef Taper 340 gr K2.65

Congratulations
PNG 25 yias long
Independens
Selebretim
Silva Jubili
wantaim ol top
spesel prais bilong
Boroko Foodworld
long Gordons!

Maggi Noodles 85 gr K0.50

Bushells Tea Bags 25's K0.99

Globe Curry Chicken 300gr K1.98

Gold Nuggets 25gr K0.35

Flame Plain Flour 1kg K1.15

Power Rice 10kg K14.40

EXTENDED TRADING HOURS


Monday to Wednesday - 8.00am to 7.30pm

Thursday / Friday - 8.00am to 8.00pm


Saturday / Sunday - 8.00am to

Planti moa kaikai prais i go daun long en!

Ph: 325 7566, 325 0863 Fax: 325 7096



HAILANS NUIS



MRE givim K140,000 long amamasim independens

ROSALYN ALBANIEL i raitim

MINEROL Risos Enga (MRE) i givim K140,000 long dispela wik i go long ol pipel bilong Enga long helpim ol long amamasim Independens De.

Gavana bilong Enga provins, Peter Ipatas, i bin go pas long kisim sek bilong dispela mani long ol kampani dairekta na Siaman bilong MRE, Kurube Ipara.

Mista Ipatas i bin amamas tru long kisim dispela mani bilong wanem em i tok ol pipel long taun na tu long ples long Enga i bin wokim pinis ol plen bilong ol long makim dispela bikpela de, tasol mani i bin wanpela bikpela hevi ol i bin bungim.

Mista Ipatas i tokim ol niusman na ol arapela lain olsem bikos Gavman bilong em i no bin kisim wanpela toea yet long Gavman dispela i bin mekim em i wari liklik.

Long dispela as Gavana Ipatas i bin kisim dispela wari i go long ol Bod bilong MRE na em i tok em i amamas tru olsem ol i no tanim baksait long askim bilong em.

Gavana i tok olsem em i bai skelim dispela K140,000 i go long olgeta 16 Lokol Levol Gavman (LLG) na Distrik insait long Enga provins bipo long Septemba 16 long helpim ol wantaim ol plen bilong ol.

Long givim tok tenkyu bilong em i go long MRE, em i tok olsem helpim we kampani ya i givim i soim tru olsem i gat bikpela wok bung wantaim i stap namel long Gavman bilong em na MRE.

Long surukim tok bilong em i go moa yet, em i tok tu olsem pasin we MRE i mekim i soim olsem MRE yet inap long go pas long strongim spirit bilong wan kantri insait long PNG.

Wanpela bilong ol kampani dairekta bilong MRE, Johnathan Paivia, i bin tok strong long dispela taim olsem MRE i givim mani bilong wanem ol i laikim bai ol pipel bilong Enga i ken lukim, pilim stret kaikai bilong kampani we ol yet i statim.

Dairekta ya i tok ol i bin statim dispela kampani long helpim ol asples yet, olsem na long dispela as ol i bin ting olsem i gutpela long ol i givim sampela helpim i go bek long ol pipel bilong ol long makim dispela bikpela de.

Ol Hailans Gavana laik sanapim rijinol sekretariat opis

YAMES KAY i raitim

OL 5-pela Gavana bilong Hailans rijon i bin tok orait long wanwan bai givim K50,000 i go long nupela Hailans Gavanas Kaunsil Sekreteriet.

Dispela mani bai ol wanwan provinsal gavman i givim bai go long statim wok na tu lukautim operesen wok bilong dispela nupela opis. Opis ya bai skelim ol wok developmen insait long Hailans rijon na tu bringim ol sevis i go long ol pipel long sait bilong gutpela ekonomik developmen we i stap long tingting na plen bilong ol Gavana bilong 5-pela provins bilong Hailans.

Ol 5-pela Hailans Gavana i bin pasim dispela toktok insait long Hailans Rijinol Gavanas Kaunsil konfrens long Hagen long mun Ogas bilong dispela yia. Miting ya i bin kamap long Highlander Hotel long Hagen siti stat long Ogas 1 i go pinis long Ogas 5.

Insait long dispela konfrens long Hagen, interim siaman bilong Hagen Gavanas kaunsil na Gavana bilong Isten Hailans provins, Peti Lafanama i bin mekim toktok long strongim dispela nupela Hailans Gavanas Kaunsil Sekretariat. Olgeta narapela Gavana i bin sapatim toktok bilong em long wanwan provinsal gavman insait long Hailans rijon i mas givim K50,000 ig o

long dispela nupela opis.

Ol 5-pela Hailans Gavana i bin givim bikpela toktok olsem ol bai i no inap toktok long olpela Hailans Sekretariat bikos ol i laik statim wok nupela na kirapim developmen insait long Hailans rijon.

Insait long dispela miting ol i bin askim tu wanpela opisa bilong olpela Sekretariat long givim ripot, tasol dispela ripot em ol i no kisim.

Mista Lafanama i tokim miting olsem ol i no ken pas long hevi bilong olpela Sekretariat. Nau yet ol nupela Gavana bilong Hailans i laik statim nupela samting we bai i stap olsem opis bilong lukluk long wari na hevi bilong Hailans rijon. Olsem na ol i mas statim nupela gen.

Nau yet ol i wok long stretim ol pepa wok long putim opis long wanpela taun insait long Hailans rijon.

Bikpela toktok ol Hailans Gavana i mekim em long;

• Putim ol politikel tingting bilong ol yet long sait na bungim wantaim ol risoes na ol samting bilong wok na kamapim ol gutpela disisen we i ken mekim gutpela wok kamap namel long ol pipel insait long Hailans rijon.

• Long givim moa taim na tingting long ol bikpela developmen insait long Hailans rijon.

• Skelim na kamapim ol nupela lo long senisim ol dispela narapela we i

save givim hevi bipo long sait bilong fainens namel long provinsal na nesene gavman.

• Lukluk long stretim ol bikpela hevi bilong lo na oda insait long Hailans rijon na

• Luksave long sampela rot long bringim mani o reveniu insait long ol gutpela polisi ol bai kamapim.


Mista Lafanama i tok klia olsem Hailans Gavanas Kaunsil (HGC) i nogat wanpela tingting long bruk lusim PNG. Ol i daunim na rausim dispela kain tingting.

Mipela i les long dispela kain pasin bilong liklik na pati politiks. Mipela i laik sanap strong wantaim na bringim developmen i kam long rijon na pipel bilong mipela long Hailans, Mista Lafanama i tok.

Em i tok olsem siaman bilong HGC em i bilip olsem moa developmen i ken kamap sapos olgeta Gavana i wok bung wantaim, yusim ol risoses bilong ol wantaim na sindaun wantaim na givim ol tingting bilong ol long ol wok developmen i kamap insait long Hailans rijon.

Mista Lafanama i singaut t long ol 34 Hailans rijinol memba insait long nesene palamen long putim tingting bilong politiks i go long sait na kamap olsem tim na wok bung wantaim ol Gavana bilong Hailans. Dispela bai helpim long stretim na daunim ol hevi na bringim gutpela wok developmen i go long ol pipel.

GO PAINIM GOL... GO PAINIM TOYOTA



LAND CRUISER 79 SERIES



HIACE 15 SEATER BUS

OLYMPIC GAME GUTPELA OFA

Baim wanpela niupela Toyota Hiace 15 seater bus o niupela Land Cruiser 79 series nau o igo inap long 15th September, 2000 long Ela Motors brens klostu long yu, na bai mipela givim yu Fri wanpela Sony* 34 inch kala TV, long wan wan kar yu baim. Hariap, noken misim sans bilong yu...Go Painim Gol, Go Painim Toyota tude!

FRI
SONY 34 INCH MODEL KVXF50, KALA TV
*SAPOS NOGAT LONG DISPELA MODEL, MIPELA BAI GIVIM YU WANKAIN SAIS TV OLSEM DISPELA LONG YU.

Ofa i stap inap yu mas putim oda o baim kar long 15th September, 2000.

DISPELA OFA INO INAP LONG OL GOVT. ODA



LONG KISIM MO TOK SAVE LUKIM MIPELA LONG ELA MOTORS BRENS KLOTU LONG HAP BILONG YU.
PORT MORESBY 3229400 • LAE 4722322 • KOKOPO 9929100 • RABAU 9821988 • MADANG 8522188
GOROKA 7321844 • MT HAGEN 5421888 • WEWAK 8562255 • KAVIENG 9842788 • KIMBE 9835155
TABUBIL 5489060 • VANIMO 8571254 • PORGERA 5479367 • KUTUBU 5496685 • BUKA 9739017
LIHIR 8864099 • ALOTAU 6410100



VISIT OUR WEBSITE - <http://www.elamotors.com.pg>



MADANG NIUS



Kas mas risain, Matuar i tok

FUZO PAUL i raitim

MADANG Gavana, Jim Kas, husat kot i saspemdim em, i kisim salens yet long risain maski Kot i wok long harim ol sas bilong em.

Presiden bilong Yawar Lokol Level Gavman, Mawson Matuar i tok: "Gavana Kas i mas luksave long korap lidasip bilong em na risain."

Mista Matuar i tok em i no amamas long pasin Madang provinsel gavman i mekim bilong yusim mani bilong provinsel gavman insait long provinsel disasta opis long stretim hevi bilong Mista Kas, taim em i no bin kisim gupela

bekim long yusim mani insait long dispela fan long helpim ol pipel bilong Manam Ailan taim maunten paia i bin bagarapim ol.

Mista Matuar i tok, taim em i bin stap olsem siaman bilong Lokol Level Gavman na Pablik Sevis, em i bin askim Madang gavman na edministresen bilong Mista Kas long givim K40,000 long helpim Manam paia hevi, tasol Mista Kas na edministresen i givim hap bilong dispela mani tasol.

Em i tok long dispela as, nau yet wok bilong putim ol pipel bilong Budua insait long Manam ailan long Posdam plentesin i no pinis gut yet.

Kas sapatim atonomi long Bogenvil

MADANG Gavana Jim Kas, husat kot i saspemdim em, i tok em i sapatim singaut bilong ol lida na pipel bilong Bogenvil long kisim planti pawa long Nesenel Gavman long ronim provins bilong ol.

Mista Kas i tok olsem wanpela gavana, em i lukim olsem singaut bilong ol lida na pipel bilong

Bogenvil long kisim atonomi em i gupela long wanem dispela bai helpim provinsel gavman bilong ol long wokim planti disisen long provins we i ken helpim ol pipel bilong Bogenvil.

Mista Kas i tok olsem wanpela gavana, em i lukim olsem provins bilong em i no inap long go het long wokim planti ol disisen

we ol inap long pasim kwik long provinsel level na tu yusim mani i stap insait long provinsel treseri long mekim wok.

Em i tok nupela rifom sistem bilong ol provinsel gavman i pasim planti pawa long Nesenel Gavman na dispela i stapim ol provinsel gavman long kamapim planti gupela wok insait long provins.

Bogia pipel laikim Molok i fandim Independens selebresen

PAUL FUZO i raitim

OL pipel bilong Bogia distrik insait long Madang provins i gat bikpela tingting tru long hamamasim 25 yia bilong independens jubili selebresen bilong Papua Niugini olsem olgeta narapela distrik na provins long kantri.

Presiden bilong Yawar Lokol Level Gavman, Mowson Matuar husat i makim maus bilong ol Bogia pipel, i tokim Wantok nius long Madang olsem, Bogia distrik i no bin hamamasim independens las yia, tasol long dispela yia, Bogia distrik, i gat bikpela tingting tru long hamamasim dispela independens selebresen.

Tasol long wokim dispela bikpela tingting i karim kaikai, Bogia distrik i laikim sampela mani long sapatim na oge-naisim ol progrem we bai i mas kamap long makim dispela bikpela de bilong kantri bilong yumi.

Mista Matuar i tok, Bogia distrik i laikim memba bilong

ol, Bernard Molok, i helpim long givim K20,000 olsem bai Bogia edministresen i ken yusim long kamapim na oge-naisim wanem ol samting bai kamap, we ol pipel i ken soim na hamamasim gut dispela bikpela de.

Em i tok pipel bai hamamas sapos memba i ken helpim na tu memba i mas kamap na stap wantaim ol pipel, ol komyuniti lida, sios lida, na tu ol pablik sevans long hamamasim dispela bikpela de.

Mista Matuar i tok, dispela em i gupela taim we olgeta lida wantaim olgeta pipel bilong Bogia i ken bung wantaim na lus tingting long olgeta pasin politik, wok bisnis, na ol arapela wok na luksave long wokbung wantaim na wanbel pasin long strongim Bogia i go long narapela 25 yia i kam bihain.

Em i tok taim bilong selebresen i kamap klostu pinis na ol pipel bilong Bogia bai hamamas tru sapos memba Molok i ken lukluk long askim bilong ol na helpim kwik.

Pundari kisim tok long sekim Postdam, Mangem na Asurambar plentesin

WENCESLAUS MAGUN i raitim

TINGTING bilong Nesenel Gavman long sindaunim ol Manam pipel long bikples Bogia i no karim kaikai.

Graun gavman i bin baim bilong sindaunim ol pipel bilong Manam taim Manam i paia em i no olgeta Manam pipel i no go sindaun long ol na ol papagraun i laik kisim bek, Memba bilong Bogia Bernard Molok i tok.

Em i tok, bihain long Nesenel Gavman i bin baim Postdam, Mangem na Asurambar plentesin long wanpela olpela memba bilong Bogia open, na wanpela bikpela plentesin long bisnis man, Tim Ward,

long K1.5 milien i no olgeta pipel bilong Manam i go sindaun long ol dispela plentesin.

Mista Molok i tok long dispela taim ol pipel bilong Budua tasol i go sindaun long wanpela plentesin gavman i bin baim tasol i no olgeta pipel bilong Manam.

Mista Molok i tok, narapela hevi i stapim ol pipel bilong Manam long go sindaun long ol dispela plentesin em bikos ol papagraun i no wanbel long disisen Nesenel Gavman i mekim bilong baim ol dispela plentesin long Tim Ward na givim i go long ol pipel bilong Manam.

Mista Molok i tok ol papagraun bilong ol dispela plentesin nau i laikim Gavman i mas givim bek ol dispela plentesin long ol papagraun

na larim ol yet i ronim.

Em i askim tu Minista bilong Lands na Pisikel Plening, John Pundari, long sekim hevi bilong ol dispela plentesin.

Mista Molok i laik save amamas mani Lands Dipatmen i kisim long ol dispela plentesin we ol pipel bilong Manam i no go sindaun long ol, stat long de na taim Nesenel Gavman i bin baim ol dispela plentesin i kam inap tude.

Em i sutim tok tu olsem sampela wok bisnis i wok long kamap long dispela ol plentesin we wanpela opisa bilong Lands dipatmen yet i go pas long en.

Mista Pundari i tok em bai sekim dispela hevi na tokaut bihain.

Gavman i no helpim ol meri long ples



• Memba bilong Raikos, Stahl Musa, i katim ribon taim em i opim fleg sab distrik Haus Pawa, insait long Raikos distrik. Kos bilong dispela haus pawa em K80,000 we Mista Musa i bin yusim diskresineri fan bilong em long 1999.

ANNA AWASA i raitim

WANPELA olpela Wol Visen kodineta long Madang, Helen Minell, i kros long Madang provinsel gavman long i no givim inap helpim long ol meri long ples.

Misis Minell, husat i

wok olsem wanpela program kodineta bilong Women and Youth In Developmen (WYID), i tok, em i no amamas taim em i harim insait long wanpela skul bilong samap olsem dispela em i namba wan taim ol i ronim kain skul olsem bilong skulim ol meri long ples long samap.

"Provinsel gavman i mas givim moa taim long skulim ol meri ausait long taun.

Ol meri long taun i save gat sans bilong kisim mani long sampela kain rot na i ken baim klos bilong ol famili bilong ol.

Tasol ol dispela meri long ples i save painim

hat long painim mani long baim kaikai na ol arapela samting bilong lukautim ol famili bilong ol," em i tok.

Moa long 15 meri bilong 8-pela ples insait long Yelso eria ausait long Madang taun i bin kisim skul bilong samap we WYID i bin ronim long mun i go pinis.

Lae Nius

Sengero bai wetim maus bilong NEC


... Ol Morobe lida laikim Sengero i stap

YAKAM KELO i raitim

MOROBÉ Edministreta Ainea Sengero bai wetim tasol toktok bilong Nesenel Eksekutiv Kaunsil (NEC) tasol. Tasol nau em i mas stap ausait long wok (saspensen) inap NEC i skelim na mekim las toktok long wok bilong em.

Minista bilong Pablik Sevis Philemon Embel i tokaut long palamen las wik olsem em i kisim pinis ol pepa bilong Morobe Provinsal Eksekutiv Kaunsil (PEC) we ol i bin saspensim Mista Sengero long las wik Tunde.

Mista Philemon i tok Mista Sengero i stap aninit long saspensen bilong PEC bihainim tokaut bilong Pesenel Menelemen (DPM) long las wik. Tasol em bai wetim tasol las toktok bilong NEC taim ol i skelim na glasim ol toktok na hevi we i stap long en. Insait long NEC i gat foapela Morobe lida i stap insait. Ol em, Bart Philemon Minista bilong Trenspot, Alfred Pogo Minista bilong Woks, Andrew Baing Minista bilong Kalsá na Turism na Mao Zeming Deputi Praim Minista na Minista bilong




• Samsón Napo

Agrikalsa na Laivstok.

Tasol Mista Sengero i tokaut olsem em i no kisim wanpela pepa we i tok long rausim em long opis. Olsem na em bai stap yet long wok bilong em olsem Edministreta.


9-pela nesenel memba bilong Morobe provins long nesenel palamen, Bart Philemon Lae, Samsón Napo Bulolo, Andrew Baing Makam, Tukape Masani Huon Galp, Ginson Saonu Kabwum, Alfred Pogo Finsafen, Mao Zeming Tewaé Siassi, Thomas Pelika



• Bart Philemon

Menyama i tok strong long Gavana Luther Wenge i mas kisim bek Ainea Sengero long wok bilong em. Bikos Morobe provins i gat gutpela rekot tru wok bilong pablik sévis long karimaut wok bilong rifom insait long Papua Niugini. Wok bilong rifom i ron gut tru long Morobe provins bikos long gutpela wok bilong ol pablik sevis we bos bilong ol Ainea Sengero i go pas long ol.

Ol i askim Gavana Wenge long kisim bek Mista Sengero na larim



• Alfred Pogo

em i mekim wok bilong em igo inap Julai 24, 2001 we kontrak bilong em i pinis, orait nupela man i ken kamap kisim ples.

Ol Morobe dispela Morobe lida i tok sevis i go long pipel em bikpela samting tru na ol kain hevi olsem i no ken kamap long bagarapim na stapim sevis i go long ol pipel.

Memba bilong Finsafen Alfred Pogo i tok em i skelim dispela kain pasin na disisen bilong PEC i olse sampela kain hait tingting na pasin i stap insait long en.

Memba bilong Makam Andrew

Baing i dispela pasin Gavana Wenge i noken tru kirapim belhat o kros namel long ol Morobe pipel bikos sapos hevi i kamap, Gavana Wenge bai karim olgeta dispela hevi na bagarap.

Gavana Luther Wenge i bekim olsem dispela disisen bilong PEC long rausim Mista Sengero em bikos Mista Sengero i no bin givim gutpela na stretpela tok stia long ol Morobe Kabinet memba long tok-tok bilong fri skul fi subsidi bilong ol skul pikinini long Morobe provins.

Mista Wenge i tok Mista Sengero i bin tokaut olsem i gat inap mani long Gavman i ken karimaut fri skul fi subsidi. Olsem Morobe Gavman i go het na sapitim toktok na kamapim polisi disisen long bai i gat fri skul fi subsidi. Tasol bihain ol i painimaut olsem i nogat inap mani long baset bilong provins na ol i bin kisim rong tok stia bilong Mista Sengero nating tru, Mista Wenge i tok.

Long dispela PEC i rausim Mista Sengero long givim rong tok stia we PEC i mekim rong disisen antap long en, Gavana Wenge i tok long pas bilong em long ol nius.

Wau yut grup i no kisim gutpela bekim yet

OL yut manki long Wau i wok long bungim sampela hevi long wokabaut bilong ol long biksiti Mosbi. Hevi em long sait bilong kisim helpim i no kamap gut tumas bikos ol 10-pela palamen lida bilong Morobe provins i no givim wanpela gutpela bekim long ol.

Lida bilong yut grup, Terry Michael i tokaut olsem memba bilong Bulolo Samsón Napo i givim ol K1,000 long helpim ol long kaikai na wokabaut bilong ol. Tasol ol i no kisim wanpela stretpela bekim long em long wari bilong ol long stretim haus lotu bilong ol long Wau na tu long baim ol nupela instramen bilong musik ministri bilong ol.

Michael i tok ol i laikim memba bilong Bulolo Mista Napo i mas givim wanpela gutpela na klia bekim long dispela bikpela wari bilong ol we i bringim ol i kam long Mosbi long painim mani long mekim. Dispela bai i kos olsem K40,000, em i tok.

Memba bilong Bulolo Samsón Napo i tok em i sori long dispela wari na hevi bilong ol yut bilong em long Wau, tasol i hat liklik em. Bikos i nogat wanpela lus mani i stap long mekim kain bikpela wok olsem. Olgeta mani i stap wantaim lukaut bilong Distrik Edministreta na kain projek bilong wokim haus lotu em kaunsil i mas kisim i go long Distrik Plening Komiti long ol i ken lukluk long en.

Mista Napo i tok tu olsem bikos Wol Beng i gat strongpela gaidlain long ol EDF mani, ol dispela mani i save go long ol bikpela projek tasol we Distrik Baset na Praioriti Komiti i save brukim mani na holim rekot long en. Long dispela as i nogat wanpela lus mani tru long helpim ol wok olsem, Mista Napo i tok.

Tasol memba i tok long sait bilong em, em i helpim ol wantaim K1,000 na K500 bilong salim tupela yut we i bungim sik long go bek long Wau.

Michael i tok long de taim ol i save mekim wokabaut i go lukim ol bikman bilong Morobe long dispela wari bilong ol. Na long nait taim, ol i save raun long wok felosip wantaim ol arapela manmeri long Mosbi.

Ol i plen long holim wanpela bikpela autris lotu long Tabari ples long neks wik Sarere na askim long ol helpim long ol manmeri na tu askim long ol Luteran sios insait long Mosbi long givim helpim tu long dispela wokabaut bilong ol.

Michael i tok ol bai i go bek tasol ol i mas kisim wanpela gutpela na klia toktok bilong memba bilong ol, Mista Napo pastaim. Ol i plen long wokabaut i go long Kokoda Treil na kamap long Popondeta na kisim sip i go long Lae na kalap long ol PMV igo long Wau. Ol i stap olsem tripela wik olgeta long Mosbi.



• Mista Saonu wantaim ol kaunsila na lida i sânap long poin we bai Molon Mumugan rot bai stat long en. Dispela em klostu long Tumun ples long Timbe eria insait long Deyamos lokol gavman kaunsil eria.

Molon Mumugan rot bai kamap

TIMBE eria long Kabwum distrik bai i gat sans long nupela rot long Molon Mumugan. Dispela rot bai i kos olsem K100,000 long kamapim we memba bilong Kabwum Ginson Saonu i redi long kirapim dispela projek bilong ol pipel.

Mista Saonu i tokim ol pipel long las wik olsem dispela K100,000 bilong wokim rot bai i go long tripela wok. Wanpela em long wokim fisibiliti stadi, narapel along baim ol tuls na ol samting bilong wok wantaim long dispela rot na hap bai ol

manmeri i kisim olsem pot-nait pe taim ol i wok long rot ya.

Tasol em i askim ol long noken tingting long mani na wok, nogat. Yupela i mas tingting long sevis ol gutpela samting dispela rot bai bringim i kam long yupela long ples. Na yupela i mas wok hat long mekim rot ya i kamap tru.

Mista Soanu i tok dispela rot i no bilong wok politikis, ol lida na ol kendidet bilong 2002 ileksen, nogat. Em bilong yupela ol manmeri olsem na wok politikis na tok

giaman i noken slekim dispela projek, em i tok.

Memba i salensim ol manmeri olsem sapos ol i wok gut wantaim dispela mani, bai i gat gutpela amamas i kamap na helpim inap kam gen long narapela yia. Dispela rot mi statim taim mi stap olsem memba yet olsem na bai wanwan yia taim gavman i gat mani long givim bai mi putim sampela mani long wanwan yia, Mista Saonu i tokim ol pipel bilong Timbe.

Molon Mumugan rot bai sevim ol dispela foapela

kaunsil eria olsem Ongakei, Sambogan, Kondoron na Yokop wantaim moa long 5,000 manmeri.

Mista Saonu i givim ol tuls olsem sped, kru ba, sawol, matok, wilbaro na tamiok long ol pipel na askim ol kaunsila bilong dispela hap long wok bung wantaim pipel na statim dispela rot projek.

Ol pipel i amamas long memba long kamapim dispela tingting long mekim wok long han na bai ol i kisim liklik mani long helpim ol yet.

Bogenvil i sot long ol Katolik pater, bruda, sista na ol le manmeri

KATOLIK Sios long Bogenvil i sot long ol pater, bruda, sista na ol gupela le wok manmeri, Bisop Henk Kronenberg i tok.

Em i tok maski bikpela pait i kamap long Bogenvil we i lukim planti ol pipel i dai, dispela pait i no bagarapim bilip bilong ol Katolik bilip manmeri.

Bisop Kronenberg i tok ol Katolik bilip manmeri long Bogenvil i holim pas strong bilip na skul bilong Katolik sios na dispela em i gupela samting.

Tasol em i tok long strongim bilip na kristen laip bilong ol Katolik long ailan, KatolikSios i mas gat moa wok manmeri olsem ol pater, bruda, sista na ol gupela le wok manmeri.

Em i tok nau yet, daiosis bilong em i sot tru long ol wok manmeri bilong karim wok bilong sios i go het.

Bisop Kronenberg i tok Katolik Sios long Bogenvil i kamapim pinis wanpela ministri skul bilong skulim ol le manmeri long mekim wok bilong sios. Nau

yet, Pater Bernard Unaboli i lukautim dispela skul.

Em i tok dispela skul bai hop gen sampela taim long namel bilong dispela yia.

Bisop Kronenberg i tok tu olsem daiosis i wok long stretim tu wanpela Yut Senta. Antap long dispela em i gat tingting long kamapim wanpela Katolik Yut Komisen bilong Daiosis. Dispela komisen bai lukautim Katolik yut program insait long daiosis.

Em i tok daiosis i gat Komisen bilong Famili Laip na Komisen bilong ol meri pinis. Long wankain taim em i tok daiosis bilong em i wok long ronim planti ol kos bilong ol yut, bikmanmeri na ol famili.

Olgeta dispela program em i tok, em bilong strongim wok bilong Katolik Sios long ailan na tu stretim bek sindaun bilong ol pipel long ailan bihain long ol i bin bungim bikpela hevi bilong pait na ples na laip bilong ol i bin bagarap olgeta.

Sios helt sevis mentenens grant bilong Bogenvil i go we? Kronenberg askim

HELT Dipatmen long Waigani i kisim tok bilong i no givim mani bilong stretim ol sios helt sevis long Bogenvil stat long 1997 i kam inap nau.

Bogenvil daiosis Katolik Bisop, Henk Kronenberg, i laik save long mani bilong ol sios helt sevis mentenens grant bilong Bogenvil stat long 1997 i kam inap nau i go we?

Em i tok oltaim taim em i askim Helt Seketeri, Dokta Puka Temu long dispela mani, em i save kisim bekim olsem ol i salim dispela mani i go pinis long Bogenvil Interim Provinsel Gavman.

Bisop Kronenberg i tok, na taim

em i askim provinsel gavman, ol i save tok ol i nogat mani o i no kisim mani yet.

Dispela em wanpela bikpela hevi, ol sios helt sevis long ailan i wok long bungim stat long 1997 yet i kam inap tude.

Bisop Kronenberg i tok, sios i gat bikpela laik long givim gupela helt na edukesen sevis long ol pipel bilong Bogenvil. Tasol em i tok, sapos gavman i no sapotim sios long helpim gavman long karim aut dispela wok, sios i no inap mekim gut olgeta wok ol i mekim.

"Mi no save we rong i stap," Bisop Kronenberg i tok.

ELCPNG bai holim Patna Forum long Madang neks wik



• SVD Diken, Frater Steven Rex Simangi bai kisim odinesen bilong kamap namba wan SVD pater bilong Wewak daiosis long Trinde 25 Oktoba 2000 long Wirui peris, Wewak. Misa bai stat long 4 kilok long abinun. Em bai wokim namba wan misa bilong em long Fraide 27 Oktoba. Diken Simangi em i kam long Mambe peris insait long Wewak daiosis.

EVANJELIKOL Luteran Sios bilong Papua Niugini (ELCPNG) bai holim wanpela bikpela kibung ol i kolim long ELCPNG Patna Forum long Madang neks wik.

ELCPNG i save holim dispela kibung olgeta yia. Las yia ol i bin holim dispela kibung long Lae.

Het Bisop bilong ELCPNG, Dokta Wesley Kigasung i tok, dispela kibung bai stat

long Sande neks wik na i go pinis long Trinde long Madang Risot hotel.

Em i tok astingting bilong dispela kibung em: 'Misin bilong sios insait long 2000 long Papua Niugini, Asia, Pasifik na Wol.

Em i tok bikpela tok tok ol bai glasim em toktok bilong wok namel long ol patna sios. Insait long ol dispela toktok, ol bai tok-

tok long fanding program na sapot bilong ol institusen na tu pasin biiong wok bung wantaim ol patna sios.

Dokta Kigasung yet bai opim dispela kibung wantaim wanpela toktok i sut long astingting bilong dispela kibung.

Em i tok ol maus manmeri bilong Evanjelikol Luteran Sios bilong Austrelia, Bavaria, Not Jemeni,

Leipzig, Amerika, na Kanada bai bung wantaim 6-pela Evanjelikol Luteran Sios maus manmeri bilong PNG long paitim toktok bilong dispela astingting long Madang.

Bai i gat tu 12-pela moa manmeri i makim maus bilong ELCPNG long kantri we sios i makim ol bilong i stap insait long dispela kibung, Dokta Kigasung i tok.

Bisop Kronenberg askim ol Bogenvil pipel long rausim gan


KATOLIK Bisop bilong Bogenvil, Henk Kronenberg, i askim olgeta Bogenvil yut na ol pipel bilong ailan, husat i holim ol gan na ol arapela samting bilong pait long rausim ol dispela samting.

Em i tok olsem long wanem, em i tok dispela pasin bilong holim pas yet gan na ol samting bilong pait i pretim planti ol pipel long ailan.

Bisop Kronenberg i tok em i laik lukim bel isi na gupela sindaun i kamap gen long Bogenvil. Tasol em i tok sapos ol pipel i no rausim gan, dispela tingting bilong bringim bel isi bai i no inap kamap.

Em i tok, olsem het bilong Katolik Sios long Bogenvil, em i no pilai politik, tasol long sait bilong strongim bilip bilong ol Katolik bilip manmeri, em wantaim ol pater, bruda, sista na

planti ol gupela Katolik bilipmanmeri i laikim ol gupela pasin, bel isi na sekan i mas kamap insait long laip bilong wan wan manmeri, ol famili, komyuniti na ailan.



• Bisop Henk Kronenberg i laikim ol Bogenvil pipel i mas rausim gan sapos ol i laikim bel isi i kamap tru long ailan.

Bogenvil Katolik Sios bai selebretim 100 yia bilong sios

BOGENVIL daiosis i kamapim wanpela komiti pinis bilong redim ol program na ol arapela samting bilong selebretim 100 yia bilong Katolik Sios long Bogenvil.

Katolik Bisop bilong Bogenvil, Henk Kronenberg i tok, em i kamapim pinis wanpela komiti husat i go pas long redim ol program na ol arapela samting bilong selebretim dispela bikpela selebrensen.

Em i tok, dispela selebrensen bai kamap klostu long de 7 Ogos long yia 2001.

Bisop Kronenberg i tok, astingting bilong selebretim 100 yia bilong Katolik Sios long Bogenvil, em bilong tingim tupela Marist pater husat i bin go sua long Kieta long namba wan taim stret long yia 1901.

Em i tok dispela tupela pater i bin kam olsem long ples Popporang insait long Western Solomon, em ol sotlen ailan i stap klostu tru long Bogenvil.

Long lukim dispela selebrensen i kamap gut, Bisop Kronenberg i askim ol Katolik bilip manmeri bilong Bogenvil long wok bung wantaim na helpim long kamapim gupela selebrensen.

Em i salensim tu ol Katolik bilip manmeri bilong Bogenvil long senisim ol pasin nogut.

Bisop Kronenberg i tok: "Ol i mas stap wanbel, tingim bihain taim, tingim ol pikinini. Planti ol bikpela manmeri i no save givim gupela eksampel long ol pikinini. Ol yangpela manmeri i mas tingim bihain taim bilong ol. Ol i gat sans bilong go long skul, ol i mas go skul gut na i no les na ambak. Sapos ol i lusim skul, ol i lusim sans bilong ol."

Long ol lain i save smuk spak brus na hom bru, Bisop Kronenberg i askim ol long lusim ol dispela samting na lukautim laip bilong ol.

Em i tok kain pasin olsem i save bagarapim laip bilong wan wan manmeri, famili na sosaiti.



125 SVD Yia

SAPLIMEN
BILONG WORD
PUBLISHING

Tok i go pas

NAMBA WAN Misin Haus bilong ol Divine Word Misinari em ol i bin blesim long Pestode bilong Kamap bilong Santu Maria long Steyl long Holland long namba 8 de bilong mun Septemba, 1875.

Long taim Bleset Arnold Janssen i bin autim tok long dispela lotu taim ol wokim long blesin haus em tok: "Sapos gutpela samting kamap long dispela haus, mipela mas save olsem em kamap long grasia bilong God. Sapos nogat samting kamap, mipela ken paitim bros bilong mipela na tok olsem ating mipela i no inap long grasia bilong God." Papa bilong SVD i bin gat bikpela bilip olsem em yet i no papa tru bilong dispela nupela wok misin tasol God yet.

I kam inap nau ol Divine Word Misinari i save selebret long namba 8 de bilong mun Septemba long olgeta yia olsem taim SVD i bin kamap. Dispela pasin bilong amamas i stap insait long mama lo bilong ol SVD yet (Const 406.1). Long 125 yia olgeta ol Divine Word Misinari long olgeta hap bilong graun i save tok tenk yu long God long lukaut bilong em long ol wok misinari ol i save wokim.

Sapos Spirit bilong God i no stap wantaim mipela, olsem wanem na bambai olgeta SVD misinari inap long go het yet long wok taim hevi nabaut i bungim ol?

Long givim tok piksa long dispela tingting, mi tingim ken wok bung we i bin stap namel ol misinari maski ol bilong ol narapela narapela kantri long namba tu Wol Wo long holim pas bilip bilong ol maski ol i putim ol long ol haus kalabus. O long taim bihain long ol waitman givim gavman i go bek long ol asples na ol kainkain tingting i wok long kamap. Mi tingim strongpela tingting ol SVD misinari i bin gat bilong go het long wok taim Sekon Vatican Kansol i toktok strong long olgeta misinari grup long senisim tingting bilong ol long wok misinari na redi long

bungim ol senis na hevi i wok long kamap taim kainkain lotu i wok long kamap, pasin tum-bun i senis, tingtim ol rabis man na traim long strongim wok bilong jastis na sindaun warbel.

Taim mipela laik lukim tru wanem samting em wok long sutim bel bilong ol SVD long go het yet long wok long taim SVD i stat nupela yet ikam inap 125 yia, mipela i ken lukim olsem ansa em stap long papa bilong SVD, Bleset Arnold Janssen. Em yet i no bin ting nambawan seminari ol i wokim na blesim bambai stap olsem stat bilong ol wok misinari bilong SVD. Long em yet, stat tru bilong wok bilong em i bin kamap long sampela mun pastaim long Pestode bilong Sacred Heart bilong Jisas long Jun, namba 16 de, 1875. Long dispela taim, em tokaut long wanepela liklik megasin em i save wokim (Little Messenger of the Sacred Heart) olsem bihan long beten ol i bin wokim i go long Sacred Heart we Pop i bin askim ol long wokim, em na ol poro bilong em i wokim samting em pilim i wankain olsem wok bilong sanapim pos bilong nupela misin haus.

Ol poro bilong em na em i pasin tok olsem long wankain pestode long bihain taim maski ol i stap long wanem hap, ol bai sarap liklik na pre i go long Sacred Hat bilong Jisas long misin bilong ol. Pater Nicholas Blume, man husat i kisim ples bilong em taim em dai tok dispela de em de Bleset Arnold Janssen i save tok em de tru we misin i bin stat.

Wok long wokim misin haus long Steyl long namba 8 de bilong mun Septemba i makim trutru wok ol i wokim tasol mipela mas tingim strongpela bilip ol bin i gat long God long wok i laik wokim na wok long pre long Sacred Hat bilong Jisas long pastaim. Dispela bilip tasol i stap na wok long strongim mipela long on misinari wok na laip bilong mipela. Taim ol pas wantaim Kraiss,



• Ol SVD parter na Semineri wantaim Sista Iva SSpS long Divine Word College, Bomana.

Pater Janssen na ol wanwok bilong em luksave olsem ol inap long wokim planti samting. Dispela i wokim na ol i go long olgeta hap bilong graun maski pastaim ol i ting long go long China. Ol salim ol misinari i go long Argentina, Togo, Ecuador, Brazil, United State of America, New Guinea, Chile na Japan. Long wankain taim dispela pasin i strongim tingting bilong ol long wokim ol stadi long saiens long sait bilong wok misin long ol asples bilong ol yet.

Poroman bilong Bleset Arnold wantaim Kraiss i strongim bilip bilong em na stretim rot bilong em long kamapim tripela ol arapela misinari grup. Namba wan long dispela em

ol Society of the Divine Word. Dispela grup sanap long bilip we i toktok long ol i mas bihainim man husat i bin kamap God i save singautim mipela olgeta taim long stap na wokim wok misin em yet i statim long en. Bilip bilong Arnold Janssen long Holi Spirit halivim em long statim Missionary Sisters Servants of the Holy Spirit. Strongpela bilip bilong Arnold Janssen olsem Kraiss i save stap insait long iyukaris na i bai halivim ol lain bilong em long ol misin wok i wokim na em statim Sisters Servants of the Holy Spirit of Perpetual Adoration. Wok biling dispela ol sista em long beten tasol long halivim ol misinari long tu long God bambai em i

ken stretim ol hevi bilong graun.

Bambai dispela saplimen wantaim ol piksa na stori i ken soim yu ol kain wok we ol SVD misinari i save wokim na tu klicaim tingting bilong yu long luksave gut long ol wok mipela ol Divine Word Missionaries na ol Holy Spirit Sisters i save wokim.

**Henry Barlage SVD
Superior General**

Dispela em hap toktok mipela i kisim long buk SVD Word in the World 125 Years SVD we Henry Barlage i wokim. Sampela hap bilong toktok em wokim em mipela senisim liklik.

Tenkyu long sapot bilong yupela: Pater V Roach

Dia ol pren,

Long de namba 8 bilong mun Septemba, 2000, ol SVD i selebretim 125 yia bilong ol long sias.

Namba wan haus bilong ol SVD i bin kamap long Steyl, long kantri Holland long de 8 bilong mun Septemba 1875. Taim Pater Arnold Janssen i givim skul long bikpela lotu long dispela de, em i tok: "Sapos gutpela samting i kamap long dispela haus, em i bilong grasia bilong God. Sapos i no wanpela gutpela samting i kamap, bai yumi paitim bros bilong yumi na tokaut, mipela ino inap long grasia bilong Emi."

Tude, mipela ol SVD i laik tok tenkyu long God long grasia bilong Em long 125 yia. Mipela i laik tok tenkyu long yupela olgeta.

Nau long olgeta hap bilong graun 5989 Pater na

Bruder i wok long ol 61 kantri. Na PNG i gat 190 SVD.

Ol SVD i bin kam long bikples Nuigini long 1896 na long 104 yia, ol i mekim plenti hatwok long kamapim spiritual, sosol, ekonomik na intelektual developmen long PNG. Tasol ol i no wokim long strong bilong ol yet. Nogat. God i helpim ol.

Long neks wik (16 Septemba) bai yumi selebretim Silva Jubili (25 yia) bilong independens. Ating, yumi mas amamas na selebretim gut tru, ya! Bilong wanem, God i givim plenti blesing long yumi long PNG long ol dispela 25 yia. Bipo, inogat plenti gutpela samting long kantri bilong yumi. Tasol, nau igat. Na tu, nau igat plenti ol man na meri i strong long bilip na ol i autim gutnius bilong Kraiss. Yumi mas amamas na tu tenkyu long God; yumi mas tingim na skelim tu!

God i blesim yupela olgeta!

PNG-SVD HISTORI

1896 (Ogas 13) Namba wan lain SVD misineri i kamap long Madang. Em Pater Eberhard Limbrock na Frans Vormann na Josep Erdweg; na tripela Brada: Canisius Hautkappe na Eustochius Tigges na Theodulph Schmidt.

(Oktoba) Misin i stat tru long Allan Tumleo, klostu long Altape long Sandaun Provins.

Long dispela taim ol Jerman i kolim Niugini "Wilhelmland" na hetman bilong misin em i Pater Limbrock.

1897 Namba wan nupela stesin em i krap long Pro/Lemieng long nambis bilong bikples.

1899 (Mas 26) Namba wan lain Holi Spirit Sista (SSpS) i kamap. (Novemba 3) Misin i krapim namba wan misin stesin long provins bilong Madang, long Monumbo klostu long Bogia.

1905 Pater Limbrock i baim graun bilong Alexishafen klostu long Madang. Em i krapim bikpela stesin hia na i muvim hekkota bilong misin i kam hia nau na i lusim Tumleo.

1906 Kuskus i wokim namba wan ripot bilong tripela plantesin bilong misin, em long St Anna (Altape), Monumbo na Bogia.

Ol i bin planim 28,650 kru kokonas na 28,550 gumi tri long 280 hekta graun. Long dispela taim misin i gat 100 bu-makau na 20 hos.

1908 Pater Konstantin van den Hemel, em wanpela masta mak, i wokim namba wan mep bilong nambis bilong Niugini, stat long Vanimo i go inap long Turubu na ol Wewak alian. Ol soldia bilong Australia i bin yusim dispela mep long taim bilong woa long 1943.

1909 Namba wan sentral skul bilong misin i lusim Tumleo na i krap long Alexishafen nau. Namba wan stisim bilong misin, em Gabriel, i lusim Hongkong na i kamap long Niugini. Kepten bilong em i Pater Joseph Loerks.

1913 Pater Kirschbaum i krapim namba wan stesin long wara Sepik, em Marienberg. Em i namba wan pris i bin go insait namel long ol lain manmeri long wara Sepik. Inap long 18 yia em i bin raun nabaut long ol hanwara. Ol i kolim em "Papa bilong Sepik."

1916 Woa i kamap long Yurop; nau misin i sapotim em yet long manl em i winim long ol plantesin bilong em.

1920 Jermani i lusim woa na i lusim Niugini. Nau ol bikpela kantri i putim Niugini aninit long Australia. Nau em i gat nem "Teritori bilong Niugini". Pastaim ol Australia i laik rausim ol Jerman misineri long Niugini, tasol ol i wet yet.

1922 Em i namba wan taim nau sampela nupela misineri i kam long Niugini gen, bihain long yia 1913.

Bisop Francis Wolf, SVD, bipo em i stap long Afrika, em i kamap nau na i bosim Katolik Misin i stat long hap bilong Lae na i go inap long Vanimo. Olgeta dispela i wanpela daiosis tasol.

1926 Namba wan SVD misineri i kam long Amerika, em Pater Ross. Bihain em i kamap papa bilong Mt Hagen misin.

1928 Ol bikman bilong Rom i brukim misin tuhap nau; na Pater Loerks i



• Asbisop Leo Arkfeld wantaim ol wokman long plente-sen.

Bleset Arnold Janssen, papa na lida bilong SVD

LONG nau namba bilong ol lain famili bilong Pater Arnold Janssen, man husat statim SVD i sanap olsem 10,000 na ol i stap long olgeta hap kona bilong graun. Dispela ol man na meri i wok strong yet long bringim gutnius bilong Krai i go long ol manmeri husat i no harim toktok bilong God yet. Wok bilong ol misinari em long wokim bambai ol manmeri i mas save long God na long luksave long ol kainkain rot we God i save stap ples klia long laip bilong ol. Toktok bilong God em nius bilong ol misincri.

Mama i bin karim Arnold Janssen long kantri Germany long 1837. Papa bilong em em wanpela fama na tu i save ronim wanpela trenspot bisnis. Em save karim karis na save ron i go ikam long Holland long karim ol sol na ol narapela samting. Mani em i kisim long dispela rot i save halivim em long lukautim famili bilong em.

Olsem namba wan pikinini, Arnold i bin kamap na taim em i go bikpela em luksave na lainim ol kainkain samting. Em stat long bilip strong long God papa, Son na Holi Spirit, em wok long luksave long ol hevi bilong ol lain husat i stap longwe long ples bilong em, em save hariap long pinisim ol wok ol i givim long em maski ol wok ya i hat.


Bihain taim em luksave olsem em bai kamap pater bihain long em i bin kamap olsem nesenele dairekta bilong apostolet ov prea, em stat long luksave olsem:

- i gat bikpela wok yet bilong karim Gut Nius bilong Jisas i go long planti ol manmeri husat i no harim yet;
- wok bilong prinitim ol toktok bilong God na autim i ken halivim ol manmeri long kamap gutpela kristen na tu i ken halivim wok misin bilong sios; na
- tu i no gat planti man long ples bilong em i laik givim laip bilong ol long wok bilong God.

Olsem na long wokabout bilong em wantaim God, em wokim wanpela liklik megasin. Long dispela megasin, em save oltaim askim ol wantok bilong em long tingting strong long kirapim wanpela kolis we ol i ken skulim ol yangpela man long go wokim wok misin long ol narapela kantri olsem Saina (China). Long dispela taim long Germany, Gavana bilong Germany i wok long givim hat taim tru long sios na Arnold lukim dispela olsem gutpela taim bilong em long wokim dispela singaut. Em ting olsem sapos ol pris i painim hat long wok long Germany, ol i ken go na wok long ol arapela kantri.

Tasol, tarangu nogat man i harim na bihainim toktok bilong Arnold. Pater Arnold lukim olsem na maski em i no kamap papa bilong SVD yet, em kirap go lukim Bisop Roermond long Holland long askim em sapos em i ken statim wanpela kolis long hap. Pater i go long Holland long wokim dispela bikos em save olsem long hap. Gavana Bismarck i no inap stapim em. Bisop i tok orait tasol insait long tingting bilong em (bisop) yet, em tingting kain tingting bilong Arnold i no inap wok.

Em yet tok: "Man ya i laik statim kolis bilong ol misinari tasol em yet i nogat wanpela liklik mani. Ating em mas wanpela longlong ol em wanpela santu".



• Arnold Janssen (1837-1909).

Santu o longlong ... long 1875, Arnold i opim St. Michael misinari seminari bilong ol German man husat laik kamap olsem ol misinari. Long dispela taim, ol man bilong kainkain kantri i bin go long dispela seminari na dispela pasin i stil stap yet long nau.

Taim Arnold i bin stap liklik mangi yet em i luksave long kain rot we God i soim em yet, tok long mipela taim em i salim Jisas i kam long graun na taim nupela misin we em yet i statim i kamap, Pater Arnold givim nem bilong dispela misinari olsem Society of the Divine Word. (Societas Verbi Divini - SVD)

Liklik taim bihain long em i opim kolis, em putim wanpela masin bilong printim ol megasin na niuspepa long telimautim tok bilong God. Long nau, dispela printing masin i wok yet long wokim ol buk, niuspepa na megasin long ol kainkain tokples long wokim bambai ol lain bilong kainkain tokples i ken save gut long God na save tu olsem God i laikim ol long olgeta de long laip bilong ol.

Long taim em stat yet tu, em i bin tok ol lei misinari i ken yusim kolis long sarap na nau dispela pasin i stap yet long planti ol narapela hap we ol SVD i stap long en.

Fopela (4) krismas bihain long kolis i stat, ol namba wan misinari lusim ples na i go long Saina. Bihain long dispela, Pater Arnold i harim singaut bilong ol lain husat lusim ples bilong ol na go stap long Argentina na salim sampela ol misinari bilong em i go long hap. Pastaim em tingting bilong em em long salim ol misinari i go long ol ples we ol manmeri i no harim toktok bilong God yet tasol long wankain taim tasol, em i no lus tingting long ol narapela singaut. Long mun Ogas namba 13 de, faifpela (5) misinari bilong SVD kam sua long nambis bilong Niugini.

Laip na wok bilong Bleset Arnold Janssen

05 Nov. 1837 Mama karim em long Gosh, Lowa Rhine, long Munster dalosis

1849-1861 Sumatim: Maina Seminari (Gaesdonck), Mathematics na Natural Sciences (Bonn, Munster), Theology (Munster).

15 Aug. 1861 Kamap pater long Munster

1861-1873 Tisa long Haiskul (Bochoff)

1869 Dalosisen Dairekta bilong Apostleship of Prayer (Munster)

Jan 1874 Stat wok long ol megasin "Little Messenger of the Sacred Heart of Jesus"

08 Sept. 1875 Opm misin Haus long Steyl, Netherlands.

02 Mar. 1879 Salim ol nambawan misinari i go long Saina (China)

1888-1904 Sanapim faifpela (5) moa misinari haus long Yurop: Rome (1888); Vienna (1889); Silesia (1892); na Bischofshofen (1904).

08 Dec. 1889 Kamapim Missionary Sisters "Servants of the Holy Spirit" (SSpS)

1882-1908 Wokim ol wok misin long Saina: 1882; Argentina (1889); Togo (1892); Brazil (1895); New Guinea (1896); Chile (1900); USA (1905); Japan (1906); Paraguay (1908); Philippines (1908).

08 Dec. 1896 Kamapim "Servants of the Holy Spirit of Perpetual Adoration" (SSpS-AP).

15 Jan. 1909 Dai long Steyl

19 Oct. 1975 Sios wokim Pater Arnold Janssen wantaim Joseph Freinandemetz namba wan pater long go long Saina i kamap bleset.

Long dispela taim, i bin gat sevenpela (7) yangpela meri husat i bin laik kam long autim tok bilong God. Ol i bin amamas taim Arnold i bin ksim ol i go long konven bilong ol long wokim wok bilong ol olsem Servant of the Holy Spirit Sister (SSpS) long 1885. Long 1889, ol sista ya kam kamap long Papua Niugini.

Pater Arnold i bin save yet olsem wok em statim i no kamap long tingting bilong em yet. Nogat. Wok em God yet i bin givim tingting long em long wokim olsem na em save toktok strong long ol SVD long pre long halivim wok misin bilong ol. In 1896, em statim namba tri (3) grup em ol kolim long Servants of the Holy Spirit of Perpetual Adoration (SSpS-AP). Wok bilong dispela grup em long pre tasol long ol wok misin em sios i wokim.

Taim Pater Arnold kirapim na strongim tripela (3) kongregesen, em soim olsem em wanpela man husat i gat strongpela tingting. Long taim em stap, em save stap na luksave long ol kainkain samting we i save kamap long graun na i save toktok strong long misinari bilong em long luksave olsem pasin bilong ol waitman na bilip i no wankain. Em tok bilip long God em samting ol i mas traun long tokaut long ol manmeri ino rot bilong sindaun na tingting bilong ol waitman. Olsem na em save tokim ol pater bilong em long stadi long ol samting ol sciens (science) na entroploji (anthropology) bambai ol ken klia long pasin tumbuna bilong ol kainkain manmeri we ol i go long wok long en na ol i ken autim toktok bilong God gut long ol. Tu dispela i bai wokim bambai ol i ken autim tok long strongim bilip bilong ol lain.

Arnold Janssen i bin dai long 1909 taim krismas bilong em i stap olsem 72. Long dispela taim ol misinari bilong em i bin wok stap long ol ples olsem Saina, Siapan (Japan), Africa, Argentina, Brazil, Philippines, USA na Papua Niugini.

PNG-SVD HISTORI

From page 11

kamap bilong Sentral Niugini, em tude yumi kolim Sandaun na Is Sepik Provincs. Bisop Wolf i bosim yet Is Niugini.

1930 Long dispela taim ol SVD i gat 18,600 Katolik long tupela dalosis bilong ol. Na tu ol i gat 4,809 katekumen, 29 pris, 29 Brada, na 53 Sista. Stat long bigin bilong misin na i kam inap nau, 40 misinari i bin dai na 24 i bin kisim sik na i go bek long ples.

1931 Pater Limbrock, husat i bin statim SVD misin long Niugini, i dai long Sydney long taim em i wok long go liv long ples.

Long Ogas 15 long Marienberg long Sepik ol misinari i arait long Tok Pisin i mas kamap tok ples bilong lotu na ol skul na wok katekis bilong misin. Nau ol i stat long printim olkain buk long Tok Pisin na ol skulmanki i lainim rit na rait long Tok Pisin tasol.

Nau Sentral Niugini i kamap dalosis bilong en yet, na Pater Joseph Loerks, SVD, i kamap bisop tru bilong en. Dispela dalosis i stat long mas bilong Wara Sepik na i go inap long boda mak bilong

Irian Jaya bilong tude.

1932 (Jun, Julai) Pater Alfons Schaefer na Brada Anton Baas i wokabout i go insait long bus bilong Madang na i brukim wara Ramu na i kirapim wanpela stesin long Guyebi insait long ol maunten.

1933 (Februari/Mas) Pater Schaefer na Brada Anton i painim ples Bundi antap long ol maunten bilong Madang long hapsait bilong wara Ramu. Tupela i baim graun hia bilong wokim, wanpela ples batus.

(Novemba 9) Pater Schaefer na Kransen na Brada Anton i wokabout i go insait long ol maunten na i painim wara Waghi na wara Simbu. Em i namba wan taim sampela waitman i bin kalapim ol maunten bilong not na i kam insait long Hallans.

Nupela Bishop Joseph Loerks bilong Sentral Niugini i muvim hetkoka bilong em long Allan Tumleo i go long Allan Kairiru klostu long Wewak.

1934 Tupela namba wan Katolik misin stesin i kirap long Hallans. Pater Schaefer

i wokim wanpela long Mingende long Simbu, na Pater Ross i wokim wanpela long Hagen long Westen Hallans.

(Desemba 16) Ol Simbu i kilim in dai Pater Morscheuser long ples Womatne wantaim banara.

1935 (Julai 12) Misin i ksim namba wan batus bilong em. Nem bilong batus em Paulus. Em i wanpela liklik batus inap long karim wanpela pasinda tasol, o liklik hap kago. I no longtaim na em i save fiai i go long ol nupela ples batus long Mingende, Hagen, Keglugi na Bundi. Insait long tupela yla misin long Alexis i baim tupela moa batus.

1937 Bishop Loerks i kirapim pasin bilong toktok long walles wantaim ol stesin bilong em long bus.

1938 Ol i statim wanpela liklik seminari long Alexis; ol i gat 5-pela studen.

(Krismas) Pater Ross i baptisim 28 skulbai long Hagen. Em ol i namba wan Katolik long Westen Hallans.

1939 (Jun) Bisop Wolf i biesim dralpela haus lotu long Alexis. Ol Brada i bin wok

inap 7-pela yla bilong pinisim em. Long dispela taim sals bilong em i winim olgeta arapela haus long Niugini.

1942 (Januari 21) Ol Japan i bomim Madang.

(Desemba 18) Ol solda Japan i ksim Madang na Wewak.

(Desemba 23) Ol solda Japan i ksim Alexishafen na i kalabusim ol misinari long haus bilong ol.

1943 (Mas 17) Ol solda Japan i ksim Bisop Loerks, 6-pela SVD Pater, 14 SVD Brada, na 18 SSpS Sista - husat ol i bin kalabus long Allan Kairiru - na ol i putim ol long wanpela manua bilong ol i gat nem "Aikaze Maru". Nau ol i ran i go long hap namel long Kavlieng na Rabaul na ol nevi i sutim wan wan misinari na tromolm em i go daun long solwara.

1944 (Februari 6) Ol Japan i wok long karim ol misinari i bin kalabus long Manam Allan na i laik bringim ol i go long Holandia (Jayapura) long sip i gat nem "Yorishime Maru." Ol batus bilong Amerika i bomim sip klostu long Wewak, na 7-pela SVD Pater, na 12 SVD Brada,



• Asbisop Bemanding i go pas long mesa.

Baibel apostolet long Papua Niugini

Guido Schwarz, SVD i raifim

TUDE mipela i lukim planti gut-pela samting i wok long kamap. Spirit bilong God i kirapim tinging na soim mipela ol nupela we na pasin bilong autim Gut Nius bilong Jisas Kraus.

Wanpela bilong ol dispela bikpela we o rot em Baibel Apostolet. na dispela we o rot i bin kamap olsem namba wan we tru bilong kirapim ol Liklik Kristen Komyuniti.

Blip long God Triwan i bin i stap namba wan samting tru insait long blip na laip bilong Blessed Arnold Jansen na dispela i kirapim tingting bilong em long statim wanpela sosaiti o grup ol i kolim Sosaiti bilong Divine Wod (SVD). Tok i go pas insait long konstitusin bilong SVD i tok olsem: "Grasia bilong God i bin bungim yumi olgeta: maski yumi kam long kainkain hap bilong graun long mekim kamap dispela relijis komyuniti ol i kolim Sosaiti bilong Divine Wod." Na tu long konstitusin 106 bilong SVD em i tok: "Yumi kamap olsem ol wan wok tru bilong autim tok bilong God i gat laip. na dispela i ken kamap bihain long yumi yet i harim na bihainim tok bilong God insait long laip bilong yumi pastaim."

Mipela ol misinari bilong Divine Wod i pillim olsem God singautim yumi long autim tok bilong em long ol toktok na pasin bilong yumi yet na long dispela we, mipela i laik kamap olsem tok bilong God long ol pipel bilong yumi tude. Mipela i kamap olsem ol "pas" long ol manmeri husat i ken ritim na save, pas ol i no raifim long pen, tasol em spirit bilong God i gat laip, ol i raifim i no long hap ston tasol long bel bilong ol manmeri (2 o 3:2-3). Taim Pop Jon Pol i givim toktok long Bogota Asembli, em i tok: "Taim yu givim Baibel long ol manmeri, yu givim Jisas long ol."

Ol SVD i statim wok bilong Baibel Apostolet. Man i go pas long statim dispela wok em, Bisop Henk te Maarssen. Long dispela taim em i stap yet olsem Pater, Nesenel Baibel Komisn i kirapim wok bilong em bihain long ol bikpela toktok ol i mekim long Naba tu Asembli bilong Wol Katolik Baibel Federesin insait long Malta long 1978. Long dispela yia, ol i redim na kamapim namba wan Nesenel Baibel Sande. As tingting bilong dispela

em long kirapim tingting bilong ol manmeri long luksave long wok bilong Baibel Apostolet na tok save long ol manmeri long ol toktok i bin kamap long dispela miting long Malta.

Em i bin kism narapela tripela yia moa long kirapim tru wok bilong Baibel Apostolet. Namba was staman bilong Komisn em Pater Henk yet. Ol bisop Konfrens bilong Papua Niugini na Solomon Allan i makim Nesenel Komisn bilong Katolik Baibel Apostolet long lukautim olgeta Baibel pstorel wok insait long dispela rijin.

Inap long 1981, Komisn bilong Babel Apostolet i bin i gat wanpela as tingting, em long givim ol Besik Baibel Semia na kirapim ol Kristen Komyuniti na tu long trenim ol manmeri husat i ken givim ol Baibel Semina. Dispela ol program ol i bin kism long Vigan, em long Pilipins. Dispela Baibel Semina em i Baibel Kos, em i bilong bringim ol kristen manmeri long kamap wanbel na serim tok bilong God. Taim ol i serim tok bilong God na bihainim long laip bilong ol, bai ol i kamapim strongpela kristen komyuniti. Planti komyuniti insait long Papua Niugini i kism pinis dispela Baibel Semina na planti manmeri i amamas tru long kism save moa long Baibel.

Dispela kain semina i as tru bilong kirapim narapela ol ektiviti long autim tok bilong God i stap long baibel. I gat kas bilong trenim ol manmeri long givim dispela semina insait long nesenel levul o long wanwan dalosis. Planti bilong ol Divine Wod Misineri na ol sista bilong Holi Spirit i bin kism save na trening long Baibel Fomesin Senta long Normi, Manila na narapela ha long mekim dispela wok.

Long pinis bilong yia 1989, ol i bin putim aut baibel olgeta long tok pisin na dispela em i bikpela samting tru long sios bilong Papua Niugini.

Long 1989 ol i makim mi olsem kodineta na man bilong trenim ol manmeri long Baibel-Pastoral Ministri. Inap long 1989, sosaiti bilong SVD i bin istap olsem memba bilong Wol Katolik Baibel Federesin i kam inap tude. Long mekim dispela wok i go het na karim gutpela kikai, mi bin tingting long karimaut wanpela wok painimaut long wok bilong Baibel Pastoral Ministri insait long 21

dalosis insait long Papua Niugini na Solomon Allan. Mi bin mekim dispela long painimaut wok bilong Baibel Apostolet i bin wok olsem wanem bihain long askim bilong Vatikan Kaunsil long Rom. Bihain long dispela wok painimaut, mipela ol memba bilong Katolik Baibel Apostolet i bin bung long Epril 1990 long kamapim wanpela driman (visin) na plen long ol Baibel Pastoral wok bai kamap bihain.


Ol i bin putim aut Baibel olgeta long tok pisin long 1989 na dispela em i bin bikpela samting tru long ol kristen. Sampela ol memba bilong sosaiti bilong Divine Wod i bin givim han na long tanim Baibel i stap long tok Inglis i go long tok pisin. I bin i gat planti wok tru long kamapim ol kainkain we na program bilong givim toksave long ol manmeri long dispela nupela tok pisin baibel. Ol i bin mekim kamap wanpela kain awareness long Nesenel Misin na dispela i kamap long wanpela mun olgeta. I gat wanpela resis tu i bin kamap long kamapim ol baibel stori pilai.

Tok pisin, olsem yumi olgeta i luksave, i wok long senis hariap tru na i gat nid nau long senisim sampela ol tok tok insait long Baibel.

Wanpela bilong ol namba wan buk bilong ol Sam em ol SVD misineri i tanim i go long tok pisin. Em Pater Francis Mihalic na narapela tupela wan wok. Ol i bin raifim sampela ol buk pinis bilong ol manmeri husat i laik kism sampela ol kos long Baibel. Dispela i stap long Inglis na tok pisin wantaim. Ol Holi Spirit Sista i redim na kamapim pinis wanpela Baibel Korespondens Kos na dispela i karamapim olpela na nupela testamen. Dispela ol kos i helpim planti manmeri long luksave long wok bilong Baibel insait long laip bilong ol.

Long olgeta dispela ol kos i gat wanpela as tingting tasol. Em long mekim tok bilong God kism mining tru insait long laip na sindaun bilong ol manmeri.

Ol i bin kamapim tu ol komentari bilong foapela Gospol long tok pisin na tu long wok bilong ol Apostel na Buk bilong Revelesin. Klostu nau bai Baibel bilong ol yut i kam aut. Ol i wok long printim long Spain. Insait long 10-pela yia planti moa ol Baibel kos bai kamap insait long ol rejim, daiosis na ol peris.



• Greduesen bilong ol studen long Divine Word Yunivesiti.

Kamap bilong DWU

TUPELA man husat i bin kirapim tingting bilong wokim kamap Divine Word University long 1958 em Asbisop Adolf Noser na Pater Paul McVinnay. Dispela pasin i bihainim tasol tingting bilong ol SVD we ol i save wokim ol skul long ol ples ol i save go long wok long en.

Long 1964, ol i kism wanpela tok orait long gavman long yusim wanpela hap ples we pastaim i bin gat wanpela raba plentesin long en long 99 yia. Na bihain ol stat toktok wantaim gavman long kism mani bilong wokim skul.

Taim ol i lukim ol ol i no inap long kism mani long gavman long wokim yunivesiti, ol lusim na wokim wanpela haikul bilong ol mangi na meri wantaim.

Pater Kenneth Feehan, SVD kamap dairekta bilong dispela projek long 1967. Long 14 kristmas moa taim em stap olsem hetmasta bilong haikul, em wok long strongim na stretim ol lo na tingting bilong skul. Haikul we i save isim klostu olsem 600 sumatin save skulim ol mangi long taifim bun long skul na traim long stap long strong bilong ol yet. Na long dispela taim dispela skul i save kamap top tasol.

Long 1977, ol SVD lukluk ken long wokim bambai skul kamap olsem

wanpela kolis o yunivesiti. Long lukluk bilong ol, ol skelim olsem ol i ken ronim kain skul olsem na bihain, haikul i stop na ol skul stat long kism ol sumatin long go wokim ol diploma na digri bilong ol long hap. Dispela taim ol kolim em Divine Word Institute.

Long 1979, ol sumatin stat long go long kism ol diploma kos long ol kos olsem Bsns na Communication. Dispela ol kos em bilong fopela (4) yia.

Long 1980, lo bilong Palamen i tok skul i ken ron na long 1982, ol namba wan sumatin bilong skul pinisim skul bilong ol.

Long nau yet, yunivesiti senisim sampela program bilong em na wokim sampela nupela kos olsem Diploma in Religious Studies (1983), Certificate in Christian Education (1989), a Bachelor Degree in Development Communication (1990), Diploma in Arts, Diploma in Health Administration (1998), Diploma in Tourism and Hospitality management (1998) and Degrees in Communication Arts and Papua New Guinea Studies (1999).

Long mun Ogas namba 21 de, 1996, gavman i luksave olsem Divine Word University em wanpela skul we i save wok strong long halvim ol narapela yunivesiti long skulim ol manmeri bilong mipela.

PNG-SVD HISTORI

From page 12

na 27 Sps Sista i dal. Bihain Bisop Wolf na sampela moa i dal long bagarap bilong ol.

1945 (Septemba 2) Japan i givap long paif. Tasol Jeneral Adachi bilong ol i skulim woa i go long hap bilong Wewak. Em tu i givap long Septemba 13.

Bilong ol 230 pris na Brada na Sista i bin stap long Niugini long taim woa i kamap, 122 i bin lusim laip bilong ol.

(Septemba 30) Pater William van Baar, SVD, i kam bek long Alexishafen olsem hetman bilong tupela daiosis wantaim.

(Oktober 9) Namba wan grup i gat 21 SVD Pater na 5-pela SVD Brada i kam bek long hap bilong Alexishafen.

1946 Ol Fransiskan bilong Australia i laik kam long Niugini bilong helpim ol SVD.

Namba wan le misineri i kam wok long Niugini. Em Aleks Fauth na meri bilong em. Tupela i bilong Sidi na tupela i kam helpim Pater Schaefer long Mingende long Simbu.

1947 (Oktober 23) Pater Wilam Ross na Pater Jerry Bus i lusim Hagen na i wok-about i go kamap long Pumakos long Enga.

1948 (Julai 8) Pater Stephen Appelhans, SVD, i kamap bisop bilong is Niugini na Pater Leo Arkfeld, SVD, i kamap bisop bilong Sentral Niugini.

1949 (Januari) San Savler Haikul i stat long Kairiru Allan olsem wanpela katekis skul.

1951 (Julai 16) Bisop Appelhans na Pater Backus i dal long taim balus i kapsait i go daun long solwara klostu long Lae.

(Desemba 13) Ol i stat long trenim 10-pela seminerien long Alexishafen.

1952 (Me 15) Nupela daiosis bilong Aitape i kamap na Pater Ignatius Doggett, OFM, i bosim em.

(Septemba 24) Bisop Arkfeld i statim San Jon Semineri long Kairiru Allan; i gat 8-pela seminerien i stap.

(Oktober 7) Bisop Arkfeld i statim ol Roseri Sista.

1953 Bisop Adolf Noser, SVD, i kam long kantri Ghana long Afrika na i bosim Alexishafen Dalosis nau.

1954 (Mas 25) Bisop Noser i kirapim ol Sen Teresa Sista. I gat 12-pela meri i joinim namba wan grup. Madang Provins na ol Hailans i gat 650 praimer skul nau na 750 katekis tisa.

1955 Ol Pasonis (CP) misineri bilong Australia i kam wok long Lae.

1957 Pater Kelly, SVD, i statim haus sik bilong ol lepraman long Yampu long Enga. Peter Meere i stat long trenim ol tisa long Fatima/Banz.

1959 (Jun 18) Ol i katim Alexishafen daiosis na em i kamap trihap: daiosis bilong Goroka aninit long Bisop Bernard Schilling, SVD; na daiosis bilong Lae aninit long ol Marianhill misineri; na daiosis bilong Maun Hagen aninit long Bisop George Bernarding, SVD. Nau Enga i tekewe long daiosis bilong Wewak na i joinim Maun Hagen.

1960 (Mas) Namba wan lain Marianhill (CMM) misineri i kam long Lae.

1961 (Mas 12) Lain Pasonis misineri i lusim Lae na i go wok long Vanimo.

(Me 1) Sevenpela Sekref Hat Brada (SHB) bilong Wewak i wokim namba wan promis bilong ol.

1963 (Mas 1) Holi Spirit Semineri i stat long Kap, klostu long Alexishafen wantaim 22 seminerien. Ol i gat 6-pela tisa na olgeta ol i SVD Pater: Patrick Murphy na Raymond Caesar na Nicholas Beutener na John Tschauder na Michael Meier na Kees van der Geest.

(Septemba 13) Ol i brukim daiosis bilong Aitape na wokim nupela daiosis bilong Vanimo. Pater Paschal Sweeney, CP, i kamap bisop bilong ol long 1966.

1964 (Novemba 23) Wirui Pres i statim tru wok bilong en aninit long le misineri Joos Kersten.

Utujukal Kateketikal Kommissen (LCI) i stat long Bomana aninit long Pater van der Geest. Bihain em i muv i go long

Goroka na Pater Henk te Maarssen i bosim em.

1966 (Februari) Rosari Haikul i stat long Kondiu, Simbu; Pater John Wald, SVD, i namba wan hetmasta.

(Novemba 15) Madang i kamap Asdaiosis na aninit long en i gat ol daiosis bilong Wewak, Goroka, Mt Hagen, Lae, Aitape, na Vanimo.

Bisop Cohill i sensim Bisop Schilling long Goroka.

1967 Pater Larry Zampese bilong Nu Slan, em i paiot long Wewak, i kapsaitim balus klostu long Sassoya na em i dai wantaim tupela pasindia.

SVD Katolik Haikul long Madang i kirap; bihain bai em i kamap Divain Wot Universiti.

(Septemba 10) Bisop Noser i blesim nupela bikpela haus totu long Madang

1968 Holi Spirit Semineri i muv i go long



125

SVD

Yia

SAPLIMEN
BILONG WORD
PUBLISHING

Long Mas 15, 1943, wanpela woa sip bilong Japan, AKIKAZE, i kisim Bisop Joseph Loerks na 20 pater na bruda bilong Divine Word Misinari long Wewak, wantaim 18 Holi Spirit Sista.

Oi i kisim tu wanpela yangpela Niugini meri bilong Tumleo Ailan, Magdalena Aiwaul, husat i redi long kamap sista i les long lusim oi Sista na tupela pikinini Saina husat Sista Arildis i lukautim.

Oi i go antap long AKIKAZE long Kairiru Alan, ausait long Wewak, long not kos bilong Papua Niugini, we oi i bin kalabus i stap, stat long taim oi ami bilong Japan i go sua long not kos bilong Niugini. Long dispela abinun, AKIKAZE i sel i go long Manus.

Wanpela yanpela leftenen i tok: "Bikos yumi bai bringim olgeta dispela pasindia i go long asples kantri bilong oi yet, yumi bai i go bek long hetkwata long Rabaul."

Wanpela grup bilong oi skul mangi i stap long nambis long sekan long oi misinari i laik lusim ples, na sampela i laki long kalap antap long wanpela bas we i wok long karim oi misinari i go long dispela bikipela sip. Wanpela bilong oi Petrus Lingelule, i kraik bikos em i no inap go wantaim oi. Em i tok Bisop i go long bris na i tok: "Mi laikim yupela oi boi long stap gut na harim tok. Sapps oi soldia i givim oda long yupela long wok long oi gaden, orait yupela i noken sakim tok. Mipela oi misinari i no save sapos mipela bai kam bek o nogot." Taim Bisop i pinisim toktok bilong em, oi skul mangi i brukim skru insait long bas na Bisop i givim oi blesing bilong em.

Namba wan Divisinel Opisa bilong AKIKAZE i tok oi i lukautim gut oi pasindia bilong wanem oi i no ami. Wanpela helt woka i helpim oi pasindia husat i gat sik, sua o oi arapela hevi long bodi.

AKIKAZE i go kamap long Lorengau long Manus, long Mas 16, na oi ami i kisim wanpela grup bilong 6-pela Liebenzell Ewanjelikel misinari (faipela bikmanmeri na wanpela pikinini) na tripela Sekred Hat misinari pater na tripela Sista, oi bilong 'Daughters of Our Lady of the Sacred Heart' i go antap long dispela bikipela sip bilong paif long woa. Wantaim oi em 8-pela man "oi i no bilong Niugini" (oi i stap long oi plentesin na oi arapela wokman).

Long basis bilong Lorengau, solwara i pulap long planti kanu

Nogut yumi lus tingting

Mas 17 i makim 57 Aniveseri bilong Wol Woa II AKIKAZE hevi

long wanem toksave i go kisim oi pipel long ples olsem oi Japan i kisim oi misinari i go.

Long bikmoning long narapela de Mas 17, AKIKAZE i kamap long Kavieng, Niu Ailan. Long dispela taim oi i sekim oi pasindia long sik. Dispela bot i stopim ensin tasol i no tromoi anka. Wanpela bot i karim toksave i kisim wanpela oda i stap insait long wanpela pepa i go givim long kepten. Dispela sip i lusim Niu Ailan na i go sua long Rabaul, Niu Briten, long 10.13 long moning.

Long dispela taim, maski planti bilong oi opisa na bos kru i ting olsem oi kalabus lain antap long sip em oi birua bilong oi, tasol oi i laikim oi. Bihain Namba Wan Divisinel Opisa i tok: "Maski oi dispela kalabus em oi birua bilong yumi, oi i no paif long woa, na tu maski yumi no inap save long toktok bilong oi, olgeta bos kru i soim gutpela pasin long oi."

Tasol long Kavieng, kepten i kisim strongpela oda i kam long namba 8 Flit Hetkwata, olsem oi i mas sutim "oi namba tri pati bilong oi lokol pipel".

Wanpela yangpela leftenen i bin tokaut bihain olsem taim kepten i kisim dispela oda pes bilong em i go ret olgeta, na em i wari na i tok em i no amamas long dispela tingting, tasol bikos em i wanpela oda, em i no inap mekim wanpela samting long helpim. Taim dispela sip bilong woa i go long solwara, kepten i singautim oi opisa bilong em i go bung na tokim oi long oda em i kisim, na tokim oi long redim oi samting bilong karim aut dispela oda.

Bihain tasol long belo, taim AKIKAZE i kamap long 60 notikel mail stret saut long Kavieng, oi opisa i redim olgeta samting olsem kepten i tok. Oi i kisim wan wan kalabus pasindia, pasim ai bilong oi na bringim oi i go long baksait bilong sip, we oi i sutim wan wan bilong oi olsem bai wantaim spit bilong sip, taim oi i sutim oi kalabus pasindia, bodi bilong oi bai pundaun i go insait long solwara. Oi i no sutim oi laikim pikinini tasol oi i tromoim oi i go insait long solwara. Pasin bilong kilim oi kalabus pasindia i kisim samting olsem tripela hawa

olgeta. Kepten i givim oda long dispela sip bilong paif i mas ron long hai spit (28 nots), olsem bai nois bilong ensin i karamapim nois bilong gan i pairap na oi kalabus long pes bilong dispela sip i noken pret. Namba wan man bilong go pas em Bisop Loerks, husat oi i singautim em i go na sutim em.

AKIKAZE i go sua long Rabaul bihain long san i go daun na kepten i givim toktok long oi opisa na oi man. Bihain wanpela bilong oi opisa husat i nogot bikipela namba i tok: "Kepten i sanap long pes bilong mipela na i tok, pasin bilong kilim oi dispela lain bilong narapela kantri i kamap bikos long oda i kam antap tru, na mipela i sori olsem kain pasin olsem i bin kamap." Oi i klinim hap bilong dek na mekim holi, na givim ofa long en, na wokim lotu bilong oi lain i dai long ai bilong kepten na

olgeta bos kru. Tripela man antap long dispela sip em oi pater bilong lotu bilong Buda bipo long oi i joinim oi ami, na olsem oi i singim oi toktok i stap insait long baibel bilong oi we i toktok long, "givim bel isi long spirit bilong oi lain i dai pinis." Long nambis wanpela ami opis i wet wantaim wanpela ka long kisim oi kalabus. Oi i redim haus kalabus pinis bilong oi kalabus lain i stap yet long sip.

Long dispela nait kepten i go long nambis na givim ripot bilong wanem samting i bin kamap long sip bilong em long duti opisa bilong namba 8 Flit Hetkwata. Dispela opisa i no save long dispela oda bilong kilim oi kalabus na em i bin kirap nogut long wanem em i save i gat planti lain bilong kantri German na Austria i stap namel long oi dispela kalabus lain. Kepten i tok sapos em i kisim

gen wanpela kain oda olsem, em bai i no inap bihainim. Sampela oi sinia opisa i wari tru long wanem samting i bin kamap na oi lain i mekim dispela pasin i kisim strongpela oda long noken tokaut long dispela.

Askim bilong husat tru i givim oda long oi i kilim oi kalabus lain em i no kila. Ating dispela oda i kam long Ria Edmirel Kamata long Wewak na i go kamap long namba 8 Flit hetkwata long Rabaul. O dispela oda inap kam long wanpela komanda husat i bosim oi kalabus long woa long Rabaul olsem wanpela kain 'bona fide' oda.

I luk olsem dispela oda i no karim tok orait bilong Sief bilong Komanda na Sief bilong oi ami bilong namba 8 Flit Hetkwata we dispela oda i sapos long gat. Husat tru i gat raif long givim oda long dispela woa sip em tu i no kila long wanem AKIKAZE em wanpela alpela sip bilong paif we namba 11 Air Flit i lukautim bilong saplain oi saplai long oi balus na oi i givim i go long namba 8 Flit long sampela taim tasol. Long dispela as, oda i no mas kam long namb 8 Flit.

Francis Koimb SVD bilong PNG rait i kam long taim em i stap long Ghana

GUDE i kam long Ghana! Long wokabaut bilong mi i kam long hia i gutpela na mi amamas tru. Mi bin kamap long Sydney ples balus long 7pm na Br Victor bilong Simbu i kam bungim mi. Mi bin stap wanpela wik long Epping na Fr Doug Young i bin stap long hap i soim mi oi naispela hap bilong siti. Long mun Mas, de 5, mi lusim i kam stop long Bangkok na kam long Rom. Taim mi kamap long Rom ples balus, mi amamas tru long bungim tupela PNG pater na Br Kilan. Tupela pater em, Fr Luke Apa, husat mi bin save long Bomana yet. Na Fr Gabriel Tovuu em i bin stap Seminari Rector '94-95, nau tupela wantaim i skul gen long Rom.


Long de bihain tupela pater i kisim mi go lukluk raun long naispela ples bilong Holi Siti na Roman Empaia. Na long apinun mipela go kaikai wantaim wanpela Manus famili is tap long hap. Long de i kam Br Kilian i kisim mi go lukim oi naispela ples na oi samting i stap long Vatiken Siti. Oi lain brata bilong yumi oi SVD i naispela lain stret oi i lukau-

tim mi gut tru na mi ting em i olsem haus ples stret bilong mi.

Long Mas 10 mi kisim balus i kam long Accara. Ghana i drai sisen nau na em i hot moa yet. Olanam! ples i hot nogut ru long hia i winim Pom o Madang. Olsem long 11pm long nait mipela i save plim hot bilong ples i sanap olsem 32 digri samting. Nogut tru ya! Nau mipela i kisim liklik ren sampela taim i go pinis em i bilong mekim ples i kol liklik.

Mi bai statim kastom na tokples skul long mun Me. Twi tokples em i hat liklik long lainim tasol mi ting bai mi ken mekim pastrol wok long Februari samting.

Long mi olsem man i kam long nupela hap. Holi Wik na ista selebresen i narakain olgeta. Long Gut Fonde mipela selebretim Oikaristia long pasin bilong amamas stret. Planti manmeri i putim waitpela klos na sampela i kam wantaim klos i gat gutpela bilas na kala long en. Bihain long oi i transferim Oikaristia i go long narapela tabenakel oi disepa amamas i go pinis na tiam bilong



• Francis Koim, SVD.

sori i kamap na oi manmeri i go long ples bilong oi isi tru, nogot liklik nois. Long Gut Fraide sampela Katolik oi i go nabaut wantaim klos oi i save putim long taim oi i stap long haus kraik, na long apinun sevis olgeta, manmeri na pikinini i kam wantaim klos bilong kraik na sori. Long ista vigil na ista Sande selebresen bikipela amamas tru i kamap.

Gritings i go long yupela olgeta stap long ples. Gutbal nau na God i blesim yupela olgeta.

PNG-SVD HISTORI

From page 13

Bomana long Mosbi. Long dispela yia oi namba wan 5-pela diken i kamap.

Melanesian Institut (MI) i kirap long Goroka. Em hia tripela pris i bin statim: Pater Brandewie, SVD, na Pater Janssen, MSC, na Pater Arbuckle, SM.

(Desemba 17) Pater Ignatius Kilage bilong Denglagu i kamap namba wan pris bilong Simbu na bilong Hallans. Em i kisim Ordo long han bilong Bisop Cohill.

1969 (Februari) Nupela Testamen i kamaut long Tok Pisin.

1970 (Ogas 5) Pater Frank Mihalic, SVD, i kirapim "Wantok" niuspepa long Wewak. Long Desemba 1976 niuspepa i muv i go long Mosbi.

1972 Nesenei Edukesen Ekt i orait long oi tisa bilong misin i ken kisim wankain pe olsem oi tisa bilong gavman sapos oi i kisim wankain trening. Pater McVinney na Mamon i bin go pas long stiam dispela wok.

1974 Komyunikesen Institut (CI) long Goroka i stat long wokim olkain lotu wales program.

1975 Pater Kerubim Dambui bilong Timbunke i kamap namba wan pris bilong Wewak na Sepik. Em i kisim ordo long han bilong Bisop Arkfeld.

1980 Tupela katekis Benny Samiat na Manuel Wagewa i kamap namba wan marit diken long Wewak dalosis. Wewak i bin i gat sevenpela marit diken.

Wantok Publications Inc long Mosbi i kamap nupela kompani: Word Publishing Kampani. Nau oi Lutheran na oi Englikan na oi Yunaitet Sias i joinim oi Katolik long prinim "Wantok" na "Times" na "New Nation".

(Ogas 15) Pater Raymond Kalisz i kamap bisop bilong Wewak. (Septemba 10) Nupela bisop bilong Goroka em Bisop Caeszar.

1982 (Mas 18) Pater Hermann Raich, SVD, i kamap bisop bilong Wabag, Enga.

(Julai 26) Pater William Kurtz, SVD, i kamap bisop bilong Kundawa/Simbu.

1984 (Me 8) Pop Jan Pal i kam long Niugini na samting olsem 170,000 (wan handet sevenli tausen) Katolik i bungim em long Maun Hagen long taim em i mekim misa.

1987 (Mas 30) Bisop Michael Meier, SVD, i kamap Asbisop bilong Maun Hagen.

1988 (Januari 1) Bisop Benedik ToVarpin, em bilong Rabaul, i kamap Asbisop bilong Madang.

(Jun 27) Pater Henry Barlage, em i bin tisa long Bomana Seminari, i kamap Superior General bilong oi SVD long wold.

(Desemba 18) Pater Paul Kanda, em i namba wan SVD pris long Niugini, i kisim ordo long han bilong Bisop Raich long Wabag, Enga.

1989 (Ogas) "Buk Baibel" i kamaut namba wan taim.

Pater Maikel Marai bilong Wewak dalosis i kamap bisop bilong Goroka.

1992 Good Shepherd College long Fatima/Banz i kirapim spesel trening long oi seminerien i wok long go long Bomana.

1995 (Jan 17) Pop Jan Pal II i kamapim Pita To Rot Hap Santu long wanpela Misa long Mosbi.

1996 (Epril 27) Pater Francesco Sarego i kamap bisop bilong Goroka.

(August 13 - 19) Oi SVD i selebretim 100 yia bilong oi long PNG.

1998 Pater Francis Koimb bilong Ambulua peris, Maun Hagen dalosis, i kisim Ordo na i go long Ghana long Afrika long mekim wok misin.

1999 (August 21) Asbisop Leo Arkfeld i dai long Wewak.

(Novemba 26) Bisop William Kurtz i kamap Coadjutur Asbisop bilong Madang.

2000 Jubilee Yia bilong Jisas na gutpela selebresen i kamap long olgeta hap bilong PNG.

Adrian Lam lusim Roosters long joinim sempion Ingran ragbi lig

Australia:

Taim papa i wok long prektis, pikinini tu i givim gutwan tru na i luk olsem em bai wanpela strongpela futja ragbi pilai tu, bihainim papa bilong em.



Lam i bin pilaim laspela gem bilong em long ragbi gren fainel wantaim ol Roosters egensim Broncos long tupela wik i go pinis. Ol Broncos i bin win.

Tasol bihain long sevenpela yia wantaim Roosters, Lem i kisim kontrak long pilai long Ingran wantaim sampi-err ragbi tim bilong Ingran em Wigam.



• **Pikinini bihainim papa!** Liklik manki ya em Lachlan husat i gat tupela krismas, pikinini bilong biknem ragbi pilai bilong PNG i pilai wantaim Roosters na Maroons long Australia, Adrien Lam. Piksa i kam long Courier Mail niuspepa.

Milienia Kerry Packer i kisim tok sut long pilai laki!



• **Politisen Mark Latham i kwestenim Packer long pilai laki na tromoim bikpela mani olsem Au\$3 milien insait long tripela de long Las Vegas, Amerika.** Piksa i kam long Weekend Australian niuspepa.

• **Mista Packer i no laikim ol politisen i kwestenim em long rot em i yusim mani long en.**

Australia: Milenia, risman na papa bilong Nain Netwok na tu namba wan top risman bilong Australia em Garry Packer. Long dispela wik, Leba Pati bekbensa bilong Australia Mark Latham i wok long askim watpo na ol arapela plotisen i no

helpim em taim em i wokim ol toktok egen-sim pasin bilongbikpela ris milenia media bos, Mista Packer.

Mista Latham i tok i no gutpela taim planti lain long Australia i wok long bungim hevi long mani sot, kaikai na ol arapela samting tasol Mista Packer i wok long

yusim bikpela mani tumas long pilai laki long en.

Praim Minista John Howard i no wari tumas long pilai laki pasin bilong Mista Packer. Em i amamas long bikpela takis mani bikman na media kampani grup bilong em i save peim.

Tasol maski Mista Latham i wanpela man tasol em i toktok strong

yet na i tok i moabeta long Mista Packer long givim helpim long ol lain i gat hevi olsem ol disebel, sariti na ol tran-gu bikos em i tok long nau, em i wok long helpim tasol ol sariti grup na pipel we em i save long ol. Dispela i no gutpela na Mista Packer i mas tilim helpim bilong em long ol sariti, disebel na tran-gu lain.

Bun bilong ol daiman ya!



• **Ol bin painim bun bilong 50 daiman long wanpela hul long Paklenik, Bosnia las wik.** Dispela em ol bodi bilong ol Muslim lain bilong Bosnia, ples long Isten Yurop we hevi i stap long en long 1995 inap long 1999 paif i bin go nogut olgeta na planti tausen pipel i bin dai. Piksa i kam long Weekend Australian niuspepa.

Bosnia:

Samting olsem 4,000 bun bilong ol Bosnia daiman i stap long ol bek insait long wanpela weahaus klostu long rot long Bosnia. I luk olsem ol dispela bun em ol pipia nating na ol man i lus tingting long ol.

Ol ripot i tok ol dispela bun bilong ol daiman em ol i karamapim ol na putim insait long ol bek na ol i pulapim dispela weahaus i stap, stat long plua i go antap klostu holim ruf bilong haus.

Olgeta ol bek bun i nogat nem long ol, tasol ol i makim ol wantaim namba.

Ol ripot i tok nogat man i save em ol bun bilong husat man, meri na pikinini. Na ol gavman bilong ol Westen kantri i surik long painim, putim na katim mani long karimaut wanpela wok painimaut long painim husat tru em ol bun bilong ol em ol i painim na ol i stap long ol bek ya.

Planti moa pipel i bin dai long hevi long Bosnia, winim mak bilong ol pipel i bin dai long ol hevi long histri bilong Yurop bihain long Nazi wo long ol Jews long namba wan Wol Wo.



• **Weahaus bilong ol daiman!** Noken ting olsem em ol bek kaikai, nogat. Dispela em ol bek i gat bodi bilong ol daiman i stap long Tuzla weahaus, Bosnia. Tasol ol no save ol dispela bodi i bilong husat. Piksa i kam long Weekend Australian niuspepa.

Ol bin painim ol bun long ol bikpela hul matmat we ol bus i haitim, aninit long ol bikpela diwai, ol keiv long isten Bosnia. Na ol i bilip olsem moa daiman i hait i stap yet na ol dispela we ol i painim em hap mak tasol.

Ol ripot i tok dispela eria long Srebrenica long Julai 1995 em ol bin bilip olsem em i seif bikos ol Yunaitet Nesens lain i stap long en.

Ol ripot i tok ol bin kilim dai nating 8,000 manki na ol yangpela man insait long wanpela wik.

Ol hauslain bilong ol

husat i bin ronawe na abrusim dai nau i save go lukim dispela haus olsem Haus bilong dai.

Ol i wari tru na ol i wok long askim watpo ol kantri long Wes i savd toktok long givim mekim save long ol wo kriminel tasol i no wokim samting long painimaut husat tru em ol bin kilim ol dai.

Long 1996, ol bin kirapim Intenesenel Komisin bilong Mising Pesens ilong karimaut dispela wok tasol i kam inap nau, ol i luksave tasol long 79 bodi. Bikpela wok i stap long dispela samting na ol i sot long mani.

ILIMO LAIF KAKARUK BILONG SALIM

Sapos yu tingting long amamasim 25 independens selebresen bilong yu wantaim ol bikpela kakaruk i gat planti mit na gris, ol i salim nau:

Prais - K8.00 long wanpela

Ples bilong baim : Ilimo Farm


De na taim : Monday to Saturday - 8am to 4 pm
Sunday - 8am to 12 pm

Nambawan tru bilong mumu, aigir na kainkain kuk bilong ples.

Sapos yu gat bikpela oda, mipela i ken karim i go long haus bilong yu.

Sapos yu laik save moa, ringim mipela long
PH: 328 1101 or FAX: 328 1245

NOKEN ABRUSIM DISPELA GUTPELA SANS!



GIVE A KINA FOR OUR COUNTRY

1975-2000



'APPEAL TO EVERY CITIZEN - MEN, WOMEN AND CHILDREN

Papua New Guinea is our home, this year will mark the 25th year of our Independence, our silver jubilee, this land we call our home has given all of us life and carries the memories of our ancestors and the hope of our Children.

What have we given back to our Papua New Guinea?

Now is the time we need to give something back to our Country.

The Media Council of PNG along with other community groups ask you to Give a Kina for our Country, Walk in to any bank in the Country and put your Kina into the collection boxes provided.

It doesn't matter who you are or where you live, If you love your Country, make a difference, Give a Kina for our Country, You can deposit your Kina at any bank in the country, You can make a difference.

With the Support of

MEDIA COUNCIL OF PNG & VARIOUS COMMUNITY GROUPS



Barbarians na Sharks soim strong long Goroka

JAMES KAY i raitim

BARBARIANS na Kama Sharks i wok long soim strong na pawa bilong ol moa yet insait long Goroka ragbi yunion kompetisen.

Nau yet dispela tupela tim i go pas long kompetisen poin lata, taim tupela gem i stap yet bipo long fainel resis i kamap.

Las wiken Kama Sharks i pilai strong tru na kam bek long las minit na kilim indai paia bilong Guava Dogs 19-13.

Dispela gem we i bin kamap long Nesenel Spots Institiut i bin wanpela strongpela gem tru namel long dispela tupela sait.

Klostu ol boi bilong Guava strit i ronawe wantaim win, tasol ol bagaros bilong Sharks i putim moa ekstra marasin na kam bek na

RAGBI YUNION RIPOOT

winim gem. Sharks i bihain gem plen bilong ol gut tru taim tupela stail mangi bilong ol Conrad Monove husat i bin pilai long Mosbi bipo i bung gut wantaim Max Mendi na ol narapela long ron i go insait long teritori bilong ol Doggies.

Ol narapela pilaia bilong Sharks husat i givim strong em PNG Pukpuks intanesinel Andrew Mark na Jeffrey Fagon.

Ol mangi bilong Doggies tu i no givim gem isi long Sharks. Ol i pilai strong i go tasol long las minit na Sharks i bin kam bek na kilim indai paia bilong ol wantaim strongpela fowat pilai. Ol mangi husat i i bin pilai strong long fowat bilong Doggies em Alkan Mone, Ali Kuso na Morris Andy.

Long narapela gem long wiken Pirates i kam bek long bihain na nilim stret ol mangi Asaro Nipux 16-0, na Brothers i pilai strong tru na winim gem egens ol yangpela Harlequins sait 15-5.

Insait long mein gem Barbarians i bin pilai gut tru na i bagarapim stret sindaun bilong Pineapples 43-7.

Tupela moa gem i stap yet bipo long fainel insait long kompetisen i soim olsem dispela tupela tim i wok long ron gut tru long ol gem bilong ol. Tasol bikos ol tim i pait hat tru long kisim ples insait long fainel kompetisen long Goroka i wok long go strong tru.

Kodineta bilong Goroka ragbi yunion na kosa bilong Goroka sait, John Susuve i tok olsem dispela tupela tim Kama Sharks na Barbarians i wok long strongim gut posisen

bilong ol long kompetisen.

Tupela narapela tim husat i kam bihain tasol long ol me Doggies na Pineapples.

Tim we i save gat moa pawa long bipo, Harlequins nau i wok long slek liklik nau long dispela sisen long kompetisen gems bilong ol bikos planti ol ekspiriens pilaia bilong ol i go joinim ol narapela tim. Nau yet Harlequins i gat planti ol yangpela pilaia bilong Goroka Sekondari husat i sanap strong long sapotim tim.

Nau yet i gat 8-pela tim i resis insait long Goroka ragbi yunion kompetisen. Ol tim ya em Kama Sharks, Guava Doggies, Barbarians, Harlequins, Pineapples, Brothers Nipux na Pirates.

Dispela tim Nipux em tim bilong ol mangi long Asaro.

Guria bai bungim Mioks long fainel

SP KAP RIPOOT

RABAU Guria nau bai bungim Enga Mioks long grenfainel bihain long on i winim Mt Hagen Eagles 18-16 long priliminari fainel long Jack Emmaruel Park long Kokopo las wik.

Dispela win nau i mekim Guria i laik bekim dinau long ol i bin lus nogut tru long Goroka Lahanis las yia.

Dispela grenfainel ya bai pulim moa pipel long Is Nu Briten na tu Enga long kam lukim husat bai kamap semption tim.

Gem long las wik i wanpela strongpela gem stret. Faiv-et bilong Guria Jessie Alunga husat i wok long pusim nem long stap insait long Wol Kap long Yurop yet i go pas long win bilong ol boi Rabaul.

Alunga i bin kikum tupela fil gol long namba tu hap we i helpim tru Guria long sindaun gut na givim gutpela salens i go long ol lokel turis, Mt Hagen Eagles.

Alunga i winim Man of the Match awot na kosa Jeff Wade i givim bikipela tok amamas i go long lapun vilong Rabaul Guria Normyle Eremas long gutpela kik bilong em.

"Mi amamas tru long gutpela kiking gem, na tu bihainim plen long traime holim birua tim (Eagles) long eria bilong ol traime skorim trai sapos ol i mekim asua," Wade i tok.

Em i tok tupela trai i kam long kepten Lucas Solbat na Jessie Alunga i helpim tru Guria long win.

Wanpela samting i helpim Guria long win em ol sapota i kamap long sapotim asples

tim bilong ol. Kosa bilong Mt Hagen Eagles Ted Vere i tok ol boi bilong em i pilai gut tasol Guria i strong moa na win.

Em i salim bikipela tok amamas i go long Guria na i tok gut lak long ol long taim ol i bungim Enga Mioks long fainel.

Beklain bilong Mt Hagen Eagles wantaim pilaia olsem Abraham Henao na Robert Benny i kamapim planti hevi tru long ol boi Tolia ya. Long fowat John Waka na Billy Noi jnr i go pas long kisim ples bilong ol biknem pilaia olsem David Gomia na Max Tiri.

Ol boi Guria nau bai sapim tamiok bilong ol na kam long Pot Mosbi long bungim ol kaim long Enga.

Telstars winim namba 26 taitel

NETBAL RIPOOT

LOTTO Telstars i kamap kwin bilong netball resis bilong dispela yia long Pot Mosbi bihain long ol i winim Chevron Paramana 43-31 long gren fainel long las wik Sarere long Rita Flynn netbal kot.

Dispela em i namba 26 primiasip taitel em Telstars i winim.

Insait long namba wan kwata, Telstars i wok long kisim Mat taim long skoa bihain long gol-suta Jacklyne Niblet i no tromoi gut bal long ring. Tasol ol i banisim gut skoa bipo long Paramana i ken ranawe.

Taim Telstars i lukim olsem Paramana i wok long strong, kosa Misis Veitu Diro i mekim kwim senis na putim Myra Albert na longpela bun Kerema meri, Mimi Ori long sut.

Dispela senis i kamap taim Emily Maha i kam long wing atek na Andiopa Sabadi i lukautim senta.

Mona Lisa-Leka wantaim

Niblet i wok long painim hat liklik tasol taim dispela senis i kamap Telstars i wok long kamapim paia stret.

Kula lamo long gol atek i wok long kamapim gutpela bal na i no abrusim liklik wanpela sut.

Insait long namba tu kwata, kepten Mona Lisa Leka i wok long yusim gut olgeta bal em i kisim long skorim gol.

Caroline Lahari na Ravu Raula i traime long banisim Leka tasol em i yusim gut ekspiriens bilong em long ranawe long ol na skorim poin. Hatwok bilong em i karim kaikai taim Telstars i go pas long skoa 20-18.

Insait long namba tri kwata, Paramana i mekim sampela senis long Renagi Dringo i go pilai long wing atek na Lewa Vevao i kam long namel.

Dringo i helpim ol sut bilong em tasol Albert na Ori i banisim gut defns bilong ol na ol i no skorim planti gol.

Long pinis blong dispela

kwata, Paramana i kisim lid na skoa i sanap olsem 30-29.

Veitu Diro i mekim sampela senis insait long las kwata na Ori i go long golsuting na bhain Sabadi i go long gol difens. Dispela nau i wok long karim kaikai na Ori i blokim olgeta sut bilong Paramana.

Dispela gem iwok long paia stret long las minit i go na Telstars i winim ol 43-41 long pinis blong em.

Kepten bilong Telstars Mona Lisa Leka i tok Telstars i yusim olgeta sans taim em i kisim bal long skorim poin olsem na ol i win.

Na taim Paramana i go pas long skoa, ol meri Telstars i no guria na tingting planti long dispela skoa.

Kepten bilong Paramana i tok midkot gem bilong tim i no gutpela na dispela tasol i mekim na ol i lus. Sapos ol i gat inap strong long namel, ating ol i ken givim gutpela salens na win.

PMSA bai holi Jubili Kap soka tonamen

HENRY MORABANG i raitim

POT MOSBI Soka Asoisesen (PMSA) bai holim Jubili Kap soka tonamen bilong em long amamasim Independens de.

Tonamen ya bai kamap long Septemba 15 na pinis long Septemba 17 long Bisini Soka Graun.

Presiden bilong PMSA Kuma Aua i tokaut olsem 52 tim i bin soim laik long stap insait long dispela soka resis. Dispela soka resis i op long olgeta tim na i no long ol top foa tim tasol.

Mista Aua i tok olgeta tim stat long primia, Fes divisen, Seken divisen, Namba tri divisen na tupela wimens divisen. Bipo ol i makim foapela top tim tasol nau eksekutyutiv i larim olgeta tim i ken putim nem.

Em i tok olsem ol tim insait long divisen foa na yut divisen i ken joinim ol arapela tim long putim nem. Ol pilaia bai i no inap putim nem long kamapim wanpela tim insait long dispela jubili soka tonamen.

SOKA RIPOOT

Presiden i tok em i opim dispela tonamen i go long arapela klab bikos planti tim i laik amamasim Independens wiken wantaim soka.

Sekretari bilong PMSA Baku Bakuwai i tokaut olsem de bilong baim rejistresen bilong dispela tonamen bai pas long Fraide, Septemba 8.

Wanem tim i laik putim nem em i mas baim K100 i go long PMSA Akaun. Wanwan ol eksekutyutiv bilong ol klab i save long akuan namba ya.

Mista Aua i tok olsem nau olgeta yangpela tim bai salensim sinia tim we ol bai resis long lukim husat tru bai winim K1000.

Bai i gat K1000 man i go long namba wan tim, ol tim i kamap seken bai kisim K500 na namba tri em K300. Ol arapela tim bai kisim tropi long soim pes insait long soka tonamen ya.

Dispela prais mani em bilong resis bilong man na meri wantaim.



MILO IKEN WOKIM GUTPELA SAMTING LONG YU



• (Antap lephan): Yangpela junia Trevor Ila i amamas long sil em i winim long Bulldogs klub.

• (Antap raithan): Fulbek bilong Tarangau i rausim bal long gol eria bilong em egensim ol Telikom long Pot Mosbi wimens soka. Teliokm winim 1-0.



• (Lephan): Mike Wako (raithan) wantaim wan pilaia bilong em i amamas na apim sil wantaim ol sapota.

• (Raithan): Fulbek bilong Souths James Fora i kalap tasol em i no ketsim bal ya.

• (Daunbilo lephan): Robert Tia na John Pandia bilong Souths i takolim pilaia bilong Brothers long Pot Mosbi gren fainel las Sande. Souths win 20-12.

• (Daunbilo raithan): Boi ros ya i redi long straikim bal insait long Pot Mosbi primia kik resis las wiken.

Ol poto: ISSAC IKUAVI.



NCDC givim K50,000 long Spots Federesen

OLYMPIK GEMS RIPO

NESENEL Kapitela Distrik Komisen (NCDC) i givim K50,000 i go long PNG Spots Federesen long Tunde.

Dispela mani em PNG Spots Federesen bai yusim long salim PNG tim i go long Olimpik Gems long Sidney, Australia, neks wik.

Eking Siti Edministreta Bernard Kipit i tok em i amamas tru long sapotim PNG Spots Federesen.

Mista Kipit i salim gutpela toktok long ol lain husat bai pilai long Sidney olsem: "Mipela save olsem Olimpik Gems em antap tru na mipela bai i no inap

askim tumas long yupela tasol mipela save olsem yupela bai givim bes bilong yupela long makim kantri."

Em i tok dispela mani mipela kisim long ol takis long ol pipel, nau mipela i givim i go bek long komyniti long helpim spot we i save kamapim nesenel yuniti.

Sekretari Jenerel Sir John Dawanincura i tok olsem em i dispela em i las mani i kam long NCDC. Mani ya em hap bilong K100,000 NCDC i makim long PNGSF long dispela yia.

Namba wan K50,000 em ol i skelim i go long sapotim Olimpik Tos Rilei we planti niusman na TV i

soim PNG long wol.

Long makim maus bilong presiden bilong PNGSF na Nesenel Olimpik Komiti Henry Kila, Sir John i tenkim Siti Edministreta Mista Kipit.

"Mipela i kisim tupela yia olgeta long redim ol spotman na meri bilong Gems long Sidney na dispela em bikos long kain helpim i kam long NCDC na ol arapela kampani," Sir John i tok.

Sir John i tok em i makim 7-pela spot long makim kantri we bai i gat 30 spotman na meri. Tasol nau i gat tripela spot tasol na 5-pela spotman na meri bai makim kantri bikos mak bilong resis long Olimpik

Gems i antap tru.

"Mipela bai makim 5-pela spotman na meri long tripela spot; etletik, swimming na weatlifting.

"Mi save ol dispela 5-pela spotman na meri bai i no inap daunim nem. Ol bai mekim olgeta samting long Olimpik Gems long karim nem bilong Papua Niugini," sekretari jenerel i tok.

"Mipela i givim pinis ripot bilong namba wan K50,000 long Mista Kipit.

"Na dispela mani mipela i kisim nau bai mipela i yusim long baim ol arapela samting mipela i sot long en long lukautim PNG tim long Olimpik Gems," Sir John i tok.

Lotics em nupela kwin bilong Kiunga

BASKETBAL RIPO

LOTICS em ol nupela kwin bilong Kiunga wimens basketbal bihain long ol i daunim biknem tim, Drifters, 35-24 long gren fainel i kamap long Kiunga Spots oval las Sarere.

Dispela gren fainel em wanpela gutpela fainel stret we ol pilaia bilong tupela tim wantaim i kamapim

gem na ol sapota i amamas stret long lukim ya.

Drifters i gat gutpela tim tasol ol i laik traim kamapim sampela rap pilai na ol i save lusim bal na kamapim planti faul stret.

Namba wan pilaia bilong Lotics Maggie Onao i skorim namba skoa. Em i go pas long kamap gutpela difens na tu sut stret long

umben long skorim basket.

Drifters i kamapim gutpela difens long traim stapim ol sapsuta bilong Lotics olsem Ivy Gamai long skoa. Ol Lotics i gat moa strong olsem na ol i kamapim gutpela gem long win 35-24.

Dispela em i namba wan Kiunga taitel bilong nupela milenium.

Tisa kisim moa skul bilong spot

WANPELA ten et (18) spot masta husat i save tisisim physikel edukesen na spot insait long 4-pela haikul long Nu Ailan i pinisim tripela de in-sevis trening.

Ol tisa ya i kam long Madina, Mongop, Manggai na Utu i holim trening long 21-29 Ogas. Spot klinik ya i karamapim ol spot olsem soka, tas ragbi, sofbal, voliibal na basketbal.

Provinsal Spots Kodineta CharlesLalen i tok dispela em i namba wan taim dispela kain klinik o spot wok-sap bilong ol spot masta insait long provins i kamap.

Taim ol i pinisim kos, ol i kisim setifiket olsem mak olsem ol i stap long dispela kosa.

Bai i gat in-sevis klinik bilong ol tisa sapos ol kainkain tenis i kamap long rul buk o arapela samting nambaut.

Spots long skul i wok long kamapi gut tru long ol skul olsem na kain bikpela trening bilong ol tisa bai helpim tru developmen bilong ol junia long ol kainkain spot.

Nau ol dispela tisa bai go bek long traim ogeaisim Provinsal Hai Skul bal gems spot kanivel.

POMSSA makim fainel tim bilong Australia



• Sampela ol pilaia bilong PNG Torosel i amamas na so-op long yunifom bilong ol las wik.

SKULBOI SOKA RIPO

POT Mosbi Skulbois Soka Asosiesen (POMSSA) i makim pinis fainel skwat bilong go pilai long Cairns na Mackay long Australia long neks wiken.

Tupela tim, PNG Torosel (Anda 11) na PNG Kapul (Anda 12) bai makim kantri long dispela skulbois soka tonamen long tupela siti long Not Kwinlsen.

Anda 11 tim bai go stap insait long John Boomben Soka kanivel long Cairns we i save kamap olgeta yia. Na Anda 12 tim bai go pilai long Mackay.

Mausman bilong Ogenaising Komiti Steve Mobbs i tok Mackay i singautim Anda 12 bikos ol i lukim ol pilai gut tru long Anda 11 taim ol i bung long Cairns las yia.

"Olsem na ol i laik PNG i mas salim yet wanpela tim long dispela sempionsip

HENRY MORABANG I raitim

bilong ol," Mobbs i tok.

Mobbs i tokaut olsem ol makim dispela tupela tim bihain long tripela wik trening na ol i amamas olsem ol pilaia i stap long skwat i save moa long kik ya.

Dispela tupela tim i hatim trening long las tupela wik olsem tim na redi tasol long go long Australia neks wik.

Mobbs i tokaut olsem Anda 11 i gat bikpela wok long tonamen long traim winim rekot bilong las yia. Las yia, Anda 11 i bin kamap namba tu long John Boomben tonamen. Tim bilong PNG tasol i skorim wanpela gol egensim sempion tim, Cairns, husat i win na holim bek taitel.

Wok bilong salim tim i go long Australia tu i bikpela stret long sait bilong mani.

Nau yet Daisy Milk i givim K30,000 i go long helpim

POMSSA i salim tim. POMSSA tu i kisim sampela helpim i kam long sampela ol arapela sponsa olsem TNT, Rimbunan Hijau, Taubmans, James Hardie, City Pharmacy, Nambawan Finance, TG Computers na Westpac.

Nem bilong ol pilaia em Under 11-Torosel

Tamata'ane (Nanai) Amona (Ela Beach), Aloysius Brabar (De La Salle), Teddy Botong, Rihard Matanga, Kila Leka (Bambi), Jonathan Hersey, Jack McCrea (Murray), Kenny Havora, Carl Warimbu, Michael Pohonhelan (Korobosea), Cosmas Kavulio (Bomana), Henry Morabang jnr, Tanda Pakio (St Peters), Miss Bele Dago Morea (St Michaels), Bradley Issac Rawela (Gordons), Non Travelling Reserves: James Giro (Bambi), Damon Maskelyne (Murray), Anthony Sanginunbuk (St Joseph)

and Moses Tekwie (Gordons). Tim opisel Kalo Amona - tim menesa, Lawrence Giowanauri na Tim Gawot (ol kosa). Anda 12 - PNG Kapu:

Junior Anania (Gerehu Christian Academy), Simon Davis, Jason Kariko (Korobosea), Joseph Kakahe, Patrick Kiromat (St Joseph), Kele Lesley (Butuka), William Mobbs, Ray James Wooley, Mohaman Ridwan Bin Hamazah (Murray), Sarto Modagai (St Pauls), Sebastian Nianfop, Isidore Sitapai, Sammi Campell Misiat (Gordons), Joshua Tore (St Peters), Non Travelling Reserves: Vicky Moses Panao (St Pauls), Vincent Rema (Korobosea), Elizah Riyong (Korobosea) and Darren Short (Murray)

Team officials are: Bill Brabar (tim menesa), Tony Salvador na Herman Panai (ol kosa).

Waliya sotim win bilong Airport Norths

RAGBI LIG RIPO

WALIYA i pinisim win bilong Airport Norths insait long bikpela ragbi lig gem bilong Kiunga las wiken.

Tupela tim wantaim i dro 14-14, na tripela minit i stap yet, Martin Dagari bilong Waliya i kikim wanpela graba-kik na winga bilong em Nickson Kwanekim i kisim na trikim difens bilong Airport Norths long skorim trai aninit long pos.

Hapbek Dickson Sanaka i no kikim konvesen bikos pilaia bilong Norths Lucas David husat i laik takolim Kwanekim i brukim lek bilong em.

Norths i kamap gutpela gem tru long namba wan hap bilong pilai bikos gutpela win i mekim na ol pilaia i laik tro-moi bal i go i kam na skorim trai.

Bobby Kain long huka wantaim brata bilong em Jacob Kain i pilai strong tru long Airport Norths surikim difens bilong Waliya i go bek taim ol i atek.

Kepten bilong Norths na fowat John Gunua i opim skoabuk wantaim wanpela penalti gol. Na stap liklik em i

kikim wanpela konvesen bihain long Dominic Elias i skorim wanpela trai.

Klostu long pinis bilong namba wan hap, Norths i luk slek na ol i larim winga bilong Waliya Gilbert Mulaka long skorim wanpela trai na skoa i sanap 8-4.

Waliya i yusim hevi bilong ol na skorim wanpela trai gen. Dispela trai i kam long Kolo Grem na Sanaka i kikim konvesen wantaim wanpela penalti gol long surikim skoa i go long 14-8.

Elias i skorim namba tu trai bilong em long lukim fulbek bilong Norths Simon Denem i kikim konvesen long levelim skoa 14-14.

Tasol gutpela pilai bilong Dagari i iarim Kwanekim i ketsim graba-kik na go putim traim.

Win nau i helpim Waliya long holim namba wan ples long gat sans long fainel. Norths bai stap long bai na wetim tasol sapos wanpela tim i lus, ol bai gat sans long pilai long fainel.

Niwaf Raiders win long fofite bikos Kiunga Tigers i no kamap long fil na Fly Storms em bai las wiken.



IKEN WOKIM GUTPELA SAMTING LONG YU

Souths winim PRL taitel

PRL RIPOT

DOWNERS Souths i winim bek taitel bilong Pot Mosbi ragbi lig long namba tu taim bihain long ol i autim Toyota Brothers 20-12 long gren fainel las wiken.

Moa long tausen man na meri i bin kamap long lukim dispela gren fainel namel long tupela tim we i gat planti ol pilaia i kam long hap bilong Hailens rijen.

Winga bilong Souths Luke Minjugu i kamapim gutpela gem stret na em yet i putim tupela trai olsem. Souths i putim 5-pela trai na tupela i kam long boi ros ya Minjugu.

Brothers i skorim tupela trai long go pas long skoa 8-0. Tasol klostu long pinis bilong namba wan hap, ol i putim wanpela moa trai.

Ol Souths i paia stret na kam skorim tupela na skoa nau i sanap 12-8. Brothers i no wari, ol i pilai strong gen na levelim skoa

long 12-12 na dispela skoa i go stap haptaim.

Insait long namba tu hap, Souths i kisim sampela strongpela toktok na kamapim gutpela gem stret. Fowat David Kaiabe na fulbek James Fova i putim wanwan trai na skoa nau i surik i go long 20-12.

Ol boi bilong Souths i taitim difens na blokim olgeta rot bilong Brothers long noken skorim trai.

Gem ya i no kamap gut bikos insait long 20 minit, tupela tim wanpela i wok long mekim planti asua stret na tu dropim planti ol bal long taim bilong takol.

Ol Brothers i wet bihain long 20 yia nau, na ol i laik traim winim taitel gen long gren fainel. Las taim Brothers i win em long 1981. Planti bilong ol dispela pilaia i no stap na em i namba wan taim bilong ol long pilai long fainel ya.

Richard Sinamoi, Willie Enoch,

Solomon Hui na Isacc Lupari i gat eksperiens long pilai anit long presa bikos sampela taim i go, ol i makim Pot Mosbi Vipers.

Na long Souths, planti ol pilaia bilong ol i bin stap long gren fainel las yia na ol i save long wanem kain pilai i save kamap long taim bilong ol bikpela fainel.

Kaiabe, Robert Tia, Mike Wako, Roy Thomas name Ossie na Eric Abba i wok long fowat long brukim difens bilong Brothers.

Long namba tu hap, Souths i blokim olgeta liklik rot na Brothers i painim hat tru long skorim trai. Skoa bilong 12 long namba wan hap i stap inap Souths i kam putim tupela trai long namba tu hap long winim gem 20-12.

Insait long arapela gem, Dobo Warriors autim Magani 14-8 na Hawks nekim Paga Panthers 8-6 long C gret gren fainel.

David Westley bai i no pilai wantaim Kumul long Wol Kap

Ragbi Lig RIPOT

BIKPELA wari nau i kamap long Kumul kem olsem biknem fowat David Westley bilong Paramatta klab long Nesenel Ragbi Lig (Australia) bai i no inap pilai long PNG Kumul.

Westley i kisim liklik operesen long skru bilong em bihain tasol long semi fainels egensim Brisbane Broncos.

Klab bilong em Paramatta i no laik Westley i mas joinim PNG Kumul tim long Wol Kap bikos ol i poret olsem em bai kisim bagarap na bai i no inap pilai long 2001 sisen.

Tasol kosa bilong PNG Kumuls Bob Bennett i bilip olsem Westley bai orait bipo long taim bilong Wol Kap long France.

"Paramatta i no laik em i pilai long Wol Kap tasol ol samting bai senis sapos klab bilong em i tingting long kantri bilong Westley," Bennett i tok olsem.

Em i tok em bai givim las minit long Westley na sapos em i orait em bai joinim tim.

Westley yet i tok em bai i no inap stap insait logn tim bikos long dispela bagarap. Em i tok em i no laik gridi na kisim ples na arapela pilaia i no stap long tim.

Dispela bagarap long skin bilong Westley i kamap bipo yet taim em i pilai wantaim Canberra Raiders.

Bennett i tok seleksen bilong PNG

Ragbi Lig bai stap long han bilong ol seleksen komiti. Ol bai mekim fainel disisen sapos David Westley bai joinim tim o nogat.

Em i tok dispela operesen i liklik na Westley i wok long mekim ekasesais ya.

Bennett bai bung wantaim ol nesenel selekta long Pot Mosbi long dispela wiken long toktok wantaim ol na makim fainel 22 pilaia na wanpela riserv long kisim ples bilong Westley.

Kosa i tok em i wari taim em i harim olsem Westley i kisim bagarap tasol em i amamas olsem em i gat planti ol eksperiens pilaia long tim bilong em.

Em i tok em i gat sampela ol pilaia olsem Adrian Lam, Marcus Bai, Mark Mom, Stanley Gene na John Wilshere long go pas long tim.

Arapela pilaia husat i gat sans em Andrew Norman bilong Lae Bombers na Justin Augustine bilong Mt Hagen Eagles.

I gat sampela tokwin olsem Justin Augustin i winim tu yia kontrak wantaim biknem Brisbane Broncos.

Yangpela Augustine, was pikinini bilong Asisten Komisin bilong Hailens Rijin, Tony Wagambie.

Kosa Bennett i tok Westley em wanpela pilai i ken karim tim. Na sapos em i lusim 6-pela pilaia olsem Westley long tim, em bai wari liklik long dispela.

Koiari senisim de bilong fainel

Ragbi Lig RIPOT

KOIARI Ragbi Lig i surikim taim bilong holim gren fainel bilong ol i go long narapela taim gen.

Dispela fainel ya i sapos long kamap long las wiken tasol sampela asua i bin kamap na ol opisel i stapim fainel.

Insait long wanpela miting i bin kamap long wiken, ol opisel na ol klab i stretim hevi na tokaut olsem ol bai redi long holim fainels.

Ol opisel bilong 4-pela tim ya Hooks Tigers, Crystal Eels, Trek Warriors na IB Pukpuks i bin sindaun na patim toktok na stretim dispela hevi namel

long ol na asosiesen

Nau yet i gat wari olsem triepal tim bai pilaia long gren fainel. Pukpuks, Warriors na Hooks Tigers bai pilai long fainel. Tasol long miting, Trek Warriors i larim ol Pukpuks bai bungim Tiges long fainel.

Presiden bilong Koiari Lig Ruben Ope i tok amamas tru i go long ol sapota na pilaia bilong Warriors long trupela spotmansip pasin. Dispela em i namba wan taim long histori bilong lig olsem ol i givim nating gem i go long arapela tim.

Dro nau i sanap olsem B gret, Crystal Eels bai bungim IBS Pukpuks na Hook Tigers bai salensim IBS Pukpuks.

De La Salle i paia long anda 19 yunion

Ragbi Yunion RIPOT

DE LA SALLE hai skul i wok long kamapim nem insait long anda 19 ragbi yunion kompeition long Pot Mosbi.

Ol yangpela boi long hai skul klostu long Bomana i wok long pilai anit long nem bilong Royals klab. Las wiken, ol i wilwilim stretim Wanderers 10-0 long Bava ragbi lig oval.

Dispela gem bilong Royals i no isi bikos ol lain Wanderers tu i kamapim strongpela salens stret.

Ol lain husat i save go pas long Royals olsem Alex Peo, Sioni Raka na Vincent Kovo i laik ranawe long difens tasol

Wanderers olsem Chris Priestly, Francis Ambane, Raphael Kagl na Charlie Bob i blokim ol stret.

Wanderers i wok long yusim gut bal tasol nogat wanpela skoa i bin kamap. De La Salle i laki tru long skorim poin bilong ol i kam long Bernard Pokanau na Jeffrey Pariko.

Ol lain husat i pilai gut long royals em Dennis Aitsi, Vitos Keko, Samson Romints, Pariko na Alex Pe.

Insait long arapela gem, Brothes winim 1RPIR 5-5, Defence winim Finpac 8-5 na Telikom i dro wantaim Harlequins 5-5.

Na long gret, 1RPIR i redi tasol long brukim bun long fainel

taim ol i wilwilim stret Brothers 20-5, Jacob Jessie, Mark Muwanli, Greg Wakore na Albert Baiai i pilai strong long helpim ol boi long Taurama long win.

Ol lain i putim trai bilong Harlequins Gary Raga, Mikes Mathews na Reggie Guise i go pas logn dispela win taim ol i autim Telikom 17-10.

Difens i strong moa long nekim Finpa 24-0 na Wanderers nekim Royals 8-5.

Na skoa bilong NB gret i sanap olsem: Royals winim Wanderers 22-15, 1RPIR nekim Brothers 12-10, Telikom autim Harlequins 16-15 na Defence bagarapim sindaun bilong Finpac 22-0.

Netbal insait long PNG bai holim sempionsip long Alotau

NETBAL RIPOT

PAPUA Niugini Netbal Federesen bai holim nesenel sempionsip bilong em long Alotau long Independens wiken.

Samting olsem 40 tim bai kam long 10-pela asosiesen insait long kantri bai resis long winim taitel.


Bai i gat wanpela miting bilong ol tim menesa na kosa long Septemba 15 na jenerel miting long Septemba 16. Olgeta asosiesen i mas ringim presiden Janet Sape long tokaut sapos ol bai kamap long dispela miting o nogat.

Pot Mosbi bai salim wanpela stonrplea tim long traim winim bek taitel. Ol arapela senta olsem Goroka, Central, Lae na Goroka long traim winim Pot Mosbi ya.

Nesenel selekta bai sindaun long dispela sempionsip long makim developmen skwat long redim tim long stap insait long Mini SP Gems long 2001.

Ol memba bilong nesenel elite skwat bai i no inap resis tasol ol bai stap long helpim tonamen ya.

PNG Netbal Federesen i bin holim wanpela junia sempionsip na planti tim i kam long 10-pela senta. Nau yet PNGNF i no painim yet wanpela sponsa ya.



• David Westley husat nau i kisim bagarap na tim bilong em Paramata i tok em bai no inap pilai wantaim PNG Kumul long Wol Kap.



IKEN WOKIM GUTPELA SAMTING LONG YU




TOKTOK I GO LONG KONFERENS OL I KOLIM "AJENDA BILONG RIKONSILIESEN"

INTERNATIONAL CONFERENCE CENTRE FOR MORAL RE-ARMAMENT CAUZ, SWITZERLAND

13-15 August 2000.

RT HONORABLE SIR MICHAEL SOMARE, GCMG CH MP Papua New Guinea Minister Bilong Bogenvil Afeas i bin givim dispela toktok - 'RECONCILIATION IN BOUGAINVILLE, Papua New Guinea - Needs, Processes, Achievements, and Challenges'



Politiken rekonsiliesen em i bikpela samting tru long bringim belisi na stapim pait insait long Bogenvil, Papua Niugini.

Wok bilong kamapim belisi na stapim pait i wok long gohet yet bihain long pait i kamap long Bogenvil long 1990, ol wok i no pinis yet.

I no bin gat gutpela luksave tu i kamap long ol narapela rot bilong kamapim belisi na stapim pait, olsem wok bilong lotu, sosel sevis na lo.

Bai mi traim long toksave long dispela wok bilong kamapim belisi long Bogenvil na stori tu long as bilong trabel i bin kamap.

Orait bai mi toksave long wanem samting politiken rikonsiliesen i mekim long strongim wok bilong belisi na wok bungwantaim long kamapim gutpela sindaun gen.

Bai mi pinisim toktok bilong mi wantaim sampela bikpela salens i stap yet long dispela wok.

AS BILONG OL TRABEL

As bilong dispela trabel we sindaun bilong ol pipel i bagarap na samting olsem 15-20,000 (namel long fiftin na twenti tausen) pipel i bin dai na olgeta samting bilong gavman na ol bisnis long Bogenvil i bagarap namel long 1989 na 1997, i sut i go bek long taim bipo long Papua Niugini i kisim independens long 1975.

Ol pipel i ting gavman i no wari long sindaun bilong ol, ol i egensim dispela bikpela main long Panguna na ol narapela samting bilong kampani i stap klostu; na ol pipel i laik stap insait long ol toktok long sindaun bilong Bogenvil long bihaintaim.

Long taim Papua Niugini i kisim independens long Spetemba 16, 1975, sampela Bogenvil lida, husat i bin go pas long kamapim Nesanel Konstitusen bilong kantri, i no bin stap insait long amamasim dispela de.

Tupela wik bipo long Independens, ol i tokaut olsem Bogenvil i bruk lusim PNG tasol long 1976 dispela samting i pinis long taim mi olsem Praisim Minista na ol lida bilong Bogenvil i bin pasim tok long givim pawa i go long ol yet long ranim provins bilong ol.

I bin gat sampela samting i kamap na gavman i no mekim wok bilong en long glasim gen na sainim nupela agrimen long Panguna Main. Orait ol dispela belpen i wok long gro i kam inap long 1980.

Tasol bikpela kros i kamap yet namel long ol pipel bilong Bogenvil yet, ol famili yet na ol komyniti i no wanel long planti samting.

Kros pait namel long ol pipel bilong Bogenvil yet na ol narapela lain i bagarapim sindaun.

Long taim ol plisman i no inap long stapim ol trabel, ol i singautim Mobail Skawt long kam insait.

Na long taim ol tu i no inap stapim trabel, gavman i kisim ol Difens Fos i kam insait long helpim ol plisman.

Long dispela taim tu ol lain Bogenvil Revolusen Ami (BRA) i bin kamap - long pait long mekim Bogenvil i kamap wanpela independen kantri.

Long 1990, pait i kamap strong long Bogenvil, Praisim Minista long dispela taim Sir Rabbie Namaliu i rausim olgeta soldia na plisman long Bogenvil.

Dispela i kamapim bikpela pret tru na ol narapela lain bilong gavman tu i lusim Bogenvil.

Em nau bikpela pait i stap namel long ol lain Bogenvil yet.

Tasol i no longtaim ol lain Bogenvil yet na Nesanel Gavman i statim gen wok bilong stapim pait na bringim bel isi na gutpela sindaun.

POLITIKEL RIKONSILIESEN

Wanpela saveman longwanpela bikpela skul long Papua Niugini i tok as bilong dispela tok Rikonsilicen long Latin em i olsem - kam bung gen long kamapim gutpela sindaun na wokbung olsem bipo.

(Dispela hap tok Rikonsiliesen na tok Latin long SIOS i kamap long wanpela hap tok Grik tasol.)

Long Bogenvil, dispela wok bilong bungim ol pipel wantaim Papua Niugini gen, i bin kamap bihain tasol long olgeta gavman opisa i ranawe lusim Bogenvil. Ol pipel long Bukai askim Nesanel Gavman long kam bek.

Mi mas tok klia hia olsem i bin gat sampela i traim bipo na sampela i bin traim gen long pinisim dispela kraisis.

Bikpela samting i bin kamap long 1994-1995 taim Theodore Miriung i go pas long ol lain husat i lusim pasin bilong pait na ol i kam long toktok wantaim Nesanel Gavman. Na nau i gat Bogenvil Trengisenel Gavman i kamap animit long Nesanel Konstitusen.

Narapela bikpela samting i kamap long July 1997 - long taim ol lida bilong Bogenvil i go long Burnham, Nu Silan na pasim tok long kirapim wok bilong stapim pait na bringim belisi i kam bek gen long Bogenvil.

Ol lida i kam long Bogenvil Trengisenel Gavman, ol BRA, Bogenvil Interim Gavman na Bogenvil Resistens

(ol lain i wok wantaim sekyuriti fos).

Ol lida bilong Bogenvil yet i go pa na pasim toktok long Burnham Agrimen.

Nesanel Gavman i no bin stap insait long en.

Wanpela het tok long dispela agrimen em "Unity and Reconciliation."

Ol lida husat i sainim dispela hap tok, "Recognise that the war on Bougainville has divided our people. In order to achieve lasting peace, we must reconcile among our people at all levels of the community."

Bihain long Burnham Agrimen, ol lida bilong Bogenvil i karim wok bilong paitim toktok wantaim Nesanel Gavman. Bihain long tripela mun ol lida bilong Bogenvil i bung wantaim lain bilong Nesanel Gavman gen long Burnham. Na ol i sainim hap toktok ya ol i kolim Burnham Truce.

I kam inap nau i no gat moa pait i kamap long Bogenvil.

Long Novemba - Desemba 1997 wanpela Pis Monitoring Grup (TMG) i kamap long Bogenvil.

Ol i no karim ol samting bilong pait na i gat ol sivilien na ami man na meri i stap insait long dispela grup. Ol i kam long Australia, Nu Silan, Fiji na Vanuatu.

Bihain ol lain Peace Monitoring Group (PMG) i kam kisim ples bilong ol long Me 1998. Ol tu i no karim ol samting bilong pait.

Belisi na gutpela sindaun i kamap gen na PMG i wok long lusim ples isi isi.

Wok bilong PMG em long helpim ol pipel long kirapim gen sindaun long ples. Ol i raun na givimaut toksave.

Ol i toksave olsem ol pipel bilong Bogenvil yet bai i ken kamapim belisi na gutpela sindaun.

Wanpela liklik lain bilong Yuniatet Nesen i sekap long lukim sapos olgeta samting i ran gut.

Ol Plis tu mekim wok bilong lukautim lo na oda.

(Ol tu i bihainim Ceasfre Agrimen na i no karim ol samting bilong pait.)

Dispela pasin bilong bel isi na stapim pait i kamap long Oktoba 1997 i kam inap nau.

Wok bilong strongim belisi na gutpela sindaun i kamap stron bihain long ol lida bilong Bogenvil na Nesanel Gavman i sainim The Lincoln Agreement on Peace, Security and Development on Bougainville long

Januari 1998.

Dispela agrimen wantaim narapela ol i sainim long Arawa long Epril 30, 1998 ol i kolim "A Permanent Peace and Irrevocable Ceasfire" i tok klia long ol rot bilong bihain na kamapim belisi na gutpela sindaun bilong ol.

Tok i go pas long Lincoln Agrimen i promis olsem olgeta yet bai wok long kamapim: "Peace, reconciliation and Working Together for the Common Good."

Bikpela toktok long politikal na ol arapela wok bilong rikonsiliesen i stap long paragraf 8 we aninit long het tok "Reconciliation" dispela ol toktok i stap;

1.... wok bung long promotim rikonsiliesen namel long ol pipel bilong Bogenvil na arapela pipel, ol grup na ogenaisesen insait long Papua Niugini.

2. tok orait long fri na demokretik ielksen long Bogenvil long ilektim Bogenvil Rikonsiliesen Gavman."

Dispela taim ol i makim long kamapim Bogenvil Rikonsiliesen Gavman i go lus nating.

Tasol tude, bihain long planti liklik hevi - i gat Bogenvil Interim Provinsal i kamap na em i wok aninit long Konstitusen bilong Papua Niugini.

Long bringim olgeta lain i kam bung wantaim, em i wok klostu wanataim ol lida na narapela grup na ol lain bilong Bogenvil Pipel'sKongres (ol i laik stap ausait yet na i no laik kam aninit long lo bilong konstitusen).

Gavana bilong Bogenvil, Honarabel John Momis i mekim wok bilong em wantaim ol narapela lida.

Ol narapela memba bilong Nesenel Palamen, em ol tupela wanwok bilong mi hia, Vais Minista bilong mi, Honarabel Michael Laimo, husat i makim Saut Bogenvil, na Memba bilong Sentral Bogenvil, Honarabel Sam Akoitai i wok bung long lukim olsem olgeta samting i ran gut.

Bihaintasol long mi kamap Minista bilong Bogenvil Afeas las yia, mi bin go long Bogenvil na salensim ol lida na pipel long lusim tingting long ol belpen na kros pasin na tokaut stret long wanem samting ol i laik lukim long sindaun bilong Bogenvil long bihaintaim.

Ol i mekim dispela samting long Desemba.

Nesenel Gavman na kombain Bogenvil Delegatesen i wok long toktok long dispela samting na painim rot long developim we olgeta bai i wnbel.

Mi go pas long Nesenel Komiti long Bogenvil na delegatesen bilong Nesenel Gavman long toktok wantaim ol kombain Bogenvil lida, na painim olsem dispela wok i givim bikpela salens tru long mi.

Mi sapotim tru dispela wok bilong kam bung na toktok long painim rot bilong stretim hevi na bringim bel isis na gutpela sindaun gen long Bogenvil.

Gavman i mekim promis long sanap strong na lukim olsem mipela i pinisim olgeta wok.

Olsem na mipela i wok long askim yet ol liklik grup olsem ol hadko sapota bilong Francis Ona, samting olsem 8,000 pipel long hap bilong Panguna, long kan insait long dispela politikal toktok.

Mipela i hop bai ol i no mas bagarapim Bogenvil Peace Proses.

Mipela i laik ol tu i mas kam insait na toktok.

Dispela politikel setelmen em Nesenel Gavman na kombain Bogenvil delegatesen i promis long lukluk long en na wok i gohet yet.

Wok bilong politike rokonsiliesen i wok long gohet tu.

Askim bilong ol Bogenvil lida long kisim ful otonomi na vot long Bogenvil i mas kisim independens, i kamapim planti askim long nesenel Gavman.

Tasol luksave long planti ol narapela samting namel long tupela sait i wok long kamap.

I tru olsem wok bilong stretim nawanbel long planti bilong ol dispela samting i wok long ran isi, tasol ol pipel i mas save olsem wok i gohet yet.

Wok bung namel long ol lida bilong Bogenvil na ol Nesenel Lida i kamap long sampela bikpela agrimen. Long mun Mas ol i pasim tok na sainim Loloata Understanding.

Dispela agrimen i tok....." wok bilong painim belisi na gutpea sindaun i mas kisim sapot na tokorait bilong olgeta lida bilong Bogenvil na long Papua Niugini tu."

Nesenel Gavman i lukim olsem astok bilong Loloata Understanding em long Bogenvil i mas developim em yet na sindaun bilong em wantaim ol narapela provins long Papua Niugini - long we em sampela lida bai i no inap wanbel long en bipo.

Long las raun bilong politikel toktok namel long ol opisal edvaisa bilong tupela delegatesen i bin pinis long 17 Julai.

Toktok bai stat gen long Ogas 28.

Namel long dispela tupela kibung, tupela sait wantaim i bin mekim planti wok. Ol i mas stretim olgeta dispela samting bipo long de bilong makim 25 Aniveseri bilong Independens.

I gat planti ol askim em yumi mas painim ol gutpela bekim long en - namel long ol Bogenvil yet na wantaim ol lain i sindaun toktok. Tasol mi bilip bai klostu wok i ran gut.

OL NARAPELA ROT BILONG RIKONSILIESEN

Long pasin bilong yumi ol Melanesia, long taim bilong sekhan bai ol i brukim spia na givim kaikai. Yumi bihainim kastam long stretim wanem bagarap i kamap - givim pik o sel mani ol ring.

Ol dispela kain pasin bilong sekhan na kamapim gen belisi i wok long kamap.

Klostu olgeta pipel bilong Bogenvil em ol Kristen. (Bikpela namba em ol Katolik na Yunaitet Sios na SDA tu i gat bikpela grup na nau i gat ol liklik lotu tu.)

Pasin kastam i pinisim ol wari bilong ol tu o nogat?

Yumi mas luksave tu long ol narapela rot bilong tok sori na sekan. Ol kain pasin bilong tokaut long rong bilong yu o long askim long fogivim rong, o stretim gen wanem samting ol i bagarapim o askim God long fogivim ol rong.

Tok i go pas long Lincoln Agreeemtn i stat wantaim wanpela prea.....
"long Bikpela i fogivim, i stiaim na blesim (olgeta) wok bung."

I gat ol narapela rot long soim sori na sekhan na yumi mas lukluk tu long ol dispela rot.

Long Lincoln, Nesenel Gavman i toktok long kamapim Pis na Rokonsiliesen Komisn.

Tasol ol narapela i no wanbel.

I gat ol famili long Bogenvil tude husat i laik save wanem samting tru i kamap long famili o pren bilong ol - o ol i laik painim sampela rot long tingim ol dispela lain bilong ol.

Ol i sanapimwanpela memorial mak long Arawa long makim nambawan aniveseri bilong Ceasfire

Agreement (long 1999) long tingim olgeta lain husat i bin dai long Bogenvil.

Tasol em i no inap helpim ol pipel husat i no save wanem hap tru bodi bilong lain bilong ol i slip. Ol pipel, ol lotu. ol lo long planti ples long graun i painim rot bilong sretim ol kain wari olsem bilong ol pipel.

Sampela gavman i kirapim ol Komisn wantaim pawa long givim strongpela toklukaut long ol lain i wok long kamapim trabel yet.

Sampela i lukluk tasol long mekim ol pipel o grup i tokaut long pablik olsem ol i rong.

I no gavman tasol i givim mani long kamapim kain grup olsem.

Sampela em ol Sios o NGO i go pas long kirapim. Dispela askim bilong strongim ol pasin bilong sekan na toksori long Bogenvil em wanpela askim mi laik bringim i kamap gen long bihaintaim.

Mi luksave long wpk em ol lain pipel, komyuniti na NGO i mekim, mi ting olsem sapot na risos em ol ol gavman long olgeta level i mekim bai i kirapim wok bilong askim na kisim bekim long indai bilong ol pipel o wanem ol bagarap i kamap.

Bikpela samting em pas lng wan wan manmeri na i sut long mamalo bilong Papua Niugini na sindaun bilong ol pipel.

LAS TOKTOK

I gat planti rot bilong stapim pait na kamapim belisi na gutpela sindaun.

Olsem mi tok pinis, i mas gat ol narapela samting tu i mas kamap em olsem yumi lukim long ol toktok i stap insait long Lincoln na Ceasfire Agreement.

Dispela salens yumi bungim nau em long lukim olsem sekhan na rikonsiliesen i hap bilong dispela samting.

Rikonsiliesen i helpim long bringim gutpela sindaun gen we wok i ken kirap tu long stretim ol rot na bris na skul na ol samting long helpim ol pipel.

Tasol sapos yumi laik lukim rekonsiliesen i kamap tru, orait ol lain i mas givim bek ol samting bilong pait nau, kirapim gen wok bilong ol Plis, Kot na Korektiv na strongim gutpela sindaun insait long komyuniti.

Givim bek ol gan na kukim ol insait long pablik sere-moni, bai i soim tru as bilong dispela tok Rikonsiliesen.

Ol lida na grup insait long toktok bilong belisi long Bogenvil i mas luksave olsem sapos ol i lusim dispela bungwantaim gavman long painim rot bilong stretim hevi long Bogenvil, bai ol i bagarapim wok bilong rikonsiliesen tu.

Olgeta wok bilong kamapim gutpela sindaun ge long bogenvil olsem long ol narapela hap bilong Papua Niugini, i wok long kamap isi isi.

Mani i kam long Nesenel Baset na yumi i kisim helpim tu long ol ovasis kantri olsem Australia, Yuropian Yunian, Nu Silan na Yunaitet Nesens Developmen Fan long mekim dispela wok.

Bikpela wok nau em long tupela sait wantaim i bung na sapotim olgeta wok i kamap nau long stretim Bogenvil na kirapim belisi wantaim Papua Niugini.

Mi hop ol toktok i kamap long ol rot bilong sekhan, rikonsiliesen na belisi long Bogenvil bai : Kamapim Belisi oltaim long Stretpela Rot.

Tenk yu.

PROMOTIM BEL ISI NA RIKONSILIESEN LONG BOGENVIL

LAI PSTAIL

Balus kamap olsem PMV bilong ol bus ples

YAMES KAY i raitim

Mbin guria tru taim liklik wan-enjin balus mi bin flai long em i go kamap long Negabo ples balus insait long rurel eria tru long hap bilong Karamui, Simbu provins.

Taim blus i pinisim ron bilong en long graun na i laik stop wantu tru sampela man i karim bilum bilong ol na ol kago na ron i go long tok tok wantaim pailot bilong blaus na askim long spes. Sampela i wok long soim ol pepa mani long ai bilong pailot na sampela i redim tasol ol kopi beg bilong ol long sait tasol i stap na hariap long tok tok long pailot.

Ol i tokim pailot olsem ol i laik go long Goroka na sapos i gat spes ol bai kalap.

Kos bilong balus i go long Negabo long wanpela we em K101. Tasol ol dispela lain long hap i no save wari. Ol i save wok kopi na mani i stap olsem samting nating long poket bilong ol.

Dispela kain pasin ol manmeri long rot i save mekim i bin kamap. Tasol dispela taim em i no ka. Em balus ya tasol long ol dispela lain rurel pipel balus em bikpela samting em bikos em i bringim ol i go lukim ausait wol na tu bringim ol sevis i go insait long eria bilong ol.

Nau yet riogat rot i go long Karamui o Negabo. Ol pipel i save yusim balus tasol long go na kam bek long ples bilong ol.

Negabo ples balus i stap long kil o sait bilong Maunten Karamui. Ol i slip long sait bilong maunten na taim balus i laik go pundaun em i mas ron liklik i go antap long maunten na stop long hap.

Dispela em i namba wan taim tru bilong mi long go long dispela kain ples balus na tru tumas pret i kisim mi stret. Mi wok long beten tasol long tingting bilong mi olsem birua i mas noken kamap.

Yu ken lukim ol olsem ol samting nating, tasol ol dispela lain em ol lain bilong hatwok tru long wok na moni em ol i save karim ya.

Mi bin flai long wanpela wan-enjin balus bilong Edventis Eviesin i go long mekim wok long Daribi eria long dispela taim pailot husat i ronim balus em Robert. Dispela pailot em i wanpela kain save man tru bilong ronim ol liklik balus stret. Maski ren o bikpela klaut i pas, bagaros i save suvim

het yet na kisim balus i go long ol ples olsem Karamui, Negabo na tu long Marawaka long sait bilong Isten Hailans.

Long lukluk bilong mi painti ol manmeri ya i save gut ru long nem bilong husat pailot i save kisim na go olsem long ples bilong ol.

Planti i wok long tok olsem, "Pailot, mi wanpela tasol, plis redim wanpela spes tasol."

Mi lukim sampela bilong ol lain ya i holim mani na i go soim long pailot na askim long spes long balus.

Yes, dispela kain pasin i soim tru olsem balus em wanpela kain PMV bilong ol dispela lain pipel husat i save stap longwe tru long taun na siti laip.

Negabo i stap longwe tru insait long Karamui eria bilong Simbu provins. Ol dispela lain pipel i serim boda wantaim ol pipel bilong Galp na Sauten Hailans provins.

Sampela taim ol pipel bilong Daribi na Karamui i save wok-

about samting olsem wanpela wik i go long Baimuru na Kikori na salim pinat bilong ol. Tasol wanpela bikpela samting tu em ol i save yusim balus long karim ol beg pinat bilong ol i go salim long Galp provins.

Nau yet ol balus kampani husat i save givim moa sevis i go long ol dispela lain pipel long rurel eria long hap bilong Karamui na Daribi em Adventis Aviesin, MAF na Trans-Niugini Eawes (TNA).

Ol pipel long ol dispela eria i save kisim moa helpim tru i kam long ol balus kampani long trenspotim ol kago bilong ol na tru karim kopi na ol narapela kaikai i go aut long salim long taun.

Balus i save helpim ol lain pipel ya tu long karim ol bikpela kain kago olsem kapa bilong wokim haus na tu ol timba na ol kago bilong stua.

Taim balus i laik karim ol bikepal kago olsem kapa bilong wokim haus, ol pipel i save go long MAF na pesin mani long hap

long karimaut dispela wok. MAF i save yusim Twin-Ota balus bilong en long mekim dispela wok taim ol wokman i rusim ol sia insait long balus na bai i gat moa spes long putim ol bikpela kago i go insait.

Daribi na Karamui eria i gat nem long kamapim moa gutpela kwaliti kopi insait long Simbu provins. Ol manmeri long ol dispela tupela eria em ol lain bilong wok hat tru na kopi bilong ol i planti moa.

Planti taim ol i save pulumapim kopi beg bilong ol tasol na kamapim samting olsem 30 o 20 beg na go sanap long ples balus na wetim balus long go na karim. Ol i mekim balus i kamap olsem PMV bilong ol stret.

Taim ol i karim ol kopi beg bilong ol i go salim long taun olsem Goroka o Kundiawa, ol i save go na peim fea bilong balus. Sampela hap mani ol i save yusim long baim ol samting olsem klos na ol kaikai bilong stua long karim i go bek gen long ples.

Yes, em i tru olsem ol liklik balus bilong misin olsem MAF na Adventis Aviesin i save mekim bikpela wok tru long helpim ol rurel pipel insait long ?apua Niugini.

STRONGPELA TRU

Colgate

Toothpaste bilong PNG Stret!



Strongpela, waitpela helti tit na gutpela smel long liklik prais tasol - nau em bai givim yu Colgate Strongpela Tru Smael.

HRD SAVI 3362

CASH IN THE CAN

OX & PALM

1000'S
OF KINA
TO BE
WON



When you open your favourite Ox & Palm 340g tin look under the lid to see if you have won.

You can win instant prizes of K50, K100, K250, K500 or K1000 cash.

TO CLAIM YOUR PRIZE
Send in your winning lid plus your name & address to:

Hugo Canning
P O Box 635
Boroko NCD

CONGRATULATIONS YOU HAVE WON
K50 CASH

CONGRATULATIONS YOU HAVE WON
K250 CASH

CONGRATULATIONS YOU HAVE WON
K100 CASH

CONGRATULATIONS YOU HAVE WON
K500 CASH

CONGRATULATIONS YOU HAVE WON
K1000 CASH

KANAGE



John Dee Wavnada Bogia

Kanage bilong Simbu na em save wok olsem wanpela foremen bilong boila long Pukpuk fam long 8 Mail. Wanpela taim em wok i stap na tingting ples i kisim em. Em tingim tambu bilong em, em wokabaut i go long haus na tokim meri bilong em. "Mi go long opis, mi laik ringim tambu bilong mi long

ples." Taim em i go long opis liklik bebi bilong em i kra! Kanage kisim liklik bebi wantaim na go long opis. Taim Kanage i go sanap long ai bilong waitman, waitman ya i lukluk strong long Kanage na askim em yu gat wari. Kanage tokim bos inap mi ring, waitman ya tokim em telipon i stap. Kanage wantaim bebi bilong em i stat long ring. Taim Kanage ring i go na tambu bilong em bilong em toktok wantaim em tupela mekim save toktok i go, kam amamas nogut tru tokples pinis nating em holim bebi bilong em long rait han bilong em, taim tupela toktok yet bebi bilong Kanage sem taim pepek i kam daun. Kanage lukim olsem taim telipon i stap yet long mas bilong Kanage em kirap na tokim bebi bilong em, yu stupit. Taim tambu bilong em harim olsem, em mas ting olsem tambu Kanage i mas krosim em ya. Em lusim telipon na go long haus na tingting mi toktok gut wantaim Kanage, mi no pinisim gut toktok yet na em tok stupit long mi. Kanage tu em wari nogut tru na lusim opis na wokabaut i go lusim bebi long haus.

Samuel Malasan Aloyse Lae

Kanage em bilong Ramba rot long Mt Hagen. Wanpela taim em wantaim poro bilong em pikim kopi na kisim mani na stap long ples. Long wanpela foitnait wik Fraide, wanpela skul tisa i kisim pas mani na laik go pilai kas wantaim Kanage na poro bilong em. Taim bilong pilai poro bilong em wantaim tisa i pilai kas na Kanage i stap boskru long poro. Pinis long pilai tisa i lusim olgeta pas mani bilong em. Taim tisa laik go em askim K2.00 tasol long poro bilong Kanage long baim bas bilong em long go long haus. Em askim faiv pela taim na poro bilong Kanage i no givim na tisa i tok, "Anyway forget it," na em kirap na go. Poro paul na tingting planti i go na askim Kanage. Kanage kirap na tokim poro olsem yu wanpela pik long ples. Tisa krosim yu nogut long tok Inglis na yu no laik bekim sem toktok long em. Poro i belhat na siksti i go na tokim tisa olsem, "Anyway forget it." Na tisa i lap na tekov.

Michael Pato Wimp Mt Hagen

Kanage em wanpela boi Kandrian. Wanpela taim em i kisim Airlink balus i kam pundaun long Hoskins eapot. Orait em i kisim bas rout 3 na tekov i go long Kimbe. Trangu em pes taim tu ya

long lukim taun olsem na em i go insait long haus kaikai i stap. Na yu save plawa pis i swit na Kanage i les long wokim hap i pundaun olsem na baga i kaikai i go na Kanage i laik kisim dring long dring. Na han bilong em i wokim na traipela hap pis plawa i pundaun na baga i lukluk long ol meri save wok long haus kaikai, nau isi isi tru han bilong baga i go daun long kisim hap pis i pundaun na ol meri i wok long haus kaikai i singaut. "Papa just leave it alone." Na baga i tok ples na em tok olsem. "Tavom wa na ngo." Na meri ya i tok Inglis na askim paps, "Can you repeating you question again.?" Na baga i kros nogut tru na em i kaikai tit bilong em na em i tokim meri ya long bruk Inglis na em i tok, "Hey! Hey! susa you know-that I am coming with leaves of Malas. Na meri ya i tok. "Your face looks like Malas." Na Kanage i kisim hi-filings na em i tokim ol manmeri insait long haus kaikai olsem. "Meri i mas dai pinis long mi ya," na em i smail na tekov.

Paul Kumbo Kandrian

Kanage i nogat wok na i go bek long ples na meri bilong em i stap wok long taun wantaim bikpela susa bilong Kanage long Papindo stua long Lae. Tripela wik olgeta na Kanage i no kaikai lam flaps na kakaruk. Em i kaikai taro na kaukau i go na em i les pinis. Na em i raitim wanpela pas i kam long meri bilong em na tok olsem darning yu kisim potnait pe na kaikai lam flaps na kakaruk plis lewa noken lusim tingting long mi. Mit bilong em yu kaikai na bun tasol em putim long wanpela pas na salim i kam na mi i smelim tasol na tromoi i go. Na Kanage i tingim tasol na i stap long het bilong em. Em orait lewa ples em mi bosim sapos yu kam bai mi bekim dinau na mi kaikai olgeta mit bilong yu na bun bilong yu bai yu karamapim long laplap na karim i go bek long wok bilong yu.

Anauya Jembok Lae

Kanage em bilong Vanimo. Em man bilong spak, yupela save Kanage em man bilong biksot long olgeta kona taim em kam long haus em kam isi olsem em i no save dring. Tasol samting tru em kilim skin pinis na kam long haus. Wanpela taim meri bilong em krosim em na tokim em Kanage yu inap long spak o dring mi les long stap wantaim man save spak planti. Wanpela taim na gutpela apinun Kanage lusim haus isi tasol na go kisim 6-pela botol na dring i stap na em i no save olsem Misis Kanage kam spai long em na tanim go bek long haus. Kanage pinis dringim 6-pela botol na em ekting wokabaut isi na kam long haus na Misis Kanage askim, yu stap we na kam? Na Kanage tok mi go raun long rot na kam. Na Misis Kanage tokim em olsem, husat sindaun baksait krungut olsem sikau bilong maunten long as bilong diwai long nambis. Na Kanage tok nogat. Tasol meri

strong tupela taitim toktok i go i kam na tupela meri bilong em kros. Nau tupela pinis kros na tupela slip, long nait Kanage em hot na em lusim trausis na em slip ok. Long nait yet Misis Kanage em slip na em i laik tanim long slip dispela taim o dispela nait tu em gutpela mun na lait kam insait long windo na Misis Kanage em lukluk i go na em lukim tupela siilin-sot bilong Kanage em lait na Misis Kanage em ting wanem samting na em holim na pulim, man mi tokim yupela Kanage em kisim taim stret. Na Misis Kanage tokim paps Kanage olsem yu kisim em bia yu save dring i mas pasim nek bilong yu a? Na paps Kanage em kisim taim na em slip isi i stap.

Bonien Meiya Vanimo

Wanpela taim Kanage bilong Wau i go raun long Finsafen long lukim ol papamama bilong em long ples Morukuo. Em kalap long sip MV Giamsao na i go taim em i go kamap long Buki we em kalap long wanpela PMV ka ol kolim Kata Express. Em sindaun long ka na tekov i kam long Gagidu taun long Finsafen so em i go daun na tokim draiva inap mi wan luk tasol long ol stua nambaut pastaim yumi i go na draiva tok yes. Olsem na em wan luk tasol pinis na ol kukim kostol haiwe rot bilong Fins i go na lusim na kisim Fins Pindiu rot nau taim ol i go kam long ples Moruruo nau ka stop na em i go daun na i go daun long haus. Taim em i go yet ol famili lukim em na ol singaut na amamas long em i no isi. Em tu amamas long ol tu pinis nau em i go long stua bilong tumbuna bilong em long baim suga long bai bolim ti na dring. Taim em dropim K50 not long kaunta na lapun stat long givim bek senis bilong em yu save lapun pinis olgeta mani pinis long Kanage na em i tok Kote stret Kanage olsem, Abu Nane go Mankic Gole wansiling alitac tomoko go wansiling kosmec. Sem taim pikinini bilong lapun harim na em i kam na em lukim olsem olgeta mani not na koins pinis man em i no isi long krosim lapun na Kanage bekim bek olgeta mani bek na kisim rait senis bilong em na mani bek na kisim rait senis bilong em na tekov long haus.

Lamu M. Mike Finsafen

Kanage bilong Buang na i save wok long haus masta. Wanpela taim ol yangpela meri long strit laik pilai tas ragbi tasol nogat bal olsem na ol askim Kanage long ekskius long bal bilong manki masta pastaim. Kanage tok orait na wanpela yangpela meri tok olsem; laikim yu! Na sapos manki masta tok yes long yusim bal orait, laikm em tu. Kanage bai filing stret na singaut i go long manki masta long paul Inglis olsem, masta, or disra brek netip dotas i tok olsem, de orendi rav mi. Olsem na giv dem yo bik wait bor rong ol bai pilai ragabi tas na bai ol i ravim yu tu. Taim ol meri harim tok pisin bilong Kanage olgeta lus wanwan

long haus. Yu save manki ari ya, tung gut.

Robsy P. Singen Lae

Kanage kisim foitnait pe na spak long ples bilong wok. I go inap 9.30 long nait. Na em tekov long haus. Mama tokim bikpela pikinini meri long was long ol liklik na slip long rum. Mama tekov na pilai kat long neks haus. Taim Kanage i kam. Ai i pas pinis. Na em tingim Misis bilong em pinis. Papa i go insait long haus na go stret long rum. Em ling olsem mama i slip wantaim ol liklik manki. Papa holim pikinini meri na i stat long kis long em. Kanage kirap nogut long harim olsem pikinini meri i singaut olsem papa em mi ya. Kanage harim nek bilong pikinini meri na i bikmaus stret. Spes bilong mama, em spes bilong mama. Maski long senis senis. Mama harim olsem Kanage kros i stap long haus. Hariap tru em tekov long haus na giamanim Kanage olsem. Mi go long toilet na kam. Papa harim kon bilong meri na i ting i tru.

Goi Morgan Lae

Long yia i go pinis i gat wanpela oil Kampani i bin bes long Hauna viles antap long Sepik wara. Wanpela de kuk boi bilong bos bilong kampani i bin raitim wanpela pas long pikinini meri bilong Kanage. Kanage i bin belhat stret na em i no ritim na pinisim pas ya nogat. Em ritim tasol antap bilong pas ya i tok olsem: Dia papa Kanage, it's my laik your pikinini meri. Kanage i go long oil Kampani na ripotim kuk boi olsem. Masta, sam toks tu yu. Wait man tok yes, go ahead Masta, kuk boi rait a pas tu mai pikinini meri. Masta, yu holim his het and bam bam het. I break his tit and he daunim my tit. Masta i askim: When was that? Na paps Kanage i bekim, What about on Friday? Masta i tok. Oh you stupid! Na paps Kanage i bekim. No masta, mi no bilong Sepik. Masta i tok, then you are a liar, na Kanage tok yes masta mi bilong Lae stret. Masta askim: I beg your pardon? Na paps Kanage i tok. Ha-ha-ha yes masta tenkyu Sir. Na em i go long haus bilong em. Waitman i paul pinis i sindaun ai op na dua i pas long pes bilong em.

Seba Wulung Ambunti

Junia Kanage pilai antap long ruf bilong haus na ruf wel na i pundaun kam daun. Sem taim paps Kanage siip long bet na ritim stori bilong Sir Pita Lus. Aninit long bet ya kakaruk meri i putim kiau i stap. Taim junia pundaun antap long paps, em kabubu strong tru na dispela i mekim kakaruk meri brukim kiau na em ron i go wel olgeta.

Mama bilong liklik junia ya kros na em tokim dedi long blokim rot nek taim.

Mathew Dedebou Holey Banz

• I go moa long pes 26

CATCH THE ACTION!

SP CUP

OUR GAME

P.N.G.R.F.L.

KANAGE



• I kam long pes 25

Kanage em wok long Tabubil wantaim maining kompani. Wanpela Sarere em harim olsem i gat disko long taun na em bom stret na go danis.

Em dring na danis i go i go klostu olgeta musik i pinis. Las musik ol pilaim Dolly Parton singsing ya "When you think about love think about me," dispela singsing i mekim na em kisim hat atek na pundaun i dai i stap long floa.

Ambulens kisim Kanage i go long haus sik long Ningerum na taim meri bilong em sanap klostu long bikman ya em isi tasol opim ai na kra i olsem sap nil i sutim em. Isi tasol tokim meri na tok "When I think of you I think of love."

Mathew Dedebo Holey a Banz

Kanage em bilong Magitu eria long Bena insait long EHP. Em save wok olsem tisa na go wok long Bituri insait long Westen provins. Wanpela wiken em sindaun arere long wanpela mango na ritim stori bilong Wantok Toro i stap.

I no long taim na narapela tisa man karim radio i kam na pilaim musik. Nokondi Nama bilong Goroka i singim dispela singsing "Kol ples Goroka ples bilong amamas" na sem taim tambu meri bilong wan wok tisa ya kamaut.

Kanage salim tingting i go long Goroka stret na hariap kalap na holim pasim yangpela meri Bituri na tok "You are cold place Goroka na em kra i nogut stret. Ol lain Bituri i ting olsem em mas kastom bilong ol Apo ya tasol nogat Kanage putim laik pinis long meri Westen ya.

Mathew Dedebo Holey a Banz

Kanage em wanpela manki Komo bilong Nipa distrik long Sauten Hailiens provin.

Em save wok wantaim wanpela waitman bilong Australia olsem haus boi. Wanpela taim waitman ya givim mani long Kanage na tokim em long go baim so bilong katim diwai.

Taim em wokabout long rot em tok so, so, so yet i go na wanpela olupela drag mate i bungim em na tok "Kanage yu so op ya" na wantu tasol dispela nem so op i kam long maus bilong Kanage.

Em tok so op i go kamap long stoa na baim sop i kam bek long haus. Tasol waitman ya i belhat nogut tru na bikmaus olsem "You black dog, I never say soap I told you to buy saw for cutting the trees. Kanage kirap nogut taim waitman soim em nau long em bai tok so "I go i kam, i go i kam" so Kanage tok "i go i kam, i kam i go olsem long rot na em go kamap long stua.

Stua kipa i harim na lap i dai taim Kanage tok mi laik baim "i go i kam, i go i kam." Stua kipa tok dispela samting i no go i kam tasol em so. Kanage sem na tok mi no laik skul gut na kisim toktok bilong mama Monika long stendet 3.

Mathew Dedebo Holey a Banz

Lapun Kanage kaikai sting kapis wantaim kru sago lip na em traut long nait i go painim moning. Neks de em wokabout olsem wanpela dok nogat teil long en.

Em i go sindaun long fom bilong ol sik manmeri long Kapiago haus

sik nau wanpela nes i kam klostu long em i laik askim em long wanem sik em kisim.

Tasol baga lapun lukim nes na lek wantaim han i guria na tingting bilong em i paul na em tok "pikinini mi kaikai kapis wantaim sako na pekpek long nait i go moning.

Em laik tok mi traut na em popaia. Planti sik manmeri i lap krangi stret olsem meme kaikai gras.

Mathew Dedebo Holey a Banz

Kanage wantaim ol gret 5 sumatin long Mabuanda Komyuniti Skul insait long Kagua, SHP staitim skul long Janueri 31, 2000. Het tisa klas tisa bilong Kanage ol

i tok "okay first of all we shall introduce ourselves in class.

Taim Kanage harim dispela em amamas na apim han na tok tisa mi. Okay let's have Kanage first.

My name is Mabuanda I come from Kanage village na ol pikinini lap na kolim em back to front.

Mathew Dedebo Holey a Banz

Taim bilong Seken Wol Woa na lapun Kanage stap long ples Magac long Finsafen. Klostu taim bilong woa balus i kam na ol famili na manmeri long ples Magac redi long go hait long bus.

Pekpek kilim Kanage na em sut stret long bus. Em i no pinisim pekpek yet na woa balus bilong Japan i kam. Ol femilii i ronawe go hait klostu long bus.

Bikpela nois bilong woa balus mekim lapun Kanage skin guria na han tasol i go beksait, ges paia

long lip diwai and rapim o klinim as bilong em. Samting tru i no lip diwai em traipela lip bilong wel salat.

Taim lapun Kanage ron long sevim laip bilong femilii. Woa balus bilong Japan flai daunblo tru makim het bilong diwai na kokonas i kam, sem taim wel lip bilong salat mekim save long as bilong lapun Kanage.

Lapun rausim giaman laplap bilong em na mekim save long sigirapim as. Taim woa balus i makim stret na kam lapun Kanage sigirapim as na raunim as bilong diwai taim wel balus i kam i go bek, lapun Kanage sigirapim as na raunim as bilong diwai gen.

Ol lain bilong Kanage lukim lapun Kanage wok long sigirapim as bilong em na raunim as bilong diwai. Taim woa balus i go bek long kem bilong ol Japan, ol lain bilong lapun Kanage kamaut long

ples hait na i no isi isi long krosim lapun Kanage.

Tasol lapun strongim sait bilong em na tok - A-a-a- Yupela maski. Yupela tu i no save long wanpela samting. Yupela save long trikim pailot na abrusim bulet bilong masin gan tu Oh-o.

Long ai bilong yupela stret mi trikim pailot na abrusim laip bulet bilong masin gan i go na pailot mekim i go nogat na em go pinis.

Tasol samting tru tru traipela lip bilong wel salat i mekim save long as bilong lapun Kanage na em wok long sikirapim as bilong em na raunim as bilong diwai.

Long apinun lapun Kanage kisim sik malaria long wanem as bilong em solap olsem ilkluk buk i kamap long as bilong lapun Kanage.

John Yau Lae



NATIONAL CULTURAL COMMISSION

PUBLIC NOTICE

The following Registered Cultural Groups with the National Cultural Commission are advised that there will be an urgent meeting for group leaders at the National Cultural Commission Headquarters, Dafong Place, Gordons Industrial Area on Thursday 7th September, 2000. Time for the meeting will be 9:00 a.m.


You are all urged to attend this very important meeting.

1. Anditale Cultural Group - Enga Province
2. Huli Duna Cultural Group - Southern Highlands Province
3. Duna Cultural Group - Southern Highlands province
4. Asaro Mudmen - Eastern Highlands Province
5. Simbu Women's Cultural Group - Simbu Province
6. Tagirgir Cultural Group - East New Britain Province
7. Na Tidir Cultural Group - East New Britain Province
8. Paluai Suksuk Cultural Group - Manus Province
9. North Solomons Youth Bamboo Band - North Solomons Province
10. Nukumanu Cultural Group - North Solomons Province
11. Baniara Cultural Group - Milne Bay Province
12. West Fergusson Cultural Group - Milne Bay Province
13. Tufi Korafe Cultural Group - Oro Province
14. Sibisibi Cultural Group - Oro Province
15. Mirikuro Cultural Group - Central Province
16. Koiari Cultural Group - Central Province
17. Owale Mayata Cultural Group - Western Province
18. Mahi Cultural Group - Morobe Province
19. Chambri Cultural Group - East Sepik Province
20. Poremotu Cultural Group - Central Province
21. Kirakira Koita Cultural Group - National Capital District
22. Palamau Cultural Group - Central Province
23. Porebada Cultural Group - Central Province
24. Tazinos String Band - National Capital District
25. Senekori Cultural Group - National Capital District
26. Vanea String Band - Central Province
27. Dorom Kokila Cultural Group - Central Province
28. Suliki Gogodala Cultural Group - Western Province
29. Taudun Cultural Group - Eastern New Britain Province
30. Ramu Cultural Group - Madang Province
31. North West Women's Group - National Capital District
32. Baramundi Dancing Group - Western Province
33. Saroakeina Cultural Group - Western Highlands Province
34. Maha'apu Cultural Group - Central Province
35. Maretukamaha Cultural Group - Central Province
36. Inehi Cultural Group - Central Province
37. Vovoi Cultural Group - Central Province
38. Pukari Cultural Group - Gulf Province
39. Morioe and Ovoro Cultural Group - Gulf Province
40. Paia Kanges Cultural Group - Western Highlands Province
41. Golu Cultural Group - Central Province
42. New Ireland Cultural Group - New Ireland Province
43. Mekeo Cultural Group - Central Province

Please contact Messrs Vagi Onnevagi and John Uani for further information.

Authorised By:

DR. JACOB L. SIMET
EXECUTIVE DIRECTOR



BIPO bipo tru long ples Walume Imbongu distrik insait long Sauten Hailans provins wanpela man i stap. Em i save go kilim wel pik olgeta taim long hap bus ol i kolim Kaweyapo. Long dispela bus i gat planti wel pik i stap.


Wanpela taim em i laik go painim wel pik na i go. Long namel bilong rot em i lukim wanpela pren bilong em.

Na em i tok mitupela wantaim i go. Na taim tupela i go kamap long bus pinis tupela i wokim wanpela liklik haus bilong slip.

Pren bilong man ya em i go painim paiawut. Na em i lukim wanpela traipela wel pik i dai i stap. Dispela pik em bilong wanpela snek ol i kolim snek Hewe. Em i bin kilim na em i laik daunim tasol pik ya i pas long nek na em i lusim i stap. Na em i go kisim sampela wara na i laik daunim wantaim pik.

Man ya em i no save olsem pik ya em bilong snek Hewe. Em i kisim na i karim go long haus.

Tupela man kilim masalah snek



Bikos dispela kain pik em ol man bai i no inap kilim. Olsem na man ya em i askim pren bilong en, tru yu kilim o nogat. Na pren ya i tok tru mi kilim na man ya em i askim gen, olsem tru yu kilim a. Na pren i tok mi kilim. Olsem na tupela i kukim ston na mumuim i stap. Na man em i save na kukim wanpela traipela ston arere long paia. Long nait tupela i

rausim mumu bilong tupela na kaikai. Na pren bilong en i slip pinis. Tasol man ya em i stap yet na i wok long kukim dispela ston i stap. Na em i harim wanpela samting i pairap na em lukim dispela snek.

Antap maus i kam antap pinis long dua na daunbilo maus i kam pinis long ples we ston na supim insait long

maus bilong em.

Snek i daunim hot ston na i tanim tanim i go insait long bus na i go dai long wanpela wara ol i kolim wara Hewe. Na tupela man i seiv na tupela i kam bek long Walume Kembo na nau raun wara i stap yet long bus Kaweyapo.

Rosella Kaima
Walume Imbongu, SHP



Nem: Nero Sanu

Adres: Dregerhafen High School, P O Box, 126, Finschhafen, Morobe province

Krismas: 16 (man)

Save laikim: Pilai soka, harim PNG lokol musik na stap long haus.

Nem: Ronald Ilukim

Krismas: 17 (man)

Adres: C/- Michael Norman, P O Box 183, Tabubil, Western Province

Save laikim: Raitim pas, harim musik, stori wantaim ol pren, pilai soka, ragbi na raun long Morobe na Madang province.

Nem: Richard Ilukim

Krismas: 13 (man)

Adres: C/- Michael Norman, P O Box 183, Tabubil, Western Province

Save laikim: Harim musik, pilai soka, tok pilai, go waswas, lukim TV na save laik long harim tumbuna stori.

Nem: Gabby Gali

Krismas: 21 (man)

Adres: Konimdo Village, P O Box 5, Kabwum, Lae, MP

Save laikim: Go lotu, pilai soka, harim gospel musik, wokim pren.

Nem: Lenia Goak

Krismas: 16 (meri)

Adres: Amele Primary School, P O Box 730, Madang

Save laikim: musik, pilai spot, kuk, raun wantaim ol pren, kisim poto, mekim pren wantaim ol yangpela bilong narapela provins o kantri

Nem: Delain Goak

Krismas: 12 (meri)

Adres: Amele Primary School, P O Box 730, Madang

Save laikim: Harim musik, singsing, pilai, ridim buks, skul, kukim kaikai bilong papamama na ol susabrata.

Nem: Keteng Steliah

Krismas: 18 (meri)

Adres: Josephstaal Catholic Mission, P O Box 750, Middle Ramu, Madang province

Save laikim: Harim PNG musik, go long danis, mekim pen pren long narapela kantri o provins na senisim ol presen.

Nem: David Chidigo K Sam

Adres: Box 188, Cape Coast, Ghana, WA.

Krismas: 16 (man)

Save laikim: Senisim piksa na rait i go long pen-pren

Nem: Isaac Labonzi Ojo

Adres: P O Box 188, Cape Coast, Ghana, WA

Krismas: 17 (man)

Save laikim: Rit na senisim piksa.

Nem: John K Sam

Adres: P O Box 188, Cape Coast, Ghana, WA

Krismas: 16 (man)

Save laikim: Pilai futbol na senisim piksa.

Nem: Kisslove Prescott Adams

Krismas: 26 (meri)

Adres: P O Box A179, Cape Coast, Ghana, WA

Save laikim: Raun, mekim penpren na marit bihain, senisim piksa na mani bilong ol narapela kantri.

Nem: Feeling Baaba Mosess

Krismas: 24 (meri)

Adres: P O Box A179, Cape Coast, Ghana, WA

Save laikim: Wokim pren, Wokim ol stail klos, singsing na senisim ol piksa.

Nem: George Mangung

Krismas: 20 (man)

Adres: P O Box 205, Cape Coast, Ghana, WA

Save laikim: Futbol na kuk

Nem: Rita Osei Akoto

Krismas: 19

Adres: P O Box 205, Cape Coast, Ghana, WA

Save laikim: Kuk, danis na senisim ol poto.

Nem: Remae S. Anaro

Krismas: 19 (man)

Adres: Mobil Oil Aviation Nadzab, PO Box 1762, Lae, MP

Save laikim: Go long skul, pilai soka, volleyball, harim gospel musik, tok pilai, raitim pas.



Dia LAIPPLAIN,

FIFTINPELA yia i go pinis mi bin maritim wanpela man bilong narapela provins. Mitupela i no marit long kastom tasol mitupela bin stap pren tasol na mitupela bin gat wanpela pikinini.

Bihain long 4-pela krismas man i lusim mi na maritim narapela meri. Dispela meri wantaim tupela bin kamapim narapela pikinini. Bihain gen em lusim dispela meri na i go maritim narapela meri wantok bilong em yet na kamapim narapela pikinini gen.

Faipela yia bihain long ol dispela samting, em i rait i kam long mi na tok em laik kam bek long mi. Mi bin sori long pikinini bilong mitupela na mi no maritim narapela man gen.

Bihain liklik mipela bung gen na stap olsem marit, dispela taim em wok long komplem planti na paitim mitupela pikinini tumas. Wanpela taim em i go na paul gen wantaim narapela meri na mi tu i ronawe na go maritim wanpela wantok bilong mi yet husat i save mekim gutpela pasin long mi.

Dispela i mekim na olupela man bilong mi i belhat nogut tru. Em i go na maritim narapela meri gen. Nau olgeta taim em wok long ringim mi, ol papamama na pikinini na tok em laik kam bek.

Mi mas go bek long em gen o mi mas stap wantaim dispela wantok man mi maritim.

CONFUSED

Dia PREN,

Nambwan em mipela i no save tokim ol

Mi paul olgeta long wanem man long maritim

manmeri wanem samting ol i mas mekim long laip bilong ol. Mipela save traim na givim tingting long yu bai yu inap skelim gut wanem kain tingting yu gat long dispela hevi bilong yu. Ol tingting mipela givim yu bai i ken helpim yu long kamap wantaim wanpela gutpela tingting long helpim yu.

Wanpela bikpela samting yu wantaim man bilong yu i gat i soim olsem yutupela wantaim i no save long mining bilong marit. Yutupela i ting olsem taim tupela manmeri i stap wantaim na kamapim pikinini i min yutupela i marit.

Tasol marit i bikpela samting moa long dispela tingting yutupela i gat. Marit em i wanpela samting we tupela i sindaun wantaim na mekim olgeta samting wantaim. Yutupela bai toktok long sanap wantaim long olgeta kainkain hevi i kamap long laip bilong yutupela. Yutupela mas promis olsem yutupela bai stap wantaim i go inap long taim wanpela bilong yutupela i dai na lusim dispela graun.

Sapos tupela marit i no mekim dispela kain promis na ol narapela manmeri i no save, dispela marit bilong tupela bai i no inap stap gut. Planti belhevi na kros bai kamap na dispela inap brukim marit.

Yu tok olsem dispela man bilong yu i marit planti taim. I luk olsem dispela man bilong yu i no marit truru wantaim wanpela bilong yutupela ol dispela meri. Em i bin maritim yutupela planti na kamap papa bilong olgeta pikinini yutupela i gat. I luk olsem dispela man bilong yu i no save tru long mining bilong marit. Tingting bilong em i sot na em i wok long ting olsem yutupela ol meri i sampela samting bilong yusim na lusim gen.

Yutupela bin stap wantaim gen tasol em i stat long paitim yu. Dispela i soim olsem em i no wari o tingting tumas long yu. Tingting bilong em i strong long yusim yu long sampela taim pastaim.

Yu i askim sapos yu inap go bek gen long dispela man. Bilong wanem na yu

laik mekim dispela? Yu laikim mekim olsem bikos em save kolim yu olgeta taim long telepon? Yu ting sapos yu go bek long em bai yu amamas long laip bilong yu? Sapos yu go bek, yu ting em bai paitim yu olsem em save paitim yu bipo?

Long narapela sait, dispela wantok man bilong yu i olsem wanem? Yu marit truru wantaim em o yutupela i slip na stap raun wantaim tasol? Yu amamas long stap wantaim em? Yutupela i bin mekim sampela promis long narapela arapela pinis o? Yu ting olsem dispela man wantok wantaim yu bai i stap gut sapos yutupela i stap wantaim?

Dispela ol askim em yu inap long askim yu yet. Ol papamama o sampela ol wantok insait long famili bilong yu inap givim sampela gutpela tingting sapos yu toktok wantaim ol. Sapos yu stap memba bilong wanpela sios felosip, mipela laik tokim yu olsem yu lukim pasto o pater bilong yu na askim ol long givim yu sampela tingting long sait bilong marit bai ol i ken givim tingting long yu long wanem kain ol wok na samting wanwan patna insait long marit inap mekim long kamapim wanpela strongpela marit namel long yutupela.

Taim yu tingting long ol dispela ol askim na narapela ol wankain askim, yu inap kisim sampela gutpela tingting na kamap wantaim gutpela plen we inap helpim yu.

LAIPPLAIN.

Sapos yu gat hevi, rait i kam long:

LAIPPLAIN, P O Box 6047, Boroko o telepon long 326 0011. Plis putim nem na adres bilong yu. Mipela no inap salim bekim mipela i no save long yu. Mipela save toktok long ol hevi tru save kamap tasol mipela no inap yusim nem na adres tru bilong yu.

Ol Hailans bagarapim nesenel palamen

Dia Edita,

Mi bin lukim ol Hailans wokim dispela pasin bilong i go kam na hangamap nating nating long Waigani Nesenel Palamen haus na tu long get bilong palamen haus i go wes olgeta nau. Planti taim na long olgeta de em ol Hailans wok long i go kam long nesenel palamen olsem wangepa maket ples o supa maket stua. Man olgeta wan wan de mi lukim ol wantok bilong mi ol sanap ausait long palamen haus o long palamen geit wantaim ol deti brip kes, deti envelop na ol folda na pepa nambaut. Mi sem na tingting planti. Ol laik rausim ol memba na laik kisim sia bilong ol o olsem wanem.

Haus palamen em bilong ol memba bilong olgeta hap long Papua Niugini. I no palamen bilong ol Hailans memba tasol. Plis sampela yupela mekim pasin olsem ol animel na bagarapim nem bilong sampela bilong mipela ol gutpela man. Man karim yumi ya yumi i gat tingting. Yumi no save kaikai pekpek o slip ausait long nait. Olsem na plis noken go kam o hangamap nating nating long Waigani palamen haus na palamen geit. Yumi mekim ol Hailans memba i luk longlong na yumi yet luk longlong tu. Nau tupela nambis man i stap Praim Minista na Deputi Praim Minista tasol ol nambis i no pulap long palamen haus.

**Robert Mek
Waigani
NCD**

Obura rot i bagarap

Dia Edita,

Mi laik toktok liklik long Obura rot, olsem dispela rot stat long Norikori rot bung i go olgeta long Obura i bagarap olgeta. Taim mipela ol Obura i laik go long taun Kainantu long Monde. Neks de long Tunde mipela i save kamap long taun. Em olsem dispela em hevi bilong husat?

1. Depatmen bilong Woks na Saplai o. 2. MP bilong Obura Woninara, sapos em hevi bilong MP, em i mas lukluk nau long ol kain hevi bilong iektoret bilong em. Obura em gavman stesin bilong yu dispela MP yu karim dispela nem i go long Palamen haus long NCD so mekim gut long dispela rot i go long dispela stesin bilong yu.

Now it's time to look forward to your own electorate. Please where ever you are, you must try to help your people and your Obura government station it's run down already so put your effort in.

Mi bai lukluk tasol long sapot o egensim mi. Em tasol liklik wari bilong mit.

**Jonnie Taima
Obura**

Maski long kamapim lo bilong pasin pamuk

Dia Edita,

PLIS givm hap spes long mi na bai mi autim tingting bilong mi tu.

Long Wantok niuspepa bilong Julai 27, 2000 i bin i gat planti toktok bilong pasin pamuk long PNG we Gavana bilong Morobe Luther Wenge i laik kamapim.

Mipela olgeta manmeri bilong PNG i tok kantri bilong mipela em i kristen kantri. Olgeta bikmanmeri bilong palamen i bin toktok planti long taim bilong kempen, olsem ol i laik kamap kristen lida bilong kantri, na ol i laik mekim gut wok bilong helpim ol pipel bilong PNG. Em i tru, yes em i tru tumas long olgeta memba i laik ranim gut kristen kantri. Em i promis bilong ol.

Tasol inap long nau hamas memba i tok mipela i kristen? Wangepa tasol em, Fr. Luis Ambane Gavana bilong Simbu.

Na ol narapela 108 memba i go aninit long tok bilong Luther Wenge tasol. I luk olsem ol dispela memba em Luther Wenge i go pas long ol i mekim, bikpela giaman promis long God, na pipel bilong kantri PNG.

Mi laik askim Wenge olsem, sik aids i

stap long olgeta hap long graun o wol. Na Mista Wenge inap tokim mipela pipel bilong PNG long wanem ol kantri i kamapim haus pamuk long stopim sik aids? Na sik aids i kamap long wanem samting tru?

Sapos sik i kamap long pasin pamuk bilong wanem bai yupela i strongim gen?

Husat i laik sapotim Wenge long kamap lo bilong pamuk i mas putim ia long hia na harim gut, wanem kain bagarap bai kamap bihain long dispela.

Sampela bilong ol em hia:

- Sapos yupela i kamapim lo bilong pamuk, hamas man long ausait kantri bai kam wokim pamuk bisnis, olsem ol meri Sepik i tok pinis?

- Na sapos yupela i bungim ol meri long bisnis haus insait long siti o taun, yu ting hamas moa yangpela meri, na marit meri bai lusim famili na ples bilong ol na kam pulap long bisnis haus?

- Hamas man bai lusim famili bilong ol na i kam long taun?

- Husat tru bai stap long ples na kamapim wok developmen long ruel eria?

Sapos ol i save olsem i gat ples bilong wokim pasin nogut na kisim isi mani.

- Bilong wanem as na God antap tru bipo i bin bagarapim taun Sodom na Gomora na killim ol manmeri long dispela hap?

- Mi ken tokim yupela stret, taim yupela i kamapim lo bilong pasin pamuk na bungim ol meri long haus pamuk i stap bai wanem samting i kamiap?

Ating dispela ol meri husat i stap insait long bisnis haus bai i dai na sting nambaut long rot.

Planti man yet sikirap long wokim dispela pasin taim i nogat lo. Sapos gavman i laik wokim haus antap long skai bai i orait tasol long graun em bai hat tru.

Mobeta olgeta i mas sapotim Fr Ambane na lus tingting long dispela rabis samting. Nogut i bagarapim kantri na pipel.

Em tasol, husat i laik sapot o egensim. Em orait tasol.

**Peter Bai
Kundiawa, Simbu**

Ol lapun helt woka mekim gut wok

Dia Edita,

Mi wangepa mangi egensim brata ya, Misiel Bani long Kerevat Rabaul olsem. Brata yu tok long em les long ol lapun nes na sista long Kerevat, na PNG wantaim.

Mi wangepa boi wan wan taim mi save go long haus sik. Na mi tok larim ol lapun i stap bikos wai, ol yangpela nes ya i luk olsem ol i no save gut long wanem kain sik yu kisim.

Sapos yu sik malaria bai ol tok sik aids. Het pain bai tok tapoid, bel solap lek han guria bai ol tok nimo-

nia, ol yangpela ya ol paul stret ya na brata mi laikim ol lapun wait gras stret.

So brata mi laikim waitgras kamap long en, em moa gutpela stret em bai wok gut tru. Yangpela em bai wok antap antap tasol.

Waitgras bai givim marasin olsem yu laikim long em rait olgeta.

Em tasol sapotim o egensim rait i kam tasol.

**Paul Sap Sepso
Margarima, SHP**

Sapos yu laik salim ol pas bilong yu i kam long dispela niuspepa.
Salim i kam long dispela adres:

THE EDITOR
WANTOK
NEWSPAPER
PO BOX 1982, BOROKO, NCD.

Ol Morobe na Madang no painim ples long Wewak

Dia Edita,

Mi wangepa mangi Morobe i stap nau long Mosbi mi laik bekim pas bilong Tillie o susa i bin kamap long Me 25, 2000 long Wantok niuspepa.

Susa ya i tok olsem mipela ol Morobe na Madang save kam long Sepik ol save raun siruk siruk olsem kindam na kol pis. Tillie mi laik tokim yu stret olsem ples bilong yu i nogat wangepa gutpela kampani fektori na planti wok i stap olsem na yu bai i no inap lukim ol Morobe na Madang long hap ples bilong yu.

Yu tasol bai painim wok na kam long Morobe na Madang.

Mipela kam long ples bilong yu em mipela kam tasol long wok tasol yu laik kam long Morobe na Madang long hangamap olsem ol biak bokis na i go na komplek. Traim na i stap isi.

**Nanang Moduge
Mosbi**

Agrikalsa projek mas i go insait long Kabwun eria

Dia Edita,

Mi wangepa mangi Kabwun nau i stap long Mosbi. Mi save harim na lukim long Wantok niuspepa olsem olgeta taim agrikalsa projek save kamap long ol Hailans provins tasol.

Olsem wanem long yumi ol Morobe olsem Kabwun pipel. Ating ol memba bilong yumi mas slip yet o? Nau em taim bilong kirap na opim ai na tingting na mekim samting, we ken kamap nupela long ai bilong ol pipel bilong yumi.

So ol i ken luksave olsem wanem em agrikalsa. Em tasol na husat laik sapotim em welkam tasol.

**Yai Gala Ghetto
Mosbi**

Ol arapela lotu i no kristen kisim tok

Dia Edita,

YES mi laik sapotim tok bilong memba bilong Saut Bogenvil Michael Laimo, em i bin kamap long niuspepa long August 3, 2000 askim bilong memba ya i go long gavman bilong tude long painimaut, husat praim minista i bin tok orait long ol dispela ol giaman lotu, Muslem ol i kam insait long kristen kantri Papua Niugini.

Dispela ol lain i kam long hap bilong Midel Is na Afrika kantri.

Mi laik tok gen, Papua Niugini em kristen kantri, olsem na mi laik tokim gavman bilong kantri bilong yumi long noken tru kisim ol giaman lotu nambaut olsem nau Muslem, ol i i stap pinis, na ol Muslem, Hindus, Budas na i gat planti arapela giaman lotu ol i stap long Midel Is na Afrika kantri, mipela ol kristen manmeri long dispela kantri (PNG) mipela i no laik tru ol dispela giaman lotu kam insait long PNG. Gavman bilong Papua Niugini i mas save long dispela.

Okey nau gavman bai mekim wanem long ol dispela ol Muslem. Nau ol i sanapim bikpela haus arere tasol long friwe long Hohola, ol kristen manmeri bilong PNG mi laik tokim yupela olsem, dispela ol giaman lotu lain ol inap long

grisim yu long mani na arapela samting, long pulim yu i go lusim gutpela bilip yu i gat long Jisas Kraus, na ol bai tokim yu long lotu long nem bilong Mohamed o arapela samting.

Mi tromoi tok lukaut bilong mi i go long olgeta kristen manmeri long Papua Niugini long lukautim gut bilip bilong yupela.

Mi laik sapotim tok bilong memba bilong Wau Bulolo, Samson Napo, em i bin kamap long niuspepa sampela wik i go pinis. Em i tok long rausim diwai kros antap long palamen haus, dispela em i tru.

Bikos dispela haus tambaran insait long en, kainkain pasin nogut i save kamap long hap, pasin stil, pamuk pasin, bel hat, kros, tingting nogut, na tok doti, na arapela samting moa i stap, em ol wanem lain i save i stap insait long dispela haus palameri, ol yet save.

Diwai kros em piksa bilong sevia (Jisas Kraus bilong Nazaret) King of Kings and Lord of Lord. Na noken plai wantaim diwai kros antap long dispela sin haus. Tok mi tok pinis long ol dispela giaman lotu, ol Muslem, Hindus, Budas na arapela, dispela ol lain ol inap long paulim ol

lida bilong yumi na samting olsem bai i kamap long kantri bilong yumi.

Tenkyu tru pas bilong mi i kam inap olsem, marimari bilong bikpela Jisas Kraus, na sori bilong God papa, na bel isi bilong Holi Spirit i ken i stap wantaim olgeta kristen manmeri long dispela kantri na God i ken blesim yupela olgeta tru.

Yu husat i laik sapotim o egensim em i laik bilong yupela tasol.

**R B. Simao
Morota**

Rausim Cathy Moida long 'kaunsel ov wimen' presiden bilong Madang

Dia Edita,

Mi wangepa man husat i save lukluk long wok bung bilong ol komyuniti long Madang provins.

Long taim bilong bung bilong ol gavana na ol administreta long Madang 5/8/2000, wantaim kaunsel ov wimen, mipela i no lukim Cathy Moida

husat ol i tok em i presiden bilong kaunsel ov wimen bilong Madang.

Mipela i save olsem Cathy Moida em i wangepa gridi meri na pasin bilong kristen i no stap long em.

Mi save olsem waitpela laplap i karamapim ausait tasol na insait bilong em i

tudak.

Cathy Moida i mas rait na tok sori long pablik olsem em i no stap long dispela bung bilong ol Momase gavana, administreta na kaunsel ov wimen.

**Takel Talau
Madang**

Ol Sepik pulap long olgeta hap bilong Lae siti

Dia Edita,

Mi wanpela boi Finchaffen nau mi i stap long Lae siti long provins bilong mi yet. Mi laik bekim pas bilong susa Misis Tille Tilov long Wewak, i bin kamaut long *Wantok* niuspepa long Ogas 3, 2000.

Yu tok long Morobe planim wanpela pos long Sepik? Em bai hat tru long wanpela Morobe bai planim pos long hap, bikos Morobe i no sot long graun na ol gutpela samting bilong pulim mani stap. Mipela ol Morobe i no save painim pipi na trip nambaut long Sepik. Mi dispela Morobe save sori na lap tru long lukim yupela Sepik pulap tru long 4 kona bilong Lae siti nogat wok mani bilong yupela. Em tasol.

**Tluda Wongl
Lae**

Obura LLG no wok gut

Dia Edita,

WARI bilong mi go olsem. Mi wanpela man long ples Samura insait long Obura distrik bilong lsten Hailans provins. Na stori bilong mi i go stret wantaim Lamari lokol gavman kaunsel hia yet long Obura.

Olsem mi yet save lukim planti hevi i save bungim dispela LLGC, olsem na mi laik stori liklik long kaunsel bilong mipela Obura em bikpela distrik tu insait long EHP na tu i gat planti bilong ol manmeri na ol pikinini.

Tasol bikpela samting kaunsel i no save wokim wok bilong ol (projek) olsem wokim wok bilong nesirim kumu na salim long ol lokol fama insait na ausait long Obura tu.

Lukautim kakaruk na pik. Na tu i gat kaunsel memba insait long wan wan wod, Kaunsel menesa, kaunsel presiden na ol kaunsel memba. I nogat wanpela han mak bilong dispela kaunsel long ol projek. Ol i save tasol long baim landcruiser na toyota hilux.

Na menesa i no stap na i no

save wokim wok gut long Obura wantaim presiden bilong em tupela i save tasol long kaikai mani.

Kaunsel chamber tu i ran daun pinis na bruk bruk na bus karam-paim pinis.

Em tasol wari bilong mi. Sapos yu husat brata na susa yu laik sapotim o egensim welkam tasol bai mi amamas tasol long lukim.

**Jonnie Boy Taima
Nokondi town, Obura**

Nogat sem bilong yu memba bilong Okapa, Casten Maibawa

Dia Edita,

Mi wanpela mangi Okapa laik rait na autim tingting na bel hevi bilong mi.

Mi no amamas stret long memba bilong Okapa open Casten Maibawa i bin amamas long ol lain Auyana ol wokim 30 kilomita rot long han.

Em bin kam long Wantok niuspepa long Jun 29, 2000, mi no wanbel stret long Casten Maibawa i amamas long Frank Fikena na Siano Turi. Bilong wanem na yu amamas long tupela?

Tupela wokim wok long helpim ol pipel bilong ol. Inap long Casten bai yu wokim wok olsem long ol masin. Tasol nau yu hait stap na yu opim ai tasol long dispela wok ol wokim long han. I nogat sem bilong yu stret.

Dispela hamas yia yu stap long palamhaus haus nogat senis long Okapa distrik.

Na tu ol wok man bilong Okapa lokol level gavman tu i no save wokim wok gut.

Em wanem kain pasin bilong yupela ya! Na tu mi save lukim planti wantok sistem tumas long Okapa, dispela kain rabis pasin lusim.

Na wanpela samting mi save lukim em olsem, man i wok dokta, bai kamap wok olsem plis ken, na man wok plis bai wok long Woks departmen.

Bai ol save senis senis wok, man yupela tasol i gat save o plis. Bai yu lukim tu ol kainkain man bai kalap long gavman ka na i go long taun olsem pasindia ka.

Yusim het liklik ya ol ekting stret.

Ating em tasol bel hevi bilong mi. Husat sapotim o egensim mi welkam tasol long Wantok niuspepa.

Eron Belden Kisave

Toksave i go long ol manmeri husat i save salim pas ikam long *Wantok Niuspepa*. Sapos yu no putim nem tru bilong yu long pas bai mipela i no inap prinim pas bilong yu.

Alfred Pogo kamap olsem kago boi bilong PNG

Dia Edita,

TENKYU long givim mi dispela spes.

Mi wanpela mangi Finschafen, nau mi stap long Wau, Morobe provins.

Mi laik autim bel hevi bilong mi long memba bilong mipela Finshafen Alfred Pogo.

Mipela pipel bilong Finshafen i no votim em long kisim wok ministri na mekim wok na kirapim ol narapela ilektoret long narapela provins, olsem Hailans, Sepik, Nesenel Kapital Distrik.

Mipela votim em long kamap wok boi bilong Finschafen distrik, na kirapim wok insait long ilektoret bilong yu stret. Yu mas lusim wok ministri na kamap olsem Gavana bilong Morobe Luther Wenge.

Luther Wenge em Gavana nating i nogat ministri wok bilong em. Em kamap wok boi bilong Morobe yu mas kamap olsem em na kamap wok boi bilong Finschafen distrik. Tenkyu.

**Shem Farock
Wau, MP**



POLICE ASSOCIATION OF PNG

PABLIK NOTIS

Dispela em toksave i go long olgeta memba bilong Police Association na ol arapela pablik sevans husat i gat laik olsem Mr Aloysius Eviaisa, Presiden bilong Police Association na Dairekta long POSF Bod na eksekutiv bilong em bai holim wanpela pablik miting long Kimininga Polis Bareks long Sarere Septemba 9, 2000 long 9.00am moning.

Mr Eviaisa bai toktok long ol membas bilong em na tu toktok long husat ol pablik sevans i gat laik tu long wanem samting i wok long kamap long POSF tude, promosen na pe bilong ol plisman na plismeri. Dispela em sans we ol membas na ol arapela tu i ken autim tingting bilong ol. Mipela i no laikim bai politiks i givim hevi olsem long NPF.

Olgeta i welkam.

Tok orait i kam long:

ALOYSIUS EVIAISA, QPM BA
Assistant Commissioner of Police
President - Police Association

WOK BISNIS
MANDE IGO FRAIDE
8.am igo 5.pm apinun


WANTOK
KLASIFAID TELIPON: **325 2500**

ADVATAISIN SEILS
Miri Alori: ext 214 Walter D.Edward: ext 218
John Iagata: ext 217



**NATIONAL HEART FOUNDATION
OF PAPUA NEW GUINEA**

Isi long kaikai ol
kaikai i gat gris...
Planti gris kaikai bai
bagarapim mi



P.O. Box 158
Mount Hagen, W.H.P.
Papua New Guinea

Tel: 542 2199
Fax: 542 2384
Email: guinnpkf@online.net.pg

**BUSINESS OPPORTUNITY IN
NEWSPAPER SALES
IN NCD**

If you own a ute, and live in the National Capital District, then this message is for you.

Word Publishing, a Church-run newspaper organisation, the publishers of

Wantok,
The **Independent**

and the monthly **PNG BUSINESS**
is looking for a Street Sales Agent in NCD.

An attractive commission is offered for a suitable person.

Contact

Leo Wafiwa on

Ph: 325 2500

to get further details.



Department of Lands and Physical Planning



NOTIS BILONG ASKIM OL LAIN I LONG BAIM HAUS

Dipatmen nau i salim pinis notis bilong Demand for Payments (yelo cad) long husat pipel i sindaun long haus bilong gavman na i no stretim yet pe bilong haus long las 6-pela mun.

Dispela em long toksave olsem mak bilong mani bai kamap aninit long fofit i go long Stet sapos ol i no stretim dispela insait long wanpela mun.

Dipatmen bai stat long fofitim ol haus long Septemba 2000.

Olsem lisholda i mas baim pe bilong haus maski yu kisim notis o nogat. Sapos yu gat sampela mani i stap yet egensim haus bilong yu, yu mas kam na stretim so haus bilong yu bai i no inap fofit i go long stet (gavaman).

Sapos yu gat save askim, ringim Revenue Opis 301 3199 or 301 3202

GUAO K. ZURENUOC, OBE
Sekretari

**PORT MORESBY
SOCCER ASSOCIATION**

Saturday 9th September, 2000

Bisini One (1)

08:00D2	Naniu vs Wanzesi
09:20W2	Rapatona vs Tawala
10:30W2	Pom United vs Bavaroko
11:45W1	ANZ University vs Wikila Tarangau
12:55W2	SP Brewery vs Falcon
14:00D1	Normads vs Verave
16:00Prem	LBC Defence vs Cosmos

Bisini Two (2)

08:00D2	WMI vs Duau
09:20D2	Mungkas vs Dollos
10:30W1	IBS PS United vs Sobou
11:45D1	YM2 vs Adau
12:55W1	Telikom vs Cosmos
14:00D1	Sobou vs Dobo Futz
16:00Prem	SP Brewery vs IBS PS United

University Oval

08:00 Youth	Kurti Andra vs Wikila Tarangau
09:20 Youth	Cosmos vs LBC Defence
10:30D4	Cosmos vs LBC Defence
11:45 Youth	SP Brewery vs IBS PS United
12:55D4	SP Brewery vs IBS PS United
14:00D4	Kurti Andra vs Wikila Tarangau
15:15D4	ANZ University vs Rapatona

Sunday 10th September, 2000

Bisini One (1)

08:00D2	Naniu vs Monier Kayaks
09:20W1	Guria vs Cyclone
10:30D1	Bao Mitas vs Cyclone
11:45W1	Kula vs LBC Defence
12:55D1	Kula vs Dobo Futz
14:00Prem	Guria vs Tawala
16:00Prem	Babaka vs Blue Kumuls

Bisini Two (2)

08:00D2	Nisco vs Bavaroko
09:20D2	Murat vs Wanzesi
10:30W2	SP Brewery vs Bavaroko
11:45W2	Orogen U/18 vs Madgauns
12:55W1	Telikom vs WMI
14:00Prem	Kurti Andra vs Wikila Tarangau
16:00Prem	Rapatona vs ANZ University

University Oval

08:00 Youth	Tawala vs Guria
09:20 Youth	IBS PS United vs Tarangau
10:30D4	Tawala vs Guria
11:45 Youth	ANZ University vs Rapatona
12:55D4	IBS PS United vs Wikila Tarangau
14:00D3	Bipi vs Muma
15:15D4	Babaka vs Blue Kumuls

Bye: Pom United (D1), Eda Ranu (D2), Waigani Heights, Murat (W2) and Babaka (youth). Meeting: For D3, D4 and Youth on Monday 11th September, 2000 at Bisini oval at 5:00pm to update points ladder. Please bring your records.

POINTS LADDER

Mens Division

Premier	P	W	D	L	F	A	PTS
ANZ University	20	18	0	2	47	12	54
Rapatona	21	15	4	2	33	13	49
LBC Defence	21	14	2	5	51	21	45
SP Brewery	21	12	3	6	34	17	39
Cosmos	21	7	5	9	28	30	26
IBS PS United	21	6	7	7	23	18	25
Babaka	20	6	7	8	31	34	24
Guria	21	6	5	9	28	29	24
Blue Kumuls	21	6	2	13	30	42	20
Tawala	21	5	4	12	20	39	19
Wikila Tarangau	21	5	2	14	21	48	17
Kurti Andra	21	2	2	17	13	51	8

Division One

Kula	20	13	5	2	40	11	45
YM2	20	11	3	6	30	19	36
Sobou	20	10	6	4	26	15	36
Dobo Futz	20	10	4	6	27	21	34
Pom United	21	9	6	6	22	15	33
Bao Mitas	20	7	4	9	21	23	31
Cyclone	20	7	8	5	19	17	29
Normads	20	6	3	11	28	33	21
Adau	20	4	7	9	17	25	19

Bulolo Mocs	20	5	4	11	21	26	19
Verave	20	4	5	11	22	35	17

Division Two

Murat	19	10	6	3	36	23	36
Nisco	19	9	4	6	31	21	33
Naniu	18	9	4	5	30	14	31
Dollos	19	9	3	7	34	30	30
WMI	19	8	6	5	26	16	30
Mungkas	19	8	5	6	26	30	29
Bavaroko	19	7	5	7	26	22	25
Duau	19	5	6	8	18	28	21
Wanzesi	18	5	5	9	20	21	20
Monier Kayaks	19	5	3	11	17	26	18
Edau Ranu	20	4	6	9	21	30	18

Division Three

Aigob	16	9	4	3	24	9	31
Buresong	16	8	6	2	18	11	30
Kutu	16	9	3	4	18	15	30
Muma	15	8	4	3	21	13	28
Sunset	16	7	6	3	17	13	27
Bipi	15	6	3	5	16	14	21
Rainbow West	16	3	2	11	5	26	11
Pom United	16	2	3	11	10	18	9
Asum	16	0	1	15	2	20	1

Division Four

Rapatona	18	12	4	2	43	16	40
LBC Defence	18	11	5	2	32	14	38
ANZ University	18	10	6	2	32	16	36
Wikila Tarangau	18	8	5	5	21	17	29
Cosmos	18	8	2	8	25	21	26
Blue Kumuls	17	7	4	6	13	16	25
Guria	15	6	7	2	19	12	25
Kurti Andra	21	6	6	9	14	21	24
IBS PS United	20	5	8	7	19	20	23
SP Brewery	18	6	3	9	16	25	21
Babaka	17	4	1	12	9	37	13
Tawala	16	1	3	12	6	26	6

Division Youth

ANZ University	19	11	5	3	34	9	38
Rapatona	17	11	4	5	37	11	37
Guria	14	11	2	1	24	7	35
LBC Defence	16	8	6	2	24	10	30
IBS PS United	18	7	3	8	17	18	29
Wikila Tarangau	16	7	4	5	15	14	25
Cosmos	15	6	3	6	17	19	21
Kurti Andra	16	5	4	7	11	13	19
Babaka	14	3	4	7	7	18	13
SP Brewery	14	2	5	7	11	23	11
Tawala	16	2	3	11	9	30	9

Womens One

Telikom	18	17	0	1	43	3	51
LBC Defence	19	12	5	2	35	9	41
WMI	19	12	2	5	30	15	38
ANZ University	19	11	4	3	22	10	37
Cosmos	19	8	6	5	20	13	30
Sobou	19	7	6	6	10	15	24
Wikila Tarangau	19	4	7	8	11	17	19
Guria	19	5	2	12	7	12	17
IBS PS United	19	3	5	11	7	16	17
Cyclone	19	3	6	10	9	31	15
Kula	19	3	3	12	9	14	12

Womens Two

Orogen U/18	19	15	3	1	45	5	48
Bavaroko	18	12	5	1	36	7	41
Rapatona	19	11	4	4	41	15	37
SP Brewery	18	11	4	3	28	9	37
Tawala	19	10	7	2	15	6	37
Murat	20	10	5	5	16	10	35
Pom United	19	8	4	7	11	30	28
Falcon	19	5	5	9	8	32	20
Waigani Heights	19	3	4	13	7	25	13
Madgauns	19	3	4	12	6	30	13
Adau	19	3	3	13	5	30	9

LAHI

**SOCCER ASSOCIATION
Week 14 - Speedway (Malabu)
Saturday September 8, 2000**

0900 Under 19-1	Huonville v Bugandi
1015 Under 19-1	Bumayong v TTC Bullets
1130 Under 19-1	Defence v Poasum
1245 Under 19-1	Busu v Sobou
1400 Under 19-2	8 Mile Demdem v Guria
1515 Women 1	Guria v Morobe Utd

Sunday September 10, 2000

0900 Premier 1	Bugandi v Murat
1045 Women 1	Elcom v Defence
1200 Women 1	Malabu v Sobou
1315 Division 1	Elcom v TT Bullets
1345 Premier 1	Sobou v Unitech
1545 Premier 1	Guria v Malabu

Telikom Training Centre
Saturday September 9, 2000

0900 Prem. Div	8 Mile Demdem v Maienduo
1015 Prem. Div	Rapatona v Geeotton
1130 Women 1	TTC Bullets v Eagle Sisters
1245 Division 1	Amotts v 8 Mile Demdem
1415 Division 1	TTC Bullets v Mungkas
1800 Division 1	Asiawe v KA Midnorth

Sunday September 10, 2000

0900 Prem. Div	8 Mile Demdem v Maienduo
1015 Prem. Div	Rapatona v Geeotton
1130 Women 1	TTC Bullets v Eagle Sisters
1245 Division 1	Amotts v 8 Mile Demdem
1415 Division 1	TTC Bullets v Mungkas
1600 Division 1	Asiawe v KA Midnorth

Sunday September 10, 2000

0900 Under 19-1	Defence v TTC Bullets
1015 Under 19-2	Murat v Guria
1130 Under 19-1	Elcom v Busu
1245 Under 19-1	Bumayong v Bugandi
1300 Under 19-2	Bumayong v Gaziga
1446 Division 1	8 Mile Demdem v KA Midnorth

Igam Field

Sunday September 10, 2000

0900 Prem. Div	Defence v Rapatona
1015 Division 1	Mungkas v Amotts
1215 Division 1	SP Brewery v Milne Bay Utd
1400 Premier 1	Rapatona v Defence
1545 Premier 1	Guria v Murat

Note: Forfeit Games: W1: Unitech vs Morobe Utd, Elcom, Murat, Malabu, Sobou. U19 1: Moamse vs Busu, Huonville Defence, Poasum, Elcom, Lae Biscuit vs Defence, Bugandi, lae Biscuit vs Bumayong, Eastern Star vs Defence, Bugandi, Sobou, Busu. D1: Eastern Star vs TTC Bullets, Mungkas, KA Midnorth, Asiawe, Arnoths, SP Brewery.
Bye: W1: Murat
Gate fees: U19 - K10.00. Women, Division 1, Promotional Division - K16.00.

**SP LAGER LAE
RUGBY LEAGUE 2000**

Grand Final

Sunday 10th September, 2000

11:00U17	BHP Brothers vs Magani
12:10U19	BHP Brothers vs JT Defence
13:15B	JT Defence vs Lae Bisket Spiders
15:00A	MDC Royals vs Lae Bisket Spiders

GOROKA

RUGBY UNION

Sunday, September 10, 2000

National Sports Institute

12.00	Nipuks v Guava (Susuve)
01.30	Barbarians v Pirates (Vanua)
03.00	Harlequins v Sharks (Susuve)
04.30	Brothers v Pineapples

**PORT MORESBY
RUGBY FOOTBALL UNION**

Round Two - Game 3
Tuesday August 12, 2000

Field 1

University v Wanderers
Royals v Harlequins

Field 2

1RPIR v Finpac
Brothers v Defence
Bye: Telikom, Harlequins A Grade

Game 4: Tuesday August 19, 2000

Field 1

Finpac v University
Defence v 1RPIR

Field 2

Brothers v Harlequins
Wanderers v Telikom
Bye: Royals

Game 5: Saturday August 26, 2000

Field 1

1RPIR v Harlequins
Brothers v Wanderers

Field 2

Telikom v University
Royals v Defence
Bye: Finpac, Defence A Grade

Game 6: Saturday September 2, 2000

Field 1

Defence v Finpac
Brothers v 1RPIR

Field 2

Royals v Wanderers
Harlequins v Telikom
Bye: University A Grade

Game 7: Saturday September 2, 2000

Field 1

Defence v Harlequins
Finpac v Royals

Field 2

Telikom v 1RPIR
University v Brothers
Bye: Wanderers, Finpac A grade

Game 8: Saturday September 9, 2000

Field 1

Harlequins v University
Telikom v Brothers

Field 2

Royals v 1RPIR
Finpac v Wanderers
Bye: Defence, 1RPIR A Grade

Game 9: Saturday September 16, 2000

Field 1

Wanderers v Defence
Harlequins v Finpac

Field 2

University v 1RPIR
Telikom v Royals
Bye: Brothers, Telikom A Grade

Major/Minor Semifinals: Wed, Sept 20,
Preliminary Final: 23rd September
Grand Final: 30th September

KOIARI

**RUGBY LEAGUE
10th Grand Final Program
Sunday September 10, 2000.**

Iarowari (Sogeri)

11.00	Arrival of invited guests
12.00	B Eels v Pukpuks
01.15	B grade prize presentations
01.30	A Hooks Tigers v Pukpuks
03.00	A grade presentations




WANTOK SPOT




Mioks redi long winim SP Kap




• Stanis Kale.



• Raymond Karl.



• Paul Minape.



• Tuksy Karu.

HENRY MORABANG i raitim

ENGA MIOKS nau i tingting long winim namba wan SP Kap taim ol i bungim Rabaul Guria long gren fainel long Pot Mosbi.

Tupela tim bai bung namba foa taim long dispela yia. Insait long tripela arapela gem, Enga Mioks i wok long bagarapim tru sindaun bilong ol boi Rabaul wantaim bikipela skoa.

Kosa bilong Enga Miok Toksy Nema i gat bilip olsem ol boi bilong em i redi tasol long winim taitel.

Enga Mioks i kamap strongpela tim tru bikos em i kisim sapos i kam long pipel bilong Enga we Provinsal Gavman yet i givim bikipela helpim mani long lukautim tim.

Wantaim helpim i kam long Toyota, Gavana olsem politikel hetman bilong provins i givim bikipela sapot long mekim Enga Mioks i kamap wanpela strongpela tim.

Enga Mioks menesmen tu i mekim bikipela

sakrifais long bringim o kisim ol pilaia long arapela senta olsem Raymond Karl (Mendi Muruks) na Tuksy Karu (Pot Mosbi Wests)

Kosa Nema i amamas bikos tupela i yusim gut eksperiens bilong ol long helpim ol yangpela pilaia long win.

Enga Mioks i gat strongpela fowat olsem Karl, Paul Minapi, Andrew Kanamon, Peter Saa na Leo Kondai long go pas long tim.

Karl na Kanamon i yusim eksperiens long Kumul long lukautim gut ol yangpela fowat bilong Mioks.

Long beklain, Stanis Kale husat i save papa long beklain bilong Kundiawa Warriors i joinim Mioks long dispela yia. Em i bung gut wantaim Tuksy Karu na tu sampela taim Robert Tela long lukim Mioks i mas win.

Mioks i gat gutpela rekot long winim ol gem longwe long ples. Rabaul i gat narapela kain rekot liklik we ol i save lus nogut tru long birua tim sapos ol i go pilai long narapela senta.

Long senta bilong Mioks, yangpela brata bilong Robert, Roy na Jason Desmond bai

OL WINA BILONG BIPO

1990 - POM Vipers - winim Mt Hagen Eagles 26-6

1991 - POM Vipers - dro wantaim Mt Hagen Eagles 18-18

(Tasol Vipers win bikos em skorim 4-pela trai)

1992 - POM Vipers - winim Mt Hagen Eagles 31-10

1993 - Goroka Lahanis - winim POM Vipers 30-16

1994 - POM Vipers - winim Goroka Lahanis 20-12

1995 - Lae Bombers - winim Mendi Muruks 19-18

1996 - Mendi Muruks - winim Kundiawa Warriors 22-0

1997 - Mt Hagen Eagles - winim Lae Bombers 29-10

1998 - Mt Hagen Eagles - winim Mendi Muruks 24-18

go pas na tupela smok balus long wing em

Rodney Kamberan na Peter Kati.

Willie Amean bai lukautim beklain.

Mioks i gat wanpela gutpela trenna stret Sevi Maifuru husat i wanpela papa bilong Kone Tigers klab long Pot Mosbi bipo em i lusim na joinim Enga Mioks.

Long sait bilong Rabaul Guria, kosa Jeff Wade i pasim tingting tasol na wetim ol pilaia yet i mas mekim toktok long fil.

Em i tok Enga Mioks bai kamap olsem feveret long winim taitel tasol Rabaul Guria bai go na skelim strong bilong ol boi Hailens.

Kepten Peter Dunn, wanpela lapun bilong tim bai go pas. Em bai kisim helpim i kam long Lucas Solbat, Eremas Batki, Chris Pukikil na David Saramasi na huka yet Giamuki Tau.

Strong bilong Rabaul Guria i stap wantaim faiv-et Jessie Alunga na Normyle Eremas. Tupela i wok long go pas long Rabaul tim long las minit long winim gem.

Long senta William Tale na James Dummie bai traim long setim tupela winga Kelly Nopi na Osar Tonga long skoa.

Long fulbek em lapun bilong Goroka Lahanis Stanley Sukot bai lukautim. Em i joinim Rabaul Guria las yia tasol em i no laki tumas taim ol i lus long Goroka Lahanis.

Arapela riserv pilaia olsem Ben Kakadep, Peter Kuravi na Walter Vagaia bai lukautim gem na sapotim tim long riserv bens.

Insait long arapela stori, PNG Ragbi Futbol Lig SP Kap komiti i makim pinis Alphonse Pu olsem referi bilong gren fainel.

Em i winim wanwok bilong em, Tony Kuni, long kisim dispela wok olsem referi ya.

Siaman bilong SP Kap komiti Jim Robins i tokim Wantok olsem ol i makim Alphonse Pu bihain long gutpela toktok save namel long em na dairekta bilong referi, Francis Matmilo.

5-pela PNG bai pilai long Olimpik Gems

FAIPELA spotman na meri bai makim kantri, Papua Niugini long Olimpik Gems long Sidni, Australia.

Nem bilong ol spotman na meri em Xenia Peni, Kieran Chan, Ann Mooney, Mowen Boino na Dika Toua.

Peni na Chan bai resis long swimming, Mooney na Boino bai ran resis na Dika Toua em weatlifting.

Insait long wanpela ripot, i nogat wanpela pilaia i kwalifai long resis long Olimpik Gems long Sidni. Tasol intanesenel Olimpik Komiti (IOC) i kamapim gutpela nem long Olimpik olsem Gem ya em bilong olgeta lain man na askim tupela biknem spot atletik na swimming long makim wanpela man na meri long resis. Dispela kain sans ya em

IOC i givim long olgeta diveloping kantri. PNG Spots Federesen husat i save go pas long lukautim intanesenel spot resis i kisim sans long makim ol pilaia long resis.

Na spot bilong weatlifting em kamap long walidro. Olsem na ol i kisim nem bilong PNG na ol i makim yangpela Dika Toua husat i gat 18 krismas tasol long

makim kantri.

Dika em wanpela smatpela yangpela skul meri long Badihagwa na em bilong ples Hanuabada, ol papa-graun bilong Pot Mosbi siti.

Sir John Dswanincura, sekretari bilong PNG Spots Federesen i tokaut olsem olgeta spotman na meri i redi tasol long go na pilai long Sidni, Australia.

Em i Gutpela Em i Tuna Em i bilong PNG stret...

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.